


Inches

centimeters



	1	2	3	4	5	6	7	8	9	10	11 (A)	12	13	14	15
L*	39.12	65.43	49.87	44.26	55.56	70.82	63.51	39.92	52.24	97.06	92.02	87.34	82.14	72.06	62.15
a*	13.24	18.11	-4.34	-13.80	9.82	-33.43	34.26	11.81	48.55	-0.40	-0.60	-0.75	-1.06	-1.19	-1.07
b*	15.07	18.72	-22.29	22.85	-24.49	-0.35	59.60	-46.07	18.51	1.13	0.23	0.21	0.43	0.28	0.19

16 (M)	17	18 (B)	19	20	21	22	23	24	25	26	27	28	29	30	L*
49.25	38.62	28.86	16.19	8.29	3.44	31.41	72.46	72.95	29.37	54.91	43.96	82.74	52.79	50.87	a*
-0.16	-0.18	0.54	-0.05	-0.81	-0.23	20.98	-24.45	18.83	13.06	-38.91	52.00	3.45	50.88	-27.17	b*
0.01	-0.04	0.60	0.73	0.19	0.49	-19.43	55.93	68.80	-49.49	30.77	30.01	81.29	-12.72	-29.46	b*

D50 Illuminant, 2 degree observer

Density 0.04 0.09 0.15 0.22 0.36 0.51

0.75 0.98 1.24 1.67 2.04 2.42

Colors by Munsell Color Services Lab

Golden Thread

Don Williams



215.


a M^r Jean Bernard baron
de Fünfkirchen. à Paris A^o 64


Complete
45 plowden -
(22 minutes + 1)


BHR 521832

5/99

FT







Art militaire a cheval

Art militaire a Cheval.

INSTRVCTION DES PRINCIPES ET FON- DEMENTS DE LA CAVALLE-

RIE, ET DE SES QVATRE ESPECES,

ASC AVOIR LANCES, CORRASSES,

Arquebus & Dragons, avec tout ce qui est de leur
charge & exercice.

AVEC

QVELQVES NOVVELLES IN- VENTIONS DE BATAILLES ORDON- NEES DE CAVALLERIE.

ET DEMONSTRATIONS DE LA NECESSITE, VTILITE ET
EXCELLENCE DE L'ART MILITAIRE, SVR TOV-
TES AVLTRES ARTS ET SCIENCES.

Experimenté, descript & représenté par plusieurs belles figures entail-
lées en cuivre.

PAR


JEAN IAQVES de Wallhausen/ Principal Capitaine des gardes, & Ca-
pitaine de la louable ville de Danzick.



A ZVTPHEN,

Chez ANDRE D'AEIST, ANNO 1621.

Axc 10



A V
L E C T E V R
E T

A M A T E V R

De la Tresnoble Milice.



MY Lecteur. Ce tres-louable Chevalier, le Seig: George Bastanc dit sans raison en la preface sur son traicté du Gouvernement de la Cavallerie, qu'il ne se peult' assez esmerveiller, de la grande negligence de ceulx, qui ont escript des choses militaires, tant anciens que modernes, en ce qui concerne la Cavallerie. Et alleguant quelques raisons, qui jusques a present les en ont detournez, entre lesquelles il conte aussi celle cy, qu'ayans plus d'esgard a la milice ancienne des Grecqs & Romains, desquels le principal effort estoit en l'Infanterie, ils ne se sont soulciez de la Cavallerie: ne s'en contente toutesfois, ains en adjouste encor une aultre plus vray semblable, asçavoir, qu'ils n'en ont rien sçeu ne entendu. Ce que je luy accorde volontiers, y adjoustant encor cecy, asçavoir, que ceulx la mesmes qui l'ont bien entendu, par une damnable envie n'ont voulu communiquer aux autres, ce qu'ils en sçavoient. Et quant a ce tresprudent & grand Chevalier, c'est bien dommage, que les braves exploicts & succes, lesquels sans doubte il a mis par escript, ne sont publiez. Et suis bien d'avis, que s'il eust vescu du temps de la publication du susdit traicté, il l'eust & augmenté & corrigé en plusieurs endroits. Car, comme on voit, il ne dit mot des fondements & principes de la Cavallerie, ne par quel moyen elle doit estre conduite a une bonne & heureuse fin. Dont à bon droit je m'en plains avec Ælian, que comme aultres escrivains des choses militaires, il n'a point escript pour les novices & Tyrons, mais pour les vieulx & bons soldats. Voycy qu'en dit Ælian: *Omnium opera legi, & quid de iis judicem, dicam: Omnes fere ita unanimiter scripsisse, quasi docere homines vellent, non ignoros, sed satis earum rerum peritos quas explicare statuerunt.* C'est a dire: j'ay leu tous leurs escripts, & en diray rondement mon advis: Asçavoir que tous unanimement en ont escript, comme voulants enseigner non pas les ignorants, mais ceulx qui ont desja bonne cognoissance ou experience des choses, qu'ils pretendent traicter. Ce qui a bon droit se pouvant dire, non seulement des antiques, Excepté Vegece, Frontin & Ælian, mais aussi des modernes, & mesme de ceulx de nostre temps, qui n'ont escript que par parties de ceste tant haulte science, dont n'y a qui en puisse faire quelque profit, que ceulx qui y sont bien experimentez, passent les principes & fondements sous silence: j'ay bien voulu prendre la peine d'en faire quelque deduction, & monstrier les commencements & tyrocines des arts militaires, pour la satisfaction & contentement des amateurs d'icelles. T'asseurant rondement amy lecteur, que ce que j'en escriis, ne procede ou de curiosité ou de quelque vent de fole ambition: mais d'une sincere affection & amour de laditte art, & du desir de secourir & instruire les tyrons & nouveaux venus. Avec regret, non seulement de ce, que ceste art a esté si longuement cachée & comme ensepueliée, mais aussi qu'en la Chrestienté les principes & fondements d'icelle n'ont esté deuement proposees & enseignées a la Jeunesse & novices.

A V L E C T E U R.

vices. Car (ce qui toutesfois se dit sans vantise) parvenant par l'avancement de personages tresdignes & amateurs de la vraye milice, principalement par le tresnoble & preux Chevalier *Diedrich Döinhoff* &c. General de l'armee de la Majeste Royale de Pologne & de Suede, a quelques grandes & honorables charges, je ne m'ay peu assez esmerveiller de la grande ignorance de ceulx, que j'avoy foubz mon commandement, entre lesquels il y en avoit non dix, ne cent, mais bien la plus grande partie, qui ayants esté en diverses armées par 10. 20. 30. & 40. anneés, persuadez & beaucoup sçavoir, & grande experience; voire non seulement en communs soldats, mais aussi ayants offices de Sergeants, Port-en-seignes, ou Lieutenants; qui ne sçavoient comment ils debvoient manier leurs armes, & respondre a ceulx qui leur en demandoient raison. Chose qui ne provient que d'une déplorable negligence en l'art & exercice militaire des communs soldats, & d'une malheureuse & maülditte envie de quelques Officiers, qui en ayant quelque cognoissance ne la veulent communiquer, voire haïssent ceulx, qui poulsez de l'amour de ceste tant noble science, d'un desir loüable de l'avancer, & du bien des tyrons ou nouveaux soldats, en mettent quelque partie en lumiere. Mais qu'est il de faire de semblables esprits envieux? Patience. Car cest le commun que la vertu soit tousiours poursuivie de l'envie. Et de faict ce second livre, mesme devant d'estre parfaict, & mis en lumiere a senty la dent envenimée d'un Mome envieux, & d'un ignorant Zoile, se meslant de la censure de ce mien labeur, devant en avoir eu la vëte, beaucoup moins l'intelligence, le disant estre seulement pour les escholiers, apprentis, & tyrons, & non pour les Chefs, Capitaines & aultres Officiers, ayants quelque cognoissance de la milice. Et qu'est il de besoing, dit il, d'escire de la Cavallerie? & quelles subtilitez en peult on attendre? Et ce Mome & Zoile ne pretendoit estre des moindres, non seulement bon & viel soldat & bië experimenté, mais aussi qui par sa proveffe estoit monté a l'honneur de plusieurs grands offices. Cependant il monstre (faisant mine d'avoir sondé, voire devoré, toute l'art militaire) une admirable ignorance & ignorante imprudence, de desdaigner le labeur d'aultruy, & demander quelle subtilité on pourroit attendre de la Cavallerie. Voire que tout l'effect de subtilité estoit en l'Infanterie, & que de la Cavallerie on n'en a aulcune attente. Mais Mome ignorant & Zoile malicieux; appren premierement l'A. B. C. devant que de persuader d'estre Docteur, & d'entreprendre la censure du labeur d'aultruy. N'as tu jamais ouy ou entendu, combien noble, & de quelle importance est la Cavallerie, & de quelle necessité elle est en la milice? N'as tu (si tu es tel que tu te vantes,) jamais ouy quels sont ses effects, & combien heureuse en est l'issue, quand elle est mise en oeuvre comme il appartient? Et qu'est ce, je te prie, de l'Infanterie seule & sans Cavallerie? Comment ordonnera l'on une bataille sans icelle Cavallerie? Quelle surprise, escarmouche ou aultre entreprise, sans la Cavallerie? En Hongrie comment ferois tu les courses sur le Turc, comment le poursuivrois tu, comment le ferois tu des loger de nos limites sans Cavallerie? Ou as tu veu aulcune bataille, soit en Hongrie, ou en aultre quelconque region sans Cavallerie, voire qu'elle n'ayt fait les plus grands efforts? Par quel moyen est ce, que ce grand & renommé Chef de guerre, le tres-heroique & tresgenereux Prince *MAVRICE* d'Orange &c. fit ployer son ennemy a Turnhaut, ou en la campagne de Tiel? N'estoit ce pas celuy de la Cavallerie? Par quel moyen obtint il la victoire en Flandre? N'estoit pas par la Cavallerie, en laquelle ce noble chevalier le Seig: Gent Pax s'employa si honorable & courageusement? Ne te souvient il de Rinberck, & comment la Cavallerie seule emporte 500. Infants, non obstant

A V L E C T E V R .

obstant l'avantage qu'ils avoient? En somme, pour te monstrier tous les effects & subtilitez de la Cauallerie, il y faudroit vn traicté a part, du que toutesfois comme Mome ignorant je t'estime indigne.

Voirement est ceste miene oeuvre, & le confesse volontiers, pour les tyrons ou nouveaux soldats, tendante au bien & instruction de ceulx qui d'un courage genereux se sont deuouez a la Cauallerie. Mais aussi ne t'ay-je bien instamment requis au premier liure de l'Institution de l'Infanterie, que pour le bien & de la Chrestienté, & de la milice, tu t'asse herois de l'augmenter & auancer aultant que tu pourrois l'instruction des ieunes soldats? Mais si tu es si malheureusement enuieux, que tu ne veulx communiquer ce que tu en as appris: pour les moins ne debvois tu regarder ma promptitude & bien vueillance au service du commun, d'un oeil si maling.

Quant a moy je ne vouldrois avoir vescu pour moy seulement, mais aussi pour tous ceux, ausquels par quelque moyen honnorable je pourrois servir. Et te prie, amy lecteur & amateur de ceste milice, de prendre ces principes & fondements de la Cavallerie a gré & de bonne part, t'exercant en ces tyrocines, jusques à ce qu'au traicté suivans, lesquels j'espere de publier, Dieu aydant, en brief, tu recoibues le reste, & ce qui est de plus grande science, a sçavoir du logis ou au village ou en campagne des places d'Armes, des surprises des quartiers, des guettes ordinaires & extraordinaires: Item de ce qui est a observer soit au camper ou au marcher: Avec ceste consideration, que si toutes ces matieres estoient traictées en ce livre, qu'il fut devenu trop grand, & trop cher a cause de plusieurs figures, qui y debvoient estre adjointes. Et quant aux traictés promis au premier livre, ils ne faudront d'estre (si Dieu m'en fait la grace) d'estre publiez a temps, leur donnant pour Prodrome ou avant courrier un petit traicté de la translation, de ce renommé aulheur Flave Vegece, pour monstrier quelle a esté la milice & armature des anciens Romains, avec quelques belles figures & pourtraictures d'icelle. Oeuvre certes de singuliere importance & curieusité tant pour les nouveaux soldats, que pour les vieulx & exercez Capitaines.

QUE ces froilons, qui ne desirent que d'emporter & devorer le miel & labour d'autrui, soyent advertis, qu'aussi tost que j'apperceburay, qu'ils imprimeront quelque partie de ces miens traictés en quelconque langue que ce soit, je les augmenteray & renouvelleray, a leur dommage: Sans la honte qu'ils en receburont, d'avoir mis la main sur ce, qui ne leur appartient.

S O M M A I R E D E C E S E C O N D L I V R E .



Ontenant un Abbregé de chasque partie d'iceluy, & Chapitre en particulier.

Ce second Livre est divisé en cinq parties.

La premiere partie à quatre chapitres, selon les quatre fortes & especes de Cavallerie asçavoir Lances, Corraffes, Arqueb. & Dragons.

Le 1. Chap:

Description de la Lance, l'armature d'icelle, & de quelle importance & excellence. Item pourquoy elle a commencé a defaillir. Et finalement, une collation d'icelle avec la corraffe, qui luy est preferée par le Seig: George Basta, mais, comme il est demonsté assez au long a tort, la Lance emportant le pris, par plusieurs & tresasseurées raisons. Il à neuf figures, La 1. 2. 3. 4. 5. 6. 7. 8. & 11. prises de la Cavallerie du dit Chevalier Basta, & colloquees avec leur declaration sur la fin du chapitre.

Le 2. Chap:

De la corraffe & son armaturé. Que c'est une Invention nouvelle, & dont elle à pris son origine. Item pourquoy ce nom luy est donné. Avec une description de son effect & propriété. Il à une figure, asçavoir la 9.

Le 3. Chap:

De l'Arquebuse, Carrabin ou bandelier, son armature & maniemment de routes fortes d'arquebus. Il à une figure: asçavoir la 10.

Le 4. Chap:

Des Dragons, leur utilité, usage & armature. Il à une figure asçavoir la 11.

L A

S E C O N D E P A R T I E .

TRaiçte de l'exercice de la Cavallerie, en quatre Chapitres: dont es trois premieres est monsté, comment chasque Compagnie doibt estre dressée, en forte, que selon sa propriété elle puisse effectuer ce qui de sa qualité est requis. Item en quel nombre elles doibvent estre. Au chapitre quatriesme est monsté en particulier, comment chascune partie est exercée.

Le 1. Chap:

En quel nombre doibt estre une Compagnie de Lances, pour effectuer proprement ce qui est de sa qualité. Avec une demonstration, que selon mon instruction 40. ou 50. chevaux feront a present, ce a quoy du passé on employoit 300. ou 400. Il à une figure, asçavoir la 12.

Le

Sommaire de ce second Livre.

Le 2. Chap:

En quel nombre doit estre une Compagnie de Corraffes avec ses Officiers. Il à une figure asçavoir la 13.

Le 3. Chap:

Des Arquebusiers Carrabins ou Bandeliers : ou nombre de leurs Compagnies, avec leurs Officiers. Il à trois fig: asçavoir la 14. 15. & 16.

Le 4. Chap:

De l'exercice, & comment il doit estre entrepris de la Cavallerie, demonstré par l'exemple d'une Compagnie d'arquebusiers. Il à six figures, asçavoir la 17. 18. 19. 20. 21. 22.

L A

TROISIESME PARTIE.

Des Batailles & leurs diversitez, ordonnées d'une Compagnie. Contient cinq chapitres.

Le 1. Chap:

Comment une bataille est ordonnée d'une Compagnie de Lances. A une figure, asçavoir la 23.

Le 2. Chap:

Comment une bataille est ordonnée d'une ou de plusieurs Compagnies de Lances est mise en œuvre. A deux Fig: asç: la 24. & 25.

Le 3. Chap:

Comment d'une Compagnie de 50. ou 60. Lances, on peut emporter 100. Coraffes. A trois Fig: asç: la 26. 27. & 28.

Le 4. Chap:

Comment une Compagnie de Corraffes est ordonnée en bataille. A deux figures, asçavoir la 29. & 30.

Le 5. Chap:

Comment & les Bandeliers & Drageons sont ordonnez en bataille. A deux figures. La 31. 32.

L A

QUATRIESME PARTIE.

EN laquelle le bening & curieux amateur de la Milice voit, comment de toutes quatre sortes de la Cavallerie, de chascune trois Compagnies, faisant un esquadron de 1200 chevaux, sont ordonnées quelques batailles tant defensives qu'offensives. Elle contient trois chapitres.

Le 1. Chap:

Monstre six sortes de batailles avec leurs noms propres. Item une bataille volontaire offensive, Lunaire avec sa defence. Puis une forcée provoquée & defensive, avec son offense. A sept figures asç: la 33. 34. 35. 36. 37. 38. 39.

Le

Sommaire de ce second Livre.

De 2. Chap:

Comment il fault disposer les Compagnies, pour les pouvoir subitement ordonner es batailles susdittes. A une Fig: la 40.

De 3. Chap:

Des gardes & sentinelles requises aux logis & quartiers de la Cavallerie. A trois figures. La 41. 42. & 43.

L A

CINQVIESME PARTIE.

UN discours de deux personnes, L'une Musan, L'autre Martin, de la dignité, excellence & preeminence de l'art militaire, par dessus toutes les autres sciences & arts tant Liberales que mechaniques, excepté la Theologie, demonstrée & soutenue par plusieurs justes raisons. Item: Que l'art Militaire debvoit estre enseignée es Academies avec les lettres, comme on faisoit devant quelques cent années entre les Grecqs, Lacedemoniens & Romains. Et finalement que les arts liberales doibvent pour gagner le temps de la jeunesse estre proposées, expliquées & traictées en nostre langue maternelle, comme les Greqs & Latins les ont proposées en leur propre language.



Premiere partie,

DE L'INSTRVCTION ET GOVERNEMENT DE LA CAVALLERIE.



OVTE la Milice consiste en deux poinçs:

- I. En l'homme ou gendarme.
- II. Es armes. Comm'on dit en Latin. In viris & armis.

Quant au premier concernant l' homme,
l' art s' en monstre en trois poinçs ou endroits.

- I. A Pied.
- II. A Cheual.
- III. A Batteau.

La premiere comprend en soy quatre especes, esquelles elle á son accomplissement.

- I. Musquetiers & Picquiers d'vn regiment entier, ou d'vne enseigne, & troppe, comme il est monstre au premier liure de l' art militaire à pied.
- II. L' Artillerie & science de la manier.
- III. L' art de fortification.
- IV. La science d' ordonner vne bataille.

De la seconde & troisieme espece, ascauoir de l' Artillerie & de la Fortification le bening lecteur en trouuera ailleurs suffisante instruction: & y adiouterons ce qu' on y pourroit requerir d' auantage Dieu aydant au quatriesme liure. La quatriesme, ascauoir la science d' ordonner vne bataille sera deduiçte au troisieme liure de mon traicté.

Et passeray ainsi au second poinçt de l' art, qui est la science de bien guerroyer a cheual, y monstrant selon tout mon pouuoir l' affection que j' ay de satisfaire aux amateurs de ceste tant noble science, jusques a ce qu' il y suruienne quelqu' un qui plus experimenté, les puissent mieux contenter.

A

Or ceste

Or ceste milice est repartie en quatre sortes.

- I. La premiere est le lancier, ou soldat a cheual, avec la lance comme tu vois Num. 1. Fig. 1.
- II. Le Corafsier, ou soldat a cheual, avec la Corasse comme on voyt Num. 2. Fig. 1.
- III. L'Arquebusier, ou soldat a cheual, avec l'arquebus ou bandelier, comme Num. 3. Fig. 1.
- IV. Le Drageon ou soldat a cheual, avec le musquet ou la pique comme Num. 4. Fig. 1.

Ces quatre sortes sont reparties derechef en deux especes, desquelle l'une est ditte Cauallerie legiere, & l'autre graue ou pesante.

En la graue est comprise la lance & la corasse.

En la legiere se compte l'Arquebusier & Drageon.

Le lancier est propre pour toutes les deux especes, tant pour la graue que pour la legiere, comme aussi il peult estre armé a la legiere, ou a la pesante avec corasse ferme: Ainsi que cy appres sera demonstree.

La qualite de l'armure de la Cauallerie est aussi de deux sortes.

Offensive &

Defensive.

L'une pour offenser son ennemy, & l'autre pour s'en garantir.

Des quatre sortes susdites de Caualleries, il y en a partie qui a l'armure seulement defensive, & partie qui l'a seulement offensive.

Et partie l'a de toutes les deux sortes, a sçavoir, & offensive & defensive.

La Corasse est defensive.

L'Arquebus & Drageon est offensive.

La lance est offensive & defensive.

Or de ces quatre sortes de milices a Cheual, ou Cauallerie discourrans cy appres, nous parlerons premierement de chascune en particulier; & puis de toutes en general nous enseignerons tout ce qui concerne les fondements d'icelles.



CHAP. I.

Du Lancier.



A lance est bien la principale & plus noble partie de la Cavallerie, & ce par deux raisons.

- I. Pource qu'elle requiert plus d'exercice & d'adresse que les aultres.
- II. Pource qu'elle requiert le cheual de pris & meilleur que tous les aultres.

Quant a l'exercice particulier; tous ceulx qui ont aucune intelligence de la Cavallerie, scauent tresbien, que le Lancier a besoing de plus d'exercice tant pour sa personne que pour son cheual, que les aultres. Comme devant quelque 50. 60. 80. ou 100. ains, il a esté en plus grande recommandacion, entre la Noblesse, qui non seulement es festins de nopces & baptêmes, mais aussi en aultres assemblees extraordinaires s'y exerceoit, & avec grand zele & courage s'esuertuoit pour en porter le pris & honneur. Et de fait entre les Lanciers, il n'y avoit que personnages des plus nobles & dignes de l'honneur de Cheuallerie.

Mais a present puis que ces festins & exercices de Noblesse, comme de Rompre lances, Courrir la bague, loutter ou tourner & aultris ieux semblables sont venus a defaillir, il n'y reste a peine la dixiesme, voyre centiesme partie de ses exploits & effects requis, tant par faulte des gens propres & capables d'une science si exquise, en place desquels on est contraint de se servir de gens basses & vils, que par manquement de solde requise & competente au merite.

De fait venant en consideration de ceste premiere & tresdigne sorte de Cavallerie, je ne peulx assez admirer, ni exprimer la diligence soing, industrie & despens de plusieurs Nobles & preux Cheualliers, en l'exercice & auancement d'icelle, comme on en voit plusieurs discours descrits en langue Françoise, Italienne, Allemande, & aultres: Esquels tout ce que tu trouues des faits louables & dignes de memoire, procede de la lance arme vraiment digne de la Noblesse. Dont on en pourroit alleguer vne infinité d'exemples tant d'hystoires veritables, que feintes.

Au contraire ne se pourroit on assez complaindre de la grande nonchalance & mespris de ceste sorte d'armes, tant estimee du passé, (sans la science de laquelle personne ne pouuoit acquerir reputation de Cheualier,) voyant & apercebuant toutesfois, que par le moyen d'icelle l'estat de Cheualier, a esté preferé a toutes aultres dignitez, recebant par ce moyen la couronne d'honneur comme tresiuste recompense de ses labeurs & proueses; de sorte aussi que par le moyen d'icelle les plus grands & plus signa-

ler Cheualliers ont tousiours voulu monstrier leur valeur, & maintenir leur eminence & dignité, jusques enuiron 60. ou 80. ans en ça esquels la noblesse moderne s'en estant degoustée, jusques a l'ensepuelir en vn total oubly, si elle n'estoit aucunement soustenue es courts des plus genereux Princes, esquelles on en voyt encor reluyr quelques estincelles, es festins nuptiaux, Baptêmes ou aultres semblables solennitez. Peult estre, que cela luy aduient de ce que bien rarement elle s'y trouue, pour en veoyr les effectz tant louables; ou bien que quelques vns s'en font des proieçts, du tout aultres qu'ils ne deburoint: disants en eulx mesmes par vne maniere de mespris: Il y a grande peine & labeur, despens inutiles, & diligence sans profit, ioient qu'on ne s'auance sans rudes & dangereuses secousses. Et quel auantage en peult on attendre. Cest le ieu & passetemps des Grans Seigneurs: tu n'y as que faire. Tu courrirois longuement a la bague, iouterois ou tournerois brauement, ou romperois beaucoup des lances, deuant de gagner quelque chose pour ta cuisine, &c.

Et quelle est pour le iourd' huy l'occupacion, je ne dis pas de tous (parlant seulement de ceulx qui sont coupables) mais d'une bonne partie de la Noblesse de nostre temps avec mespris & desdaing de ce noble exercice? Le le disois volontiers, mais Veritas odium parit. La verité engendre la haine.

Et voit on journellement les fruiçts procedans de la nonchailance & mespris de ceste science, en la peruersité de ce siecle. Ouure les yeulx, regarde & examine vn peu en ton esprit les temps passez deuant 100. ains; & les conferant avec le present si piteuse & malheureusement debauché, tu trouueras de quoy mener des grandes complaints. Et si tu ne le veulx veoyr ou entendre, je te le declaireray, Dieu aydant, au cinquiesme liure de ce mien traicté.

La lance pour le present n'est guere estimée, mesme entre soldats faisant profession de grande experience, disans que c'est vne armure mal commode: Car, disent ils, elle requiert vne compagne nette; & est de nul vsage, en passages ou lieux estroicts, en bois, buissons & aultres semblables lieux empeschez. Mais sans aucune raison. Et j'affirme rondement, que celuy, qui sous quelconque pretexte que ce soit, mesprise ce viel, noble, & trefutil exercice, ou n'entend ce qu'il dit, ou bien l'entendant, monstre qu'il n'a le coeur de soldat ou cheualier. Car s'il entendoit la qualite, l'effect, & ce qui y est requis en ceste armure, il ne parleroit en telle maniere: Ou si l'entendant, il la mesprise toutesfois, il monstre bien qu'il n'a l'esprit de Cheualier, ains de couardt, qui tousiours crainct de labeur & s' imagine le danger plus grand qu'il n'est.

Mais, me dita on; elle n'est vsitée mesme entre les plus grans chefs des guerres de nostre temps: Et prouinces du Pais-bas de tous deux costez, en Vngrie, & aultres armées, on n'y voit non plus des lances. Voyre ce grand & magnanime guerrier le Tres Illustre Prince Maurice d'Orange n'en fait point grand cas. Car comme Prince trefexpert & trespudent, qui n'a pareil ny entre les Antiques ne Modernes en l'art & discipline militaire, s'il trouuoit quelque estime ou auantage en la lance, il la mettroit sans doubte en oeuvre: mais tant s'en fault qu'il a mesme casé, en son gouuernement tant louable, celles qu'il a receu de son feu Pere de pieuse & heureuse memoire, Le tres Illustre Prince Guillieme d'Orange, combien que chez son aduerse partie elles soyent, toutesfois

resfois non en trop grande quantité, encor en estre. Mais pour responce je dis :

Que ceste tant noble & precieuse partié de la Cavallerie , n'est ne mesprisée ne negligentee de ce tresprudent & Illustre Gendarme : ains tenue encor en mesme honneur, estime & reputation. Toutesfois en son lieu.

Et s'il a quitté la lance en son armée presente, c'a esté a cause de l'incommodité du lieu & du pais, auquel il se trouue avec son ennemy, n'ayant la faueur d'un pais ouuert & d'autres commoditez (sans la grande folde du lancier) requises. Chose qui pour celuy qui á quelque cognoissance de la milice, & du dit pais, n'a point besoing de grande demonstration. Dont aussi, amy lecteur, pour ne t'entretenir trop longuement, passant oultre, je m'adresseray aux poincts requis.

Premierement il fault que le lácier ait le cheual de pris, hault, fort, bien a droict, bien asseure & ferme en ses iambes & cuisses, bien dresé, non retif, facile & legier a la bride.

La selle bien propre & iuste, sans presser ou endommager: propre aussi pour le chavaucheur pour s'y tenir ferme & asseuré contre la violence du chocq; faite avec avantage, non a la lourde; comme il aduient souuent, que la selle pese autant que l'homme qui est dessus. A l'estriuiere droicte il y aura vne petite boette attachée, d'environ vne paulme, pour y reposer la lance, quand elle est erigee, comme tu vois Fig. 2. Num. 1.

Le lancier soit bon chavaucheur, tant pour bien manier, que pour bien dreser & picquer le cheual, ioint le soing requis & son entretien, & cognoissance du naturel & condicions de toutes sortes des cheualx qui se presenteront. Chose de non peu d'importance. Les bottes & esperons bien propres. L'espee conuenable; vne stocade trenchante, tant pour l'estoc, que pour le trenchant. Et voyci le premier & principal, quant a l'armature comme on voit Num. 2. Fig. 2.

Le second, est la cuirasse entiere dont il doibt estre couuert des la teste iusques aux genoulx, pour le monis. comme Num. 3. Fig. 2. En voyci les parties. Le collier, l'haubergeois fin pour soutenir le coup du musquet, le prenant en double, de deux pieces ou simple, comme tu voudras, le rendant assez fort, quant il sera ainsi redoublé : & alors sera de l'armature graue; & si le veulx auoir plus legier, en osteras la redoublure & alors sera de l'armature legiere. L'eschine ou dossiere. Les brasières avec leur espaulles propres & entieres, les gants, le casquet assez fort tant contre l'estoc que contre la taille, les jambieres & tassettes se-

lon la porporcion de l' homme pour luy couvrir les genoulx Num. 4. les gardereins & cuissieres faittes avec bonne discretion & auantage Num. 5. Le tout bien aiusté selon le corps de celui qui en doibt estre armé. Car cest vn grand auantage d'auoir ses armes bien iustes & ferrees de toutes parts, tant pour la bien seance que pour la commodité d'en vser dextrement au besoing.

Estant monté a cheual, il aura son espée bien attachee au costé sur l'haubergeois, en sorte qu'au trot elle ne sautelle & ne sorte de son fourreau, ou y voulant mettre la main, en quoy la lance rompue il fault qu'il soit bien prompt, elle ne se reculle en arriere. Num. 6. Fig. 2.

Appres il fault qu'il soit pourueu d'une lance. Or quant a la longueur, proportion, & legierté, les ordinaires ne sont du tout a reietter: mais pour soustenir vn coup de guerre, tant contre l'Infanterie que contre la Cauallerie elles ne sont bastantes, ainsi qu'on en vse es courses de la bague, tournois, ou aultres semblables ieux. Dont les fault auoir d'autre façon: ascauoir en forme & force d'une picque d'Infanterie, étant par le bas quelque peu plus grosse & forte, en longueur de 18. 20. ou 21. pieds, percée par le trauers, enuiron deux pieds du bout d'embas, pour y passer vne petite ceinture de bon cuir, pour l'affermir au bras droict, tant pour la tenir plus asseurement en la rencontre, que pour la pouuoir manier plus dextre & commodement. La poincte est triangle, trenchante ou vn peu platte & aiguë a deux costez: non point attachée avec deux lames longues comme a la picque d'Infants, ains bien rassise sur le bout de son bois: comme tu vois Num. 7. Fig. 2.

Oultre la lance il aura, si non deux pour le moins, vn bon pistol, tousiours prest, tirant enuiron vne once de balle, bien attaché avec la boette ou tasche des patrons, & la cleff ayant le dragon monté, en son fourreau a l'arçon, pour en vser es lieux esquels il ne se peult seruir de sa lance: y étant contraint de s'en defendre aussi bien que le Corassier. comme on voit Num. 8.

Son effect & exploict est, de desfaire & dissiper les ordres ennemis, tant d'Infanterie que de Cauallerie, par sa vehemence. Cest pourquoy non seulement il doibt auoir vn fort & bon cheual, mais aussi doibt estre courageux & dextre pour excuter
ses

ses forces par armes. Chose qui se fait par ces trois diuers mouuements de la lance.

I. Le premier se fait en presentant la lance esleuee, d'embas en hault.

II. Le second, en presentant la lance droicte, ou roide.

III. Le troisieme en la presentant abaissée, ou de hault en bas.

Et de ces trois mouuements fault il qu'il soit bien expert & asseuré.

Le premier se fait contre la Cavallerie, quand de la pointe de la lance on cherche la visiere de l'ennemy, ou de son cheual, comme on voit Num. 1. Fig. 3. Ou contre l'Infanterie picquiers ou musquetiers, luy presentant la lance en face ou au col. comme Fig. 4. Num. 1.

Le second se fait contre la Cavallerie, quand la lance luy est presentee au milieu, pour le faire vuider la selle, ou bleffer le cheual au costé. Num. 2. Fig. 3. Contre l'Infanterie, quand de sa pointe il va cueillir l'ennemy par le milieu, comme tu vois Num. 2. Fig. 4.

Le troisieme est fait contre la Cavallerie, quand il presente la lance contre la poitrine du cheual ennemy, soit a dextre ou a fenestre Num. 3. Fig. 3. Contre l'Infanterie, quand la lance est presentee a l'ennemy, ou estant en genoulx, ou couché en terre, comme on voit Num. 3. Fig. 4.

Ces trois diuersitez des mouuements, tant contre la Cavallerie que contre l'Infanterie requierent grande dexterité, dont aussi il y fault vn diligent exercice: qui fait en plantant vn pieu en terre, ayant vn bras au costé, auquel on attache vn blanc ou de papier ou de toile, en telle haulteur qu'il conuient pour la diuersité des dits mouuements, essayant de l'enfiler en pleine course ou carriere, comme on voyt Fig. 5. Num. 1. 2. 3.

De mesme se fault il aussi exercer a leuer vn gand ou chapeau ou aultre telle chose de la terre en pleine carriere, par la pointe de la lance: exercice qui luy viendra fort a point & a propos tant contre l'Infanterie, qu'en aultres occurrences; comme on voit Num. 4. Fig. 5.

La lance se porte en deux manieres.

I. Esleuée & droicte: qu'on dit manifeste, ou a decouvert.

II. Trainee, qu'on dit caché & secret, ou couuert.

La premiere, ascauoir esleuée, sa fait en la menant ou portant

tant droicte, en sa main dextre, & prompte au chocq, qui est la manifeste, comme on voit Num. 5. Fig. 5.

La seconde se fait, quand il la prend par le millieu & la tient ainsi abaissée, jusques a ce qu'en carriere il la veult presenter contre l'ennemy. Maniere bien propre & vtile es batailles, pour tromper l'ennemy, le tenant suspens sans scavoir s'il á affaire a lanciers ou corassés, jusques a ce, qu'a l'improviste, il sent le coup de la lance, dont aussi elle est dite secreta & cachée, Voy Num. 6. Fig. 5.

Quant a sa course contre l'ennemy, il la commence doucement & au pas, puis entre en galop: finalement en iuste distance, qui est d'environ soixante pas, il donne la carriere au plus fort, presentant la lance d'enhault, ayant passé la moytié de la dite distance, l'abaissant au chocq selon l'occasion que l'ennemy luy presente, comme on voit Num. 7. Fig. 5.

La lance est abaissée a dextre, ou a fenestre.

A dextre, quand elle est abaissée ou présentée du costé droict au long du cheual, qui entre les trois dessus dits mouvemens est le plus convenable & asseuré. A fenestre, quand trauersant la lance sur le col du cheual, elle est présentée joignant l'aureille gauche, comme on voit Num. 8. Fig. 5.

Se tenant en campagne contre la Cavallerie ennemie, il aura bon esgard, que s'il voyt l'ennemy tout couuert d'armes, qu'il ne l'attaque aux deux premiers mouvemens dessus dits, ne a lance esleuée, ne droicte ou roide; ains au troisieme, ascaoir a lance abaissée qui pour lors est le plus asseuré. Car ne pouuant prendre l'homme tout armé, il fault chercher le cheual. Precepte bien remarquable.

En voulant attaquer son ennemy, il taschera de gagner le costé fenestre, soit de l'homme, ou du cheual, pource que tant l'homme que le cheual y est de plus facile prise, & le cheual principalement, y est plus facilement atterré.

Icy s'esmeut vne question sur les troits diuers mouvemens dessus dits; ascaoir de quelle part il se facent le mieulx & avec plus grand effect? Sur laquelle je donne ceste responce toute resoluë: que le mouvement, quelconq; qu'il soit, du costé dextre est preferé a celui de la fenestre. Et ce par les raisons suiuanes. Je concederay bien que la lance présentée du costé fenestre fera

vn grand effort, estant ferrée & affermie entre ton corps & le col du cheual, oultre la bienseance qu'on y peult remarquer.

Mais je t'ay dit: que tu doibstoufiours tascher de gaigner le costé fenestre de ton ennemy. Dont abaissant la lance du costé droict, tu la luy presentes aux lieux vitaulx, cest a dire, au coeur, tant de l'homme que du cheual. Chose qui ne se peult nier: & au contraire, le coup donné au costé droict, n'est point mortel, & le cheual n'en est si facilement abattu. De sorte que l'autre auquel en effect le cœur est cerché, est plus asseuré, comme tu voys Fig. 5. Num. 9.

En abaissant la lance du costé fenestre, il la presente au costé droict de l'ennemy & du cheual: chose qui non seulement se fait avec plus grande difficulté, y attaquant l'ennemy au lieu auquel á plus de force, & s'oppose avec plus grande violence: mais qu'aussi est plus dangereuse pour toy, & asseure moins ton coup. Car presentant ainsi ta lance vers le costé fenestre de ton ennemy, tu trouueras, que le col de son cheual, iceluy se tournant tant soit peu vers le dit costé fenestre, t'empeschera en sorte que tu ne pourras atteindre le costé fenestre d'iceluy, comme tu pretendois si tu neournes aussi ton cheual a droicte, tu ne le fais entrer, retenu par la bride a demy au dit costé, te mettant par ainsi de toutes parts en danger, tant de perdre ton coup, que ta vie mesme. Chose que tu ne craindras en abaissant ta lance a dextre. Car lors l'ennemy taschant par le mouuement de son cheual de detourner, le costé fenestre qu'il te voyt chercher, tu auras plus de commodité pour iouer de ta lance & la tourner, que l'ennemy en son detour: n'y trouuant l'empeschement dessus dit, quand tu l'abaisserois du costé fenestre. Il est bien vray, qu'en abaissant la lance du costé fenestre, il y a plus belle apparence, & en est le coup plus rude, & en partie de plus grand effect: Car en courant contre ton ennemy, aussi lancier, qui te presente la sienne du costé dextre, & tu la tienne du fenestre, tu y auras desia vn grand auantage, ascauoir qu'estants tous deux bien armez, & ne pouuant rien gaigner sur les corps tant de l'une que de l'autre part, chascun va trouuer le cheual contraire, qui est l'effect principal de la lance: & ainsi ton ennemy a lance dextre cherchant le costé fenestre de la poitrine de ton cheual, tu pourrais abaissant ta lance a fenestre & trauersant la lance ennemye, la detourner de la ditte poitrine de ton cheual, & passer de la tienne la poitrine fenestre de celuy de ton ad-

B

uerfaire,

uerfaire, comme il appert Num.1. Fig. 6. Mais il y fault grande dextérité & habilité, y ayant du danger, sans trop d'assurance. De sorte que je demeure encor sur mon aduis preferant la lance dextre a la fenestre.

Ioint que le regard mesme te monstre qu'en vne rencontre estant les lances de tous deux costez dextres, & cerchants les poictrines fenestres de cheuaulx, sans se soulceir de detourner les lances des costez, lors deux les cheuaulx necessairement ou seront atterrez, ou trefgriefuement blesez, n'y ayant aulcun auantage de l'un sur l'autre: comme on voit, Num. 2. Fig. 6.

Dauantage n'est ce l'une des moindres raisons de maresolution; qu'abbaisant ta lance a fenestre, il te fault courber tout ton corps deuers le dit costé: dont ne seras trop asseuré en ta selle, & l'ennemy s'en appercebant, combien facilement penles tu, te la feroit il vuider, mesme sans grande force? Car te presentant ta lance au costé dextre, certes tu te trouuerois en grand danger, de quitter, comme il est dit, ta selle. Voy Fig. 6. Num. 3. Et voyci mon aduis sur la lance dextre ou fenestre; remettant toutesfois a ta discrecion.

Ayant fait son exploict & effect par la lance, de sorte qu'il ne s'en puisse plus seruir, il s'aydera de son pistol, en l'usage duquel il fault aussi qu'il soit bien exerce & adroict.

Il s'exercera donc de tirer a quelq; blanc, ou coy, ou au pas, ou au galop, ou en pleine carriere: attachant vn papier a vn pieu selon les trois diuers mouuements qu'auons dessus dits de la lance, ascauoir en hault, droict ou au milieu, ou en bas. Comme on voit Num. 1. 2. 3. Fig. 7.

Il vse aussi du pistol pour sa defence, s'en faisant place quand son cheual luy abbattu, ou luy default, iusques a ce qu'il puisse remonter, comme Num. 4. Fig. 7.

En l'usage du pistol, n'en pouuant endommager l'homme, il en cerchera la poiitrine fenestre du cheual, des le col diceluy, en sorte qu'en bieis le coup en descende deuers le cœur: maniere la plus propre & asseurée pour en priuer l'ennemy. Combien que le pouuant prendre par la teste, il seroit plus tost abbattu, car la balle passant par le cerueau, il tombe incontinent. Mais il t'y fault estre fort asseuré: aultrement il vault mieulx t'en deporter, & presenter plustost le pistol sur la gorge du cheual au costé fenestre, comme tu vois Fig. 7. Num. 5.

Mais

Mais ayant affaire a vn ennemy, qui n'est couuert des armes fines, tu luy presenteras le pistol sur la poictrine vers le cœur ou sur l'espaule, la teste, le col, ou aultre lieu que tu trouueras le plus commode & auantageux. Voy Num. 6. 7. Fig. 7.

Ta derniere defence se fait avec l'espée, de la quelle tu te seruiras a dextre, ou a senestre, selon que l'occasion se presentera.

Et n'en pouuant interesser l'homme, tu en cercheras la poitrine gauche ou le col du cheual, comme Num. 1. Fig. 8. ainsi qu'auons dit de la lance. Prennant garde de donner l'estoc assez profond sur le cheual, pour le faire tomber tant plus tost. Et aduise de faire tes coups a bras courbé, tant pour la bien seance que pour l'assurance d'iceulx, tant contre l'homme que contre son cheual. Voy Num. 4. Fig. 8.

Pour t'asseurer & exercer, tu feras trois marques en vn pieu ou arbre, contre lesquelles tu t'exerceras en la maniere dessus ditte du pistol, ou ferme, ou au pas, ou galop ou en carriere, te seruant d'une vielle espee d'escrimeurs, ou aultre qui ne soit trop bonne, pour estre assure en l'occurrence, soit contre Cauallerie ou Infanterie. Voy Num. 2. 3. 4. 5. 6. 7. Fig. 8.

Pour rencontrer ton ennemy sois auisé de ne prendre la carriere trop longue, pource que tant plus courte tu la prendras, tant plus grande en sera la violence: Et si tu la prens trop longue, le cheual non seulement sera las & amatty deuant de venir a son bout, mais le coup sera aussi sans aucun effect. Et voyci briefuement les instructions particulieres pour la lance. Venons a la Corasse.

Mais deuant d'en entrer en matiere: il me souuient d'un discours du Seig: George Basta au liure 4. chap. 7. du gouvernement de la Cavallerie legiere; de ces deux especes de Cavallerie, ascauoir de la corasse & de la lance, & de la preeminence de l'une sur l'autre, preferant les corasses aux lances: sur lequel il allegue quelques arguments ou fondemens, mais non pas trop bien fondez, comme je demonstreray alleguant, pour ceulx qui n'en ont cognoissance, ses propres termes, pour en monstrier puis après l'imbecillité.

Il dit donc: L'Introduction des corasses en la France, avec vn total bannissement des lances, a donné occasion de discourrir, quelle armure seroit la meillieure. Et en estant tout au commencement requis, comme viel soldat & bien experimenté en toutes especes de Cavallerie, & ayant bonne cognoissance des effects d'icelles, d'en donner son aduis; & ne trouuant hors de propos d'en faire mention au dit lieu, comme appartenant aussi a la Cavallerie legiere, & tiré en doubte de plusieurs, il se resout en la maniere suiuite.

C'est vne chose bien claire, que la victoire n'est pas tousiours chez celuy, qui diuance son ennemy de force, ou l'esgalle en valeur & fortune: ains plus souuent est obtenue de celuy qui a bons soldats, bien disciplinez & bien conduits.

Et voyt on par experience, que toutes sortes d'armes, ne sont pas propres pour toutes sortes d'exploicts, comme aussi on n'en peult tousiours proceder d'un mesme ordre. Chose qu'on voyt bien clairement en la lance.

Car estant mise en œuvre proprement, elle est si puissante & necessaire, quel'ouuerture & desordre d'un esquadron ennemy pour en obtenir la victoire: mais mal appliquée & gouvernée, reussit du tout inutile.

La lance donc pour estre vtile & d'effect pour percer un esquadron requiert quatre choses.

La premiere, que le cheual soit tresbon, d'autant qu'il fault attaquer & inuestir l'ennemy, avec grand randon & violence.

La seconde, que la campagne soit propre pour la carriere, a scauoir dure & plaine.

La troiesme que le soldat soit tresbien exercé au maniemēt de la lance; chose qui n'est du mestier d'un chascun.

La quatriesme, qu'elle soit repartie en petits, & non pas gros esquadrons tant pource que comme on voyt, seulement les deux premieres files viennent a ioindre l'ennemy, & ce, peu vnies, a cause de la diuersité des carrieres: que d'autant que ceulx qui les suivent par la mesme raison s'empeschans l'un l'autre, seroient contrains, pour faire quelque chose, de se mettre sur le trot, & mal vnies, se ietter de l'un ou de l'autre costé, pour prendre leur carriere Dont il leur faudroit abandonner les lances, n'en pouuant endommager l'ennemy.

De sorte que tant plus grand que sera l'esquadron, tant en fera aussi plus grande la confusion & le desordre: les plus tardifs estants delaissez de ceulx qui sont mieulx montez, qui tousiours veulent penetrer plus auant; or est impossible de se pouuoir remettre & reunir pour prendre nouveau party.

Et peu appres: Et pour se bien seruir des lances, il fault qu'elles soyent reparties en esquadronceaux de 25. a 30. cheualx, serrez comme en un nœud, afin que les premiers faisans de coup, les seconds sustentez de ceulx qui les suivent facent comme double effect, & plus grand que feroient les deux simples files distraictes de
l'aide

l'aide & soustien de celles de derriere. Il dit aussi, que les lances reparties en petites troupes, passent parmy les ennemis en telle confusion & desordre, qu'il est impossible de se reunir temps pour faire l'impresion de cuirasses.

Je me tais, dit il, du desavantage qu'elles auroint se mettant en corps gros, armez ainsi a legiere, & bien a cheual, a l'espreeue des cuirasses, qui sont vne armure pesante, & en cheuaulx de moindre prix &c.

Voy la doncques, dit il, pourquoy la lance n'est bonne pour tout lieu, ne en gros esquadrons: & toutes sortes des gens & cheuaulx n'y sont propres. Dont reussit la difficulté d'en faire leuée.

Voyci les raisons du Seig: Basta quant a la lance. Ausquelles il oppose la description de la cuirasse & ses qualitez, & mostre quelle sorte d'armes est a preferer a l'autre, disant:

D'autre part, c'est le propre de la cuirasse, de se tenir vnies en vn gros esquadron, & comme en corps solide. Et tant plus gros & vni qu'il sera, tant plus grande aussi en sera la force & effect. Dont pour ne se relascher ou desunir, elle attaque au trot, n'usant de galop, sinon quand il fault charger l'ennemy mis en fuite.

De quoy elle tire plusieurs commoditez. La premiere, qu'elle peult supporter le terrain mol, & mal vni, es lieux incommodes.

Et puis les cheuaulx se mouuent au trot, esgualmente, & pour mediocres qu'ils sont (comme ordinairement sont les cheuaulx de Flandre trop pesans pour la lance,) on s'en peult seruir.

Aussi tout homme armé a la maniere de la cuirasse, se peult habiliter a ceste armature, avec bien peu d'exercice. Dont procede la facilité d'en faire grande leuée: Et finalement, chascun en son endroit, encor qu'il soit a milieu, & ne combatte, a toutesfois son effect, au pois & au choc, se mouuent vni avec les autres.

En apres, quant aux armes, si on considere les defensives: Elles sont impenetrables a la lance; combien que des temps passez, on dit, qu'elles n'en estoient trop seures: peult estre, que le fery estoit plus fin & aygu. Dont il fault tascher de blesser le cheual, qui aussi en vne ordonnance si drue, ne montrant que le front, n'est si facilement atteint.

Ioint qu'on trouue qu'es cuirasses, toutes les files, des la premiere jusques a la derriere, retiennent leur vsage & effect.

Sur quoy il conclud de la qualite, auantage & commoditez

de ces armatures, que la lance est inferieure a la cuirasse, non seulement de credit & reputacion, mais aussi de force & effect.

Et fault qu'elles leur cedent, de seules a seules, & quand, aussi bien que les cuirasses, elles feroient contraintes de se tenir en gros esquadrons. Et cependant, que les lances ayent patience, de ceder a l'inuention des cuirasses. Veu que combien que du temps passé elles ont obtenu quelques victoires, ç'a esté en combattant contre aultres lances.

La ou maintenant au fait des armes, auquel on se fournit des corps gros & puissants, si elles vouloient attaquer les cuirasses, elles y auroint du pire.

Jusques icy sont les mesmes termes du Seig. George Basta.

Mais je ne me peulx assez esmerueiller de ceste conclusion, que ledit Seig: en fait, luy pouuant monstrier le contraire, mesme en son propre discours. Et de fait ses propres mots & exemples, qu'il met en auant, y contredisent, comme je le feray paroistre euidentement.

Il dit que la cuirasse a acquis reputacion par dessus la lance: & que c'est meilleure armature, & plus necessaire que la lance: cependant, qu'on pese bien les exemples qu'il allegue, on les trouuera tout contraires. Dont on s'apperçoit que ce Cheuallier, ayant pratiqué enuiron 40. années la Cauallerie, avec grande diligence, n'a encor rien ou bien entendu des fondements d'icelle. De quoy non sans raison je me dis estre esmerueillé, ne sachant a quel propos tend ce dit discours. Car de penser qu'il n'auroit entendu ceste partie de la Cauallerie, me semble que ce seroit faire vn affront a tel personnage, (qu'ayant si long temps hanté la Cauallerie, & s'y estant auancé jusques a en faire profession, ne debuoit ignorer ou mettre a nonchailloir mesme le moindre point.)

De me persuader, que ce fut quelque affection ou partialité, & que plus enclin a l'une qu'a l'autre partie, je ne l'oseray faire d'un si noble sage, prudent & experiente cheualier.

De sorte que je ne scay de quel party me resouldre. Toutefois quittant tout respect pour la verité, je diray rondement ce que j'en sens.

Et poursuiuant ma proposicion, je dis icy tout le contraire, de ce que le Seig: Basta pretend, que la lance estant en son origine reputée la plus necessaire, forte, noble, gentile, & vtile partie de la Cauallerie; l'est encor pour l'heure presente: laquelle affirmation, pour n'aller trop loing j'esprouueray par les propres termes du dit Basta.

Il dit en la description de la qualité, vsage, proprieté & effects de la lance, que La lance estant mise en œuvre proprement, est si puissante & necessaire, que l'ouuerture & desordre d'un esquadron ennemy, pour en obtenir la victoire.

Or est ce vne chose asseurée entre tous, que deux armées contraires se tenant en vne campagne en baille, prestes s'enuestir, chascune partie pretend d'obtenir la victoire sur son ennemy a toute force.

Et ceulx qui entendent les exploits de la guerre, scauent que pour obtenir la dite victoire, il n'y meilleur expedient necessaire & asseuré moyen que de rompre, dissiper & enfoncer les rangs & esquadrons de l'aduersaire.

Car sans cecy l'ennemy ne peult estre surmonté: mais ses troupes, esquadrons & rangs de bataille estant ouuerts, rompus & dissipez, tu en as la victoire certaine, & n'est besoing de le declairer plus amplement. Et chascun scait, que toute l'art, industrie, inuention, peine, labeur & danguer militaire tend a ce seul bout, de rompre & enfoncer toutes les forces de l'ennemy. Or pour cecy voy la conclusion du Seig: Basta: **Qu'** aultant que l'ouuerture & desforde d'un esquadron de l'ennemy est necessaire pour obtenir la victoire: aultant aussi en l'armature de la Cavallerie, la lance est necessaire.

Il à comme bon soldat & bien expert, veu souuent, quel est l'effect de la lance, combien elle a esté instrument vtile, noble & necessaire en semblables occurrences.

Comment donc ne s'en esmeruilleroit on, que mettant expressement en front, ce qu'il dit de la necessité & vtilité la lance, comme sans laquelle bien difficilement on viendroit au bout de ceste entreprise, il finit en telle conclusion, qu' apres l'inuention des cuirasses, la lance soit totalement abolie, & la preeminence donnee a la cuirasse: & que la lance en ayt la patience?

Je suis bien esbahy de ceste sorte de conclure, comme si on disoit, je demonstreray que l'eau claire soit la chose la plus blanche en terre, voyre plus blanche que la neige; esprouuant son dire en la maniere suiuite: La neige est la chose plus blanche, Ergo, La neige est pacience de ce que l'eau luy est preferée. Je ne vi onques conclusion semblable, ne en Aristote, ni en Rame, & fault que ce soit vne nouuelle sorte de demonstracion, & quant au Seig: Basta, il semble que comme il reiette l'antique armature pour luy preferer la nouuelle, ainsi reiette il aussi la vieille modelle des syllogismes pour y substituer vne nouuelle, & jusques a present incognue.

Toutesfois, afin que nous passions plus oultre en sa description de la qualité, propriété & effect de la lance: il dit, que Pour estre vtile & d'effect, pour percer vn esquadron elle requiert quatre choses: Premièrement, que le cheual soit tres bon, d'aultant qu'il fault attaquer & inuestir l'ennemy avec grand randon & violence. C'est bien dit: car la lance estant la plus necessaire, meilleure & plus noble partie de l'armature caualleresque: il luy fault aussi le meilleur cheual tant en legiereté qu'en force & aultres choses qui le font de pris. Et n'estant tel, quel effort pourroit il faire ou soustenir aux aproches & au chocq? Et de fait, l'agilité n'est suffisante pour enfoncer les esquadrons opposez, ne aussi la violence de la carriere, mais la force laquelle il communique avec son maître, est celle qui fait le principal, & rompt & dissipe les rangs ou ordres contraires. Comme pour exemple: Dechargant vn canon contre vne troupe, & en abbattant plusieurs d'icelle, a qui attribuerá on la plus part de l'effect? a la poudre ou a la balle? Certes la pouldre est bien violente, mais qui sans la
balle

balle ne fera rien : mais conioignant la force de la pouldre avec celle de la balle, tu auras cest effect admirable & horrible de rompre en vn instant vn esquadron entier.

Pour le second dit il, qu'il fault campagne soit propre pour la carriere, a scauoir dure & plaine.

Me semble vne chose estrange, de ce qu'il dit, que la lance pour paruenir a son effect demande comme chose necessaire, vne campagne dure & vnue, pour la carriere de son cheual, la raison, sans son aduertissement estant suffisante de monstrier qu'en vn maresquage, ou lieu montaigneux & aultrement mal propre, on ne pourra grandement se seruir de tous cheualx tant pesants que legiers : Et croyez moy (Mons. Basta) que la cuirasse a cause de la grandeur & pesanteur, tant du cheual, comme tu dis non trop agile & bien dresse, que de armes, requiert aussi bien, voyre plus la campagne ferme & pleine que la lance. Car tu mets la lance entre l'armature & Cauallerie legiere. Or scait on qu'un cheual legier passe mieulx par les lieux incommodes & inegaulx, qu'un cheual armé ou chargé de grande pesanteur, comme est la cuirasse : & croyez assurement, que la ou on ne se pourra seruir, a cause des inconueniens dessus dits de la lance armée a sa façon & a la legiere, comme vous faites, la cuirasse beaucoup moins y inuestira son ennemy au trot, & fera la poursuite au galop. Ioint que la lance fait aussi & telle necessité son office au galop.

Dauantage, la raison monstre assez, que la ou les cheualx legiers, agiles & bien dressez & exercez a cause de l'incommodité du terrain, ne peuuent estre mis en œuvre, les pesants, lourds & mal dressez, n'y pourront estre d'aucun seruice : Et ne pouuant inuestir ton ennemy logé en vn maresquage, ou lieu montaigneux, par le moyen de la lance, tu le pourras moins endommager de ta cuirasse. A raison, que si ton ennemy est aussi bien pourueu de Cauallerie, & autant ou plus fort que toy en campagne, il te presentera la bataille de sa Cauallerie, non point en terrain mol ou maresquageux, s'il n'est contraint de ce faire, & alors elle t'est aussi peu dommageable a toy, qu'a luy profitable. De sorte que ce second poinct requis pour la lance, n'amoindrit la reputacion d'icelle, pour la donner a la cuirasse, d'un seul poil, ains l'augmente plus tost. Ce que je pourrois deduire & demonstrier plus au clair : mais laissons ces disputes pour vne aultre fois, & passons a la troisieme chose requise pour la lance, dont le Scig : Basta conclud pour la preeminence de la cuirasse.

La troisieme, dit il, que le soldat soit tresbien exercé au maniement de la lance : chose qui n'est du mestier d'un chascun. De l'efficace de ce poinct & argument, pour donner l'honneur a la lance entre toutes aultres armatures & disciplines ou exercices militaires, pour en parler selon la noblesse de la matiere, il y faudroit quasi vn volume entier ; mais m'estant obligé a briefueté, j'en parleray ie plus succinctement qu'il me sera possible. Il dit donc que La lance requiert vn homme bien exercé : & au contraire, peu d'exercice pour la corasse, si seulement armé a la corasse il s'y peult habilitier, concludant la dessus : dont procede la facilité d'en faire grande leuee, la ou la leuee des lanciers est assez difficile.

C'est

C'est aultant comme s'il vouloit dire: on trouue beaucoup plus des lourdeaux, qui peuuent monter a cheual, que des bons & bien exercez cheualiers: Ergo, il fault preferer les lourdeaux aux preux cheualiers.

Je ne scay, si je me monstrois avec telle parade d'arguments pour maintenir l'honneur de la corrasse par dessus la lance, on me feroit tort de demander si j'auoy la ceruelle entiere, ou si j'auoy ouy sonner quelque chose de la milice & art militaire, mais ne sachant en quel village je prennoy par ignorace l'un pour l'autre, ou tout a rebours.

Celuy qui n'est du tout privé du sens commun, voyre le plus gros lourdeau entend bien, que l'art ou science qui ne s'acquiert sans estude & exercice, est a preferer a celle qui n'en a que faire. Et de fait voyons le commun: nous trouuerons qu'un cordônier, taillieur & aultres sembles artisans, s'estimēt meilleurs que ce rustaults, qui ne seruent que pour battre le frument, & ce d'autant qu'il luy fault plus de temps & industrie pour apprendre & se perfectionner en son art. L'Orfebure & joyillier s'estime plus que les aultres artisans, & ce a bon droit, d'autant que sa science est plus gentile, & non si commune comme des aultres. Si on vsoit des semblables propos & fut ce mesme en un village, un tel meritoit que luy donnant vne dragee d'hellebore, on luy repurgeoit quelq; peu la ceruelle.

Voyre mais Monf. Basta. Est il vray que la lance, comme la plus noble, excellente, & neccessaire armature, requiert aussi l'esprit noble & heroique, qui n'est du gibbier du commun, ne de ces lourdeaux que tu demandes pour la cuirasse: comme de fait tu trouueras, comme tu dis bien l'occasion de leuer 1000 de tes corraffes, moyenant qu'ils soyent robustes, pour en porter le faix, mais entre toute telle multitude n'y aura a gran peine un qui te puisse seruir de lance. Et me semble que tu ayes songé sur ce *Schwab* / qui se faisoit fort de porter douze picques, sans pouuoir toutesfois mettre en oeuvre vne seule.

Pour le quatriesme dit il, il fault qu'elle soit repartie en petis, & non pas en gros esquadrons, tant pource que comme on voyt, seulement les deux premieres files viennent a ioinde l'ennemy, & ce peu vnies a cause de la diuersité des carrieres, que d'autant que ceulx qui les suiuent, par la mesme raison s'empeschans l'un l'autre, seroient contraints pour faire quelq; chose, de se mettre sur le trot, & mal vnies, se ietter de l'un ou de l'autre costé pour prendre leur carriere; dont il faudroit abandonner leurs lances, n'en pouuant endommager leur ennemy: De sorte que tant plus grand que sera l'esquadron, tant en sera aussi plus grande la confusion & desordre: les plus tardifs estants delaissez de ceulx qui sont mieulx montez, qui tousiours vueillent penetrer plus auant: & est impossible de se pouuoir remettre & reuoir pour reprendre nouveau party.

Cecy doit estre un argument pour l'auancement de la cuirasse par dessus la lance, mais luy est si pareil qu'une vache a un canard. Il enseigne
C en quel-

en quelle maniere le lancier ordonnerá ses esquadrons , non pas en grosses troupes, ne aussi en 4. 5. 6. 20. ou 30. files, veu qu'a peine la seconde peult bien ioindre l'ennemy, comme il dit luy mesme l'auoir veu & experimenté.

Or es tu icy sur le droict chemin de la noble art militaire , cachée iusques a maintenant. Si tu l'eusses poursuiuy , y recherchant quelque peu plus curieusement & la prattiqué & la theorie avec ses fondemens: le n'auroy aucune doubte que (Dieu t'ayant doüe de longue vie, occasion de plusieurs experiences) tu fusses reussi en vn des plus nobles gentils, preux & perfectionnez cheualiers , qui des le temps des Romains iusques au iour d'huy se seroient trouuez.

Tu as veu & experimenté, qu'a peine la seconde file des lances peult ioindre l'ennemy : mais pourquoy n'as tu cherché le moyen, d'auancer ce qui y seroit encor requis, & obuier ou retrancher tous les empeschemens? Tu as voyement remarqué les defaults de la Cauallerie : mais n'en as cherché les remedes. Tu as obserué que deux files avec difficulté peuuent paruenir au bout de leur effect contre l'ennemy, & ordonnes toy mesme les esquadrons ou troupes de 6. 8. ou 10. files.

Regardez vous nobles lanciers: Il vous fault auoir patience, & donner l'auantage & honneur de preeminence a l'inuencion des corasses, jusques a ce que trouuiez Aduocat qui vous defende & face rendre vostre honneur.

Et cecy quant aux arguments du Scig : Basta pour les corasses, sur la qualitez, proprietez & effects de la lance.

Venons aussi a ce qu'il met en auant a mesme intention, sur les proprietez de la ditte corasse, & voyons combien selon l'opinion Bastiane l'inuencion est gentile.

D'autre part, dit il, c'est le propre de la corasse, de se tenir vníe en vn gros esquadron, & comme vn corps solide : & tant plus gros & vni qu'il será, tant plus grande aussi en será la force & effect. Dont pour ne se relacher ou desunir, elle attaque au trot, n'usant de galop, sinon quand il fault charger l'ennemy mis en fuite.

Il s'eslargit icy aux louanges de la corasse, sans dire vn seul mot de ses prouesses ou de grans effects qui en pourroient estre produicts: sans monstrier qu'elle soyt necessaire, voy plus que la lance: ou prouuer qu'en bataille en s'vn pourroit mieulx seruir, que de la lance: & de fait il donne tous ces honneurs a la lance, disant : La lance est aussi puissante & necessaire pour la victoire, que l'ouuerture & desordre des esquadrons des ennemis. Et quant de la corasse il n'en monstre aucune telle necessité ou puissance. De sorte qu'en tout cecy je ne voy aucune raison de preeminence que la corasse en peult auoir.

Mais espluchons quelq; peu les parolles susdittes, parangonant les proprietez & qualitez de chascune, pour veoyr selon les mesmes sentiments de Basta, pour quelle c'est qu'on doit iuger.

La lance ayant le cheual de pris, legier, fort, & bien dressé se peult en tous angles & endroits de la bataille, reduitte subitement en petis esquadrons mouvoir avec grand auantage.

La corrasse ferrée en vn corps gros & solide, ne peult ni faire ni endurer vn mouuement subit, ains doit faire ses exploits au trot, ou au galop.

La lance, dit il, peult d'vne subite force & violente impression percer & enfoncer les esquadrons contraires, les poursuiure & trauailler en sorte qu'ils ne se puissent r'assembler & reprendre leurs ordres.

Mais la corrasse ne peult d'vne telle violence & si subitement inuestir & enfoncer, beaucoup moins poursuiure l'ennemy en telle sorte qu'il ne se puisse remettre sus, & se remettre en bataille.

Je te prie, amy lecteur, auquel je m'en rapporte, considere attentiuement & avec bon iugement, & donne la sentence, quelle sorte a raison des qualitez & proprietiez & effects est a preferer a l'autre.

Basta poursuit ses demonstracions, en prennant aussi aucunes des commoditez & auantages, que la corrasse a deuant la lance: & dit, La corrasse peult supporter le terrain mol & mal vni es lieux incommodés. Mais je t'ay assez monstré dessus en la deduite du second poinct des proprietiez des deux sortes de ces armatures, que la corrasse se trouuera aussi mal & pis en semblables incommoditez des lieux requerant aussi bien que la lance la campagne dure & vnne.

En oultre dit il: Et puis tous les cheuaulx se mouuent au trot esguallement, & pour quelques mediocres qu'ils soyent, (comme ordinairement sont les cheuaulx de Flandre, trop pesants pour la lance) on s'en peult seruir. Il veult demonstrier, que tous les cheuaulx d'vne troupe de corraresses ont vn trot commun, & que l'un ne s'y mouue plus legierement que l'autre. Dont aussi ils peuuent estre conseruez & ferrez en bon ordre. Mais la lance, comme il pense attaquant l'ennemy en pleine carriere, l'un cheual estant plus legier & agile que l'autre, de sorte que les troupes n'en demeurent si serrees: donne grand auantage d'honneur a la ditte corrasse.

Mais comme il est tresueritable qu'entre les lances vn cheual est plus legier en carriere que l'autre, de sorte que les esquadrons en sont mal serrez; aussi certain est il, & m'aseure que personne le niera, que aussi entre les corraresses vn cheual est plus auancé au trot que l'autre, voyre qu'il y a tel cheual qui au pas deuaance le trot de plusieurs: de sorte que l'un fera aussi peu ferré que l'autre. Quel est icy Basta, je te prie, ton iugement? quelle est ta sentence?

La lance fait ses effects en petis esquadrons, & non plus, au plus hault, que de deux files, non serrees, ains qu'il y ait place competente entre deux. Et si l'aduiant que quelque cheual tresbuche ou tombe a terre, il ne donne aucun empeschement au suiuant, ains se recueillant facilement il peult retourner a son esquadron & se remettre en sa place.

Mais la corrasse se trouuant drüe & ferrée en vn gros esquadrons, s'il y a quelque cheual de la seconde file du front tombé ou abbattu: encor qu'il ne soit blessé, si ne se peult il redresser, ains il fault qu'il y demeure

avec empeschement des fuiuans qui s'y aheurtent & souuentefois tombent sur luy : se trouuant ainsi en plus grand danger de ses compagnons qui le suiuent, que de l'ennemy. Et de fait s'il y en a vn es files de deuant ou du milieu abbattu, les fuiuant ne pouuans decliner ne a dextre ne a fenestre, ains poulsez des aultres files qui aussi les suiuent sur le premier tombé. Et par ce moyen que maint homme & cheual, sans recebuoir aucun coup de l'ennemy est oppressé & priué de sa vie, & tous les aultres empeschez de sorte l'esquadron est en plus grand danger d'estre rompu & confus de soy mesme que de quelq; impression que l'ennemy y pourroit faire. Chose qui sans doubte a este veüe du Seig : Basta plus de mille foix : & quant a moy j'en pourrois raccompter plusieurs exemples veus de mes yeulx. Dont je m'asseure que la lance a grand auantage & prorogatiue deuant la corrasse, en semble occasion.

Il dit dauantage, que tout homme armé a la maniere de la corrasse se peult habiliter a ceste armature, avec quelq; peu d'exercice : dont procede la facilité d'en faire grande leuee. Mais quelle preeminence la corrasse en recoibue, a esté dit dessus.

Il dit que chascun en son endroict, encor qu'il soit au milieu & ne combatte, á toutesfois son effect au pois & au choc, se mouuant vni les aultres.

Mais je ne voy icy aucune prerogatiue d'honneur que la corrasse en ait deuant la lance : estant de mesme es esquadrons des lanciers, auxquels celuy du milieu & le dernier font aussi bien leurs effects que les premiers.

Voyre tous les esquadrons de la milice tant de l'Infanterie que de la Cavallerie, doit estre, si on en attend quelq; profit, tellement ordonnez, que celuy du milieu & de la queue joüe aussi bien de ses armes & offensives & defensives, que celuy qui est au front. De quoy, Dieu aidant, sera discourru plus amplement au troisieme liure. En somme la corrasse n'en a le moindre auantage deuant la lance : voyre de ces mesmes fondemens j'esprouueray que la lance en est beaucoup auantagée.

Le corrasier qui est rangé au milieu de ce gros & pesant esquadron y est tellement enserré, qu'il ne peult auoir aultre mouuement ne a dextre ne a fenestre, ni en arriere, sinon droict en auant, & cestuy ci mesme produit son effect en vne lourde pesanteur : ne se pouuant employer en aucune offensive, sinon de retenir ou soustenir & se fourrer la ou il est conduict par le front, contraint de suiure encor que & l'homme & le cheual en deburoit patir ou demeurer engagé.

Le lancier ou contraire tant de front que de queue peult faire ses retraictes, a dextre & a fenestre, & se reculer comme & quand il veult, propre aussi bien a l'attaque qu'a la poursuite. Chose impossible au lancier, comme tu verras es parties suiuanes. De sorte qu'en l'accomplissement de ses desseins le lancier est bien plus auantagé que le corrasier.

Il passe auant, & dit : Quant aux armes si on regarde les defensives, elles sont impenetrables de la lance, combien que des temps passez on dit, qu'elles n'en estoient trop seures : peult estre que

que le fer estoit plus fin & aygù; dont il fault tascher de blesser le cheual, qui aussi en vne ordonnance si drue ne monstrant que le front, n'est si facilement atteint.

Cecy debuoit estre vne demonstracion prise des armes, & que la corrasse n'en pouoit estre interessée de la lance: sans toutesfois aucune prerogative de la corrasse, le lancier ayant aussi bon ou meilleur cheual, que le corrasier. Il dit que la corrasse ne peult estre endommagée ou blessée de la lance, encor qu'anciennement elle n'en estoit trop asseurée: & cependant ne monstre aucun avantage de la corrasse pour pouoir blesser la lance: Demeurant ainsi suspens & en doubte; voyre sa conscience luy tesmoigne le contraire, comme on entend de ce qu'il dit ailleurs qu'anciennement il y auoit peu de resistance en la corrasse contre la lance. L'en demonstreray aussi le contraire par ses propres termes.

Il fait vne comparaison de ces deux armatures & dit: que la corrasse a grand avantage, & estant mieulx armée que la lance, ne peult estre endommagée ou blessée d'icelle. Mais c'est vne comparaison trop froide, pour donner quelque chaleur a la corrasse; la lance se trouuant & mieulx armée, & d'armes plus nécessaires, propres & vtils: comme je le vay demonstrer en peu des paroles.

La corrasse s'arme plus a la defensiue, comme aussi elle y est plus propre, & c'est la qu'elle fait la plus grande part de son office, qu'a l'offensiue. Mais la lance & ses armes sont propres aussi bien pour l'un que pour l'autre. Car sa lance est toute offensiue pour percer & dissoludre vn escadron contraire tant de Cavallerie que d'Infanterie: son harnois est defensif & aussi bon s'il veult que celui de la corrasse.

De sorte que s'il est question de l'armature de l'une & de l'autre, je n'ay doubte aucune, que celui qui en a tant soit peu d'intelligence, en attribuera l'avantage a la lance, & non a la corrasse, comme Basta pretend. Car quand a l'offensiue, il est tout certain que la lance y precede la corrasse. Et de fait le lancier attaquant vn corrasier, en peult facilement vider la selle, s'il ne le perçe du tout: & ne trouuant rien sur l'homme, il luy peult sans aucun empeschement blesser le cheual, chose que le corrasier ne luy fera iamais, & ne peult l'en dommager ne en sa personne, ne au cheual.

Ioint que le lancier de ses pistols peult paruenir tant a l'offensiue qu'a la defensiue aux mesmes effects du corrasier.

De sorte, dis-je pour la seconde fois, que de ceste comparaison des armes de ces deux sortes d'armature l'honneur en reuient, non a la corrasse, mais a la lance qui & en l'offensiue & en la defensiue est beaucoup plus vtile & avantagee.

Et voyci les raisons sur lesquelles le Seig: Basta fonde la preeminence & vtilité de la corrasse: se faisant fort de tirer tous les lecteurs a son party: mais avec quel effect le lecteur accort s'en sera bien apperceu.

Or tous ses mal fondez fondemens sont a la fin conclus, en la maniere suiuite: Tous ces avantages de la corrasse sont que les lances leur sont demeurées inferieures, non seulement de credit & reputa-

cion, mais aussi de force & effect, & fault qu'elles leur cedent de seules a seules, & quand aussi que les corraffes elles seroient contraintes de se tenir en gros esquadrons. Mais si mil corraffes debuoint combattre contre mil lances reparties en petis esquadrons: elles seroient facilement preçees & defeittes des lances qui en petites troupes font plus grand effect: comme on voyt, qu'en ceste maniere cent lances peuuent emporter cent corraffes, & d'auantage.

C'est vne chose asseurée que les lances ont icy vn juge trop non seulement partial, mains aussi malicieux, qui fait de l'ignorant de ce, dont toutesfois il fait profession, ascauoir du gouuernement de la Cauallerie, & des principaulx fondemens d'icelle. Comme aussi cecy sera demonstéré pour conclusion de ceste question de ses propres parolles. Il dit donques: tous ces auantages de la corraffe font que les lances leur sont demeurées inferieures, non seulement de credit & reputacion, mais aussi de force & effect: & fault qu'elles leur cedent, estants seules & grands esquadrons.

Voyez, je vous prie, comment il conclud la question proposée, afin que par tout potage la corraffe emporte le pris, presupposant, que les lances soyent contraintes de se tenir en grans esquadrons. Sachant toutesfois bien que c'est la propriété de la lance de combattre non en gros, mais petis esquadrons ou troupes, disant luy mesme que les Lanciers doibuent repartis non en gros mais petis esquadrons, y adjoustant les raisons veritables & fondees mesme sur la necessité, tant esprouuée par l'experience, disant:

Tant pource que comme on voit seulement des deux premieres files viennent a ioindre l'ennemy, & ce, peu vnies a cause de la diuersité des carrieres, que d'autant que ceulx qui les suivent, par la mesme raison, s'empeschans l'un l'autre, seroient contraints pour faire quelque chose, de se mettre sur le trot, & mal vnis se jetter de l'un ou de l'autre costé, pour prendre leur carriere: dont il faudroit abandonner leur lances, n'en pouuant endommager l'ennemy. De sorte que tant plus grand que sera l'esquadron, tant en sera aussi plus grande la confusion & le desordre: les plus tardifs estants delaissez de ceulx qui sont mieulx montez, qui tousiours vueillent penetrer plus auant: & est impossible de se pouuoir remettre & reunir, pour reprendre nouveau party.

Ce sont ses propres termes, esquels par bonnes & bien fondees raisons il esclaircit la quatriesme propriété de la lance: ascauoir qu'il fault necessairement qu'elle soit rangé non en gros mais petis esquadronceaux. Car mesme aux plus petites troupes de deux files, il n'y a que la premiere qui

qui produit son effect entier: & la seconde n'y peult faire grande chose, n'y pouvant si bien joindre a temps: & la troisieme demeure comme du tout inutile: Alleguant trois grandes incommoditez prouenant de ce que les troupes sont faites trop grandes.

Premierement que l'effect est aneanti.

Secondement qu'il en resoult grans desordres & confusions. Tiercement qu'ils ne se peuvent rejoindre pour reprendre nouveau party. Esquelles parolles dissout toutes ses aultres conclusions qu'il pretend faire sur l'avantage corasses. Il dit: quand aussi bien que les corasses elles seroyent contraintes de se tenir en gros esquadrons. Pourquoi ne dit il aussi: Si elles se desarmoint se laissant sans aucun mouvement & resistance enfoncez des corasses. Il scait quelle est la proprieté de la lance, & que son mouvement se fait en petis esquadrons, & non en grans comme celuy de la corasse.

C'est tout aultant, comme s'il disoit, si l'asne auoit des plumes, il voleroit. Car comme ce n'est de la proprieté de l'asne de voler: ainsi n'est il du naturel & proprieté de la lance de combattre en gros esquadrons.

Finalemēt dit il: mais si mil corasses debuoint combattre contre mil lances reparties en petites troupes, elles seroient facilement perçees & desfaites des lance, qui en petites troupes font plus grand effect; comme on voyt qu'en ceste maniere, cent lances peuvent emporter cent corasses, & dauantage.

Gran mercy Mons. Basta; mais ceste sentence est du tout contraire a la pretendue eminence de la cuirassa; & de fait tout l'honneur en est donné a la lance, quand tu dis:

Premieremēt, quand elles seroient reparties en petites troupes, les corasses en seroient facilement perçees & desfaites.

Secondement, encor que les corasses fussent en pareille, voyre plus grande quantité, si se trouueroient elles surmontees.


Tiercement distu: Qu'il y en a qui sont d'aduis, que les lances secondee des corasses encor qu'en moindre quantité, seroient superieures a aultres corasses. Et monstres aussi comment la lance en ses petis esquadrons, doit attaquer les dittes corasses soit en front ou au flanc, asseuree d'en emporter la victoyre.



Dont je suis grandement esbahy d'une conclusion si absurde & contraire du Seig: Basta, sur ceste question de la preeminence de la corasse par dessus la lance: car il n'eust peu alleguer des arguments plus veritables & solides que ceulx cy, si avec toute diligence & industrie il la voulut attribuer aux lances, auxquelles de fait elle est deuë indubitablement. Et ne se contente de parolles, ains le declare encor par exemples tresuidents, com-


comme tu vois en sa figure adiointe qui est l'onzième, en laquelle Num. 3. il montre comment cent lances ordonnées competement en leurs esquadronces aux enfonceront cent cinquante corraffes. La ou au contraire il ne scauroit montrer ne trouuer aucun moyen, par lequel les 150. corraffes porroint estre guaranties des dittes lances, beaucoup moins les surmonter. Comme es parties suiuanes il sera plus clairement demonsté.

Et dis que la patience, que le dit Seig: Basta prescrit aux lances, de ce quelles sont deuancees des corraffes est expirée, icelles retenant l'honneur ancien d'estre la plus noble, louable, vtile, necessaire & digne armature, aussi bien au temps present, qu'elle en á eu la reputacion du passé: & le retiendra sans aucune doubte iusques a la fin du monde & tontes guerres.

Car si tu recherches toutes les inuentions militaires, quelconques elles soient: tout bien pesé, considéré, conté & rabbattu: il fault confesser (si nous en volons, comme en sommes redevuables, dire la vrité) que la vielle maniere d'vser des armes & discipline militaire, est la meilleure. Et de ceste maniere de chercher nouuelles inuentions, les recommander & approuuer, on n'en a tiré aultre profit, sinon que l'art & discipline militaire, par tant des nouueautez, chascun y pretendait faire le sien, comme l'homme est tousiours amateur des choses nouuelles, peu a peu a esté obscurcie, voyre difaite & ensepuellie.















Fig. 2
Par. 1.
Cap. 1.










Par . 1 . Cap : 1










Figur 3










Par. Cap. I.

Figura 5




Par. 1 Cap. 1

Nº. 1



Nº. 1



Nº. 2



Nº. 2



Nº. 3



Nº. 3












Fig. 6.













Par. I.
Cap. I

Fig. 7











DECLARATION DES
FIGVRES DV PREMIER
CHAPITRE DE LA PREMIE-
RE PARTIE.



EN la Fig. 1. tu as les quatre fortes de la Cauallerie.

Num. 1. La Lance.

Num. 2. La Corraffe.

Num. 3. L'Arquebusier.

Num. 4. Le Drageon.

Figura 2.

Monstre les armes du lancier, desquelles il est deuement couuert, chascune piece nombrée a part.

Figura. 3.

Monstre trois diuers mouuements de la lance, ascauoir.

Num. 1. En hault.

Num. 2. Au milieu ou roide & droicte.

Num. 3. En bas. Et iceulx contre la Cauallerie.

Figura. 4.

Tu vois les mesmes mouuements contre l'Infanterie.

Num. 1. En hault.

Num. 2. Au milieu.

Num. 3. En bas.

Figura. 5.

Comment le lancier se doibt exercer, pour dextrement vsur de sa lance en toutes occurrences, tant de festin que militaires.

D

Num.

Num. 1. En hault.

Num. 2. Au milieu.

Num. 3. En bas.

Num. 4. Comment ils'exerce pour cueillir vn gand, ou vn chapreau en pleine carriere de la terre.

Num. 5. Comment il porte la lance droicte & manifeste.

Num. 6. Comment elle est portée couuerte ou cachée.

Num. 7. 7. 7. trois diuerfes positions.

La premiere, comment au pas il prepare la lance au choc.

La seconde, Comment il abbaisse la lance au galop.

La troiesme, Comment il la presente en pleine carriere.

Num. 8. 8. Comment tous presentent la lance a fenestre.

Num. 9. 9. Comment la lance fenestre abbatt son aduerfaire.

Figura 6.

Num. 1. 1. Comment il fault detourner le coup avec la lance.

Num. 2. 2. Comment a lances dextres les cheuaulx de tous costez sont atterrez.

Num. 3. 3. Comment la lance dextre tasche de leuer de la selle, celuy qui la presente a fenestre, par le flanc.

Figura 7.

Monstre comment les trois dessus dits mouuements de la lance sont aussi pratiquez du pistol.

Num. 1. En hault.

Num. 2. au milieu.

Num. 2. En bas.

Num. 4. Comment le lancier, apres auoir rompu sa lance, ou ietté par terre, se defend de son pistol.

Num. 5. Comment tous deux, les lances rompues, mettent les pistols sur le col vers la poictrine des cheuaulx contraires.

Num. 6. Comment ils se mettent le pistol droict sur la poictrine.

Num. 7. Comment le lancier met le pistol sur le col de celuy, qui se tient a pied.

Figura 8.

Tu voys comment il se defend de l'espee, & comment elle est mise en oeuvre.

Num.

- Num. 1. Comment l'un présente l'espée, a dextre & l'autre à fenestre.
- Num. 2. Comment celui qui présente l'espée en hault, cueillit ou la visiere ou le col de son ennemy.
- Num. 3. Comment au milieu, ou a lance roide, ils taschent de prendre l'un l'autre sous la cuirasse.
- Num. 4. Comment par en bas tous deux les cheualx sont ar-terrez.
- Num. 5. Instruction comment a bras courbé il fault s'exercer a cueillir un blanc, au pas, & par le hault.
- Num. 6. Par le milieu, au galop.
- Num. 7. Par en bas en pleine carriere.

D 2

CHAP.





CHAP. II.

De la Corrasse ou Corassiers.



A Corrasse est vne inuention de nostre temps, entrée en vsage il y a enuiron 50. ou 60. ans. Car les lanciers commençans par plusieurs & diuerses raisons a defaillir, en la France & au Pais-bas, de sorte qu'on ne s'en pouuoit fournir a suffisance : on a comme par contrainte les corasses pour s'en seruir en leur place. Or ont elles nom de nouuelle & auantageuse inuention : mais il n'y a fallu trop de rompement de teste, n'y ayant chose nouuelle sinon le nom : ou selon le proverbe, on a donné vn aultre nom a l'enfant : comme on dit d'un, qui accoustumé de manger tousiours de pain blanc, mais n'en pouuant non plus prouuer se contenter du pain brun. Et ainsi en est il de la corrasse & son inuention : cependant qu'on auoit la noble lance, on la tenoit en bone reputacion : mais n'en pouuant non plus auoir, on en a fait des corasses. Et afin, amy lecteur, que tu en voyes la cause de l'inuencion, en voyci la deduiſte.

Es longues guerres de la France & du Pais-bas, cependant que la noblesse s'y addonnoit, il n'y auoit plus noble ne louable armature, que la lance. Mais par la continuacion d'icelles l'argent, qui est le nerf & soustien des guerres, commençant a defaillir : Ioint que cependant aussi vne grande partie de la noblesse y fut avec le temps consumée ; & bonne quantité d'icelle, si non tous, ayant fait leur debuoir avec danger de la vie, & les cheuaulx laissez pour les gages, mal recompensez, non seulement de ce qu'on ne leur donnoit aultres cheuaulx, mais aussi les defraudoit de leur solde meritée, de maniere que fortans de leur maisons bien pourueux & montez a bons cheuaulx, ils y retournoient tout pauures, harassez & a pied : il y a eu plusieurs degoustez, voyants comme le renard d'AEsop plusieurs pistes qui y entroient, mais nulles qui en fortoint ; de sorte que la lance peu a peu est demeurée abandonnée, ou pour le moins on s'est apperceu de la decadence & default.

Premierement, des nobles & bons cheualiers, bien preux & exercez au manement d'icelle.

Secondement, des cheuaulx de pris & bien dressez.

Tiercement s'y aussi adioinct l'amoindrissement ou rongement de la solde, qui n'en a pas esté la moindre cause : car en ce default, il a fallu se contenter des cheuaulx moindres, n'en pouuant auoir d'aultres a si petite solde.

Les lanciers aussi qui y sont demeurez de reste, attendans ou la fin de la guerre, ou leur payement, & perdans cependant leurs cheuaulx propres
pour

pour la lance, & n'en pouuant auoir d'autres, ont este contrains de quitter la lance, pource qu'il ne pouuoit prester l'effect requis, en ces cheualx moindres desquels il se falloir seruir: dont pour n'estre du tout inutiles, ils ont pris les armes de la corrasse & le pistol: accomplissant ainsi tant qu'ils pouuoient l'effect, qui a faulte de bons & legiers cheualx leur estoit denié, avec des cheualx gros & pesants au trot & galop. Et afin qu'on ne s'apperceut de ce default de milice, ils se laisserent donner vn autre nom, & se loier d'inuention nouvelle: non tant de nouveauté & vilité, mais de seule necessité, afin que la Cavallerie ne demeurast du tout abandonnée. Et s'il y a quelque chose de nouveau, ce n'est autre chose que le nom, comme je te le deduiray des deux effects de la lance.

Je t'ay dit au chapitre precedent, que l'effect de la lance est offensif & defensif.

Offensif quand les ordres & esquadrons de l'ennemy en sont percez, dis-souls & enfoncez, & ce par le moyen de petits esquadrons, ou troupes.

Defensif serré & vni en vn gros esquadron & corps solide, les effects de l'ennemy en sont soustenus.

Ce sont les deux effects & proprieté de la lance: dont j'ay dit qu'elle est ou offensue ou defensue.

L'effect offensif se fait par la lance, & le defensif par l'harnois ou cuirasse & le pistol. Car, comme j'ay dit, le lancier en doit aussi bien, voyre mieulx, estre guarny que le corrasier: de quoy ne pouuant a present discourrir a la longue, j'en donneray en brief quelque satisfaction & contentement.

Le lancier ayant le cheual de pois son harnois, pistols & lance pour offense de l'ennemy, est appelé Lancier; oste luy avec la lance le bon cheual luy donnant vn moindre, pesant & inutile pour vne subite violence: ce sera alors vn corrasier. On bien, oste au lancier l'armature offensue, luy laissant seulement la defensue, & en feras ainsi vn corrasier.

Or s'aperceuant avec le temps, qu'à cause des defaults & raisons susdites on ne pouoit faire leuée, & entretenir la lance, on a réduit le tout en corrasse: avec ce contentement (comme Basta dit aussi) que l'homme n'auoit besoing de si penible exercice, ne de cheual de si grand pris.

Et voyci la vraye & fondamentale histoire de l'origine de la corrasse.

Dont, amy lecteur, tu vois, que quant à l'armature & effect, ce n'est point vne inuention nouvelle, mais assez antique prise de la demye lance, de la quelle on y voyt les proprieté & effects: & n'y a rien que le nom nouveau. Et luy voulant donner son vray nom, ils la debuoient nommer demye lance pour les raisons suivantes.

Premierement est ce vne demye lance, a raison de l'homme, qui n'est de la moytié, voyre de la centiesme partie si habile que le lancier; & n'a autant de peine tant pour estre dressé, que pour executer ses effects.

Secondement est ce aussi demye lance, quant au cheual, qui n'est de la moytié si bon qu'il est requis pour la lance.

Tiercement est ce vne demye lance, a raison de l'armature, estant priuée de la lance, qui est la moytié principale de l'offensue du lancier.

Quartement aussi a raison des proprieté & effects, car l'offensue de la lance qui consiste en l'homme, cheual & lance, luy est ostée. Et ne retient que la defensue en avec vn cheual lourd, & qui n'a besoing de si grande adresse, qui encor a peine n'est la moytié de la lance.

Et jusques icy est ce que je me suis reserué, pour monstrier au Seig: Basta tant la pretendue eminence de la corasse, que l'inuention d'icelle, de laquelle il n'a entendu ou voulu entendre les fondement: ressemblant ou imitant ce renard, qui ayant perdu la queue, & en estant demandé, ou il auoit laissé ce membre tant noble & necessaire, non seulement pour l'ornement, mais aussi pour la defense? respondit qu'il auoit fait coupervolontairement, pource que c'estoit vn membre inutile & de grande charge & empeschement, voyre qu'on pouuoit estre pris par la. Et que c'estoit sa nouuelle inuention, laquelle ils debuoint imiter, pour estre tant plus legiers & assurez de toute incommodité qui en pourroit prouenir. Mais la responce qui luy fut donné reuient fort bien a nostre propos.

Ainsi voyez vous, Nobles Lanciers, la dignité, vtilité & necessité de la lance (bien quelq; peu penible & laborieuse, comme la vertu a tousiours l'acces laborieux: mais aussi est recompensée de l'honneur,) armature honorable, propre a tous deux effects & offensif & defensif: la corasse n'estant selon les raisons susdittes n'est que vostre moytié. Mais ailleurs nous traiterons plus amplement de ceste matiere.

Cependant toutesfois en default de ceste partie de la Cauallerie, la corasse n'est a reietter, ayant aussi honneur & vtilité, quand elle est bien considérée selon sa qualité, & sagement mise en oeuvre & appliquée.

Sa propriété principale est de soustenir & arrester les esquadrons de l'ennemy: combien qu' aussi luy est attribué le pouuoir d'enfoncer & rompre selon l'occurrence les dits esquadrons, mais non indifferemment.

Son armature est harnois fin, soustenant le coup de l'arquebus, en toutes ses pieces comme il est dit de la lance, & se voit Fig. 9.

Son espee (sans les bottes & esperons) est vne pedarme, ou espee courte & trenchante, avec la poincte forte & propre tant au trenchant qu' a l'estoc. Propre pour s'en seruir es esquadrons enfoncer & rompus.

A l'arçon de la selle, il aura deux pistols tousiours prests, chargez & montez pour la defensue, comme aussi pour l'offensue, combien que l'armature pour la plus part n'est que defensue. Au fourreau des dits pistols il aura pendant le flaque a pouldre, avec deux clefs. Quant au cheual, il n'est besoing qu'il soit des meilleurs: car pour ceste armature on se peult seruir de cheualx communs, moyennant qu' ils soyent forts & obeissans a la bride.

Ses exercices particuliers ne sont si grans ni exquis, que ceulx du lancier, n'ayant a remarquer que ces deux points.

- I. Qu'il s'accoustume a supporter le fardeau de ses armes.
- II. Qu'il s'exerce aussi de tirer de ses pistols le coup assuré, en toutes les manieres & sortes qu' auons dit du lancier.

S'il veult decharger son pistol contre l'ennemy, qu'il ne luy donne le feu,

feu, s'il ne l'á bien asléuré, voyre jusques a le toucher d'iceluy, ou pour le moins de si pres, qu'ille tonche de la flambe.

Pour faire son effect sur l'ennemy, il se met sur le trot, ou sur le galop, & principalement en la poursuite.

Il fault qu'il ayt le terrain dur & solide, a cause de la pesanteur de son armure : & toutesfois il peult mieulz supporter l'incommodité d'iceluy, que le lancier.

Elle est nommee Cavallerie graue ou pesante, a cause de pesantur tant de l'armature, que du cheual.

Decla-





Declaration de figure. 9.

EN ceste Neufiesme figure tu vois le Corassier armé de toutes ses pieces declarees par le menu au chapitre premier, & monstrees en la figure seconde.





Figure 9:
Par. 1:
Cap:





CHAP. III.

De l'Arquebusier ou Bandellier.



L'Arquebusier Carrabin ou Bandellier a cheual, est la troisieme partie de la Cavallerie, & est nommé Cavallerie legiere, d'autant qu'il non seulement les armes plus legieres, mais aussi le cheual si pesant, que les dux precedents.

Il a son nom de son arquebus long, ou du bandeau qu'il a sur ses espaules, dont le dit arquebus depend.

Deuant toutes choses il fault qu'il ait aussi vn bon cheual, de force moyenne bien a la main, & legier a la course ou carriere, & prompt tant a l'inuestir qu'a poursuiure.

Son armure est vn pectoral avec la dossiere sans les brasieres & jambieres, & l'armet ouvert. Tu peulx aussi deposer la dossiere si tu veulx, pour auoir le pectoral plus fort & a preuue, ferré d'une croisée sur le dos. Comme tu vois Fig. 10. Num. 1.

Au col ou sur l'espaule il a vne courroye de cuir, comme le bandeau du musquettier, large avec vne traine crochetée fer au bout, guarni d'un petit ressort, afin que l'arquebus y estant accroché n'en sorte. Ceste traine n'est point ferme, ains la courroye passant par l'esguille, elle glisse sur la ditte courroye, en sorte qu'elle y peult estre haussée ou abaissée. Comme on voit Num. 2. Fig. 10. Son Arquebus a quatre pieds de longueur, avec vn fusil, tirant pour le moins vne once de balle. Au costé fenestre au lieu qu'il approche de la machoire pour prendre la mire de son coup, il aura deux petits verraulx pour ioindre fermement sur le bois par en hault, & en bas du dit arquebus, vne branche de fer rond aussi long quasi que le dit bois; auquel il y a vne aultre traine avec vn anneau, qui entre au crochet du bandeau dessus dit: & ainsi y est l'arquebus dependant. Voy Num. 3. Fig. 10. Et y est ceste vergette de fer adioutée, que tant au charger qu'au descharger l'arquebus luy soit mieulx a la main, & plus asséuré en icelle.

Sans l'arquebus il a encor vn ou deux pistols dependans de son arçon, pour s'en servir en toutes occurrences.

Son espée est vne Pederme, propre tant a la taille qu'a l'estoc.

A la ceinture il a le porteflasque de bon cuir, dont depend le flasque de pouldre avec la clef. Il en prend la longueur selon sa proportion, ou voionté; au bout d'en hault le dit porteflasque a vne petite bourse pour les balles & le nettoyeur de son arquebus. Il aura aussi en la ditte bourse, quelques patrons pour s'en seruir en l'occurrence; ou bien s'il vouldra il se seruira au lieu du flasque d'une tasche de patrons attachée a la cuisse droite, de dix ou douze patrons ou dauantage tous prests. Avec la ditte

E

tasche

tasche il aura aussi vn petit puluerin & la clef attachée. Le tout selon la volonté & fantasie de chascun, se servant de ce qui luy semblera mieulx a propos & plus commode. Toutesfois a mon aduis le porteflasque vsité au pais-bas y est plus propre. Voy Fig. 10. Num. 4.

S'il se sert de la tasche a patrons, & ne la veult attacher a la cuisse, il l'attachera fermement a son arçon guarnie de ses patrons.

Il se peult aussi couvrir, s'il veult d'harnois principale en bataille, vn petoral contre la lance ou la balle de l'arquebus.

La propriété & effect, est de courageusement molester, attaquer & poursuivre l'ennemy de ses arquebusades.

On s'en sert en l'avant & arriere garde pour descouvrir & battre la campagne, prendre langue conuoyer, occuper & garder les passages. En somme il peult estre appliqué en toutes occurrences & occasions : dont aussi il se doit pourueoir de bon cheual.

Ceste troisieme partie de la Cauallerie doit estre fort gaillarde & propre, d'autant qu'elle est appliquée a plusieurs exploits : joint qu'il a aussi ses exercices, esquels il doit estre bien dressé. Les exercices particuliers sont ceulx cy.

Il fault qu'il soit bien dextre au maniement de l'arquebus, en toutes les façons & modes descripts au liure premier de l'art militaire de l'Infanterie.

L'Arquebus demeure tousiour pendant de son col au bandeau. S'il le veult decharger contre l'ennemy, il l'empoigne de la main droicte, le monte, oste le retien, le prend de la main gauche, en laquelle aussi il tient la bride de son cheual au pois ou niveau, prend la mire ou visée, & finalement donne feu. Voy Num. 5. Le coup fait, il en retire la main droicte, le retenant en la gauche, & le tournant vers le costé fenestre, le recharge, monte, met le puluerin sur le bassinet ou fogon, & ainsi s'appreste pour le second coup, ou autant qu'il en a affaire: & tout estant fait, le remet au costé droict, comme il estoit au parauant.

Il tasche d'auoir vn bon arquebus, duquel il puisse tirer de 200. a 300. pas vn bon coup & asseuré.

Il s'exerce a tirer bien au trot & au galop, ou en carriere en ces quatre sortes & manieres.

- I. En carriere il tire a dextre. Num. 6.
- II. A fenestre. comme Num. 7.
- III. Droict deuant soy. Num. 8.
- IV. Le corps tourne, il tiere en erriere Num. 9.

Ces quatre sortes, il les fait en pleine carriere, & pour son seruir proprement soit en bataille ou en aultre occurrence, il y fault grand exercice & diligence; dont sans doubte il en recevra grand profit & auantage, comme je monstreray en son lieu es parties suivantes.

Il conduit & porte son arquebus en deux manieres.

1. Effleué comme on voit Num. 10.
2. Pendant comme Num. 11.

Il se sert aussi d'une piece de peau de veau avec son poil, pour couvrir l'arquebus contre la pluye, & aultre humidité, l'y attachant ou avec des
petis

petits clous ou petits verreaux, ou l' en enucloppant le plus commodement qu'il peult. Voy Num. 12.

Ne se pouuant plus seruir de l'arquebus, ou estant tellement pressé qu'il ne le peult si hastiuement recharger: il s' aydera en telle necessité de sa seconde armature, ascauoir du pistol, au maniement duquel il se doit aussi exercer, selon qu' auons dit dessus des mouuements de la lance & de la corraße.

Sa derniere defence se fait de l'espée, en toutes les sortes qu' auons monstrees au chapitre precedent.

Son effect est offensif, sa defensiue estant bien petite.

Pour paruenir au bout de son effect contre l'ennemy; il se met en petites troupes, esquelles toutes fois il peult supporter plus des files que la lance. Car il en peult auoir 4. 6. 8. 10. ou aussi aultant que tu veulx; mais note qu' a moins des files, il y aura plus de force & offense contre l'ennemy.

Decla-





DECLARATION DE LA DIXIESME FIGVRE.



VM. 1. Vn pectoral ou halecret a l'espreuve de l'arquebus, avec ses ceintures, par le moyen desquelles il est fermement ceint sur le corps.

Num. 2. Le bandeau, auquel l'arquebus est pendu.

Num. 3. L'arquebus avec la vergette de fer au costé fenestre.

Num. 4. Le porteflasque avec le flasque a pouldre, & clef.

Num. 5. 1. Comment il empoigne l'arquebus de sa dextre.

2. Comment il prepare de sa fenestre l'arquebus, au monter de la pierre & oster le retien.

3. Comment il prend la mine en pleine carriere.

4. Comment, apres le premier coup, il se prepare pour le second.

Num. 6. Comment en pleine carriere il tire a dextre.

Num. 7. Comment il tire a fenestre.

Num. 8. Comment il tire droict deuant soy.

Num. 9. Comment il doit tirer par derriere.




Num. 10. Comment il porte l'arquebus droict.

Num. 11. Comment il porte l'arquebus pendu au col.


Num. 12. Monstre comment d'une piece de peau de veau ou aultre chose conuenable il couure l'arquebus contre la pluye, poussiere ou aultres inconueniens.

CHAP.





Figu. 10.
 Par. 1.
 Cap. 3.





CHAP. IV.

Des Drageons.



Est vne lourde & ridicule armature, mais cependant en son lieu fort convenable, propre & vtile partie de la Cavallerie, inuentée afin que (considerants qu'il y a plusieurs exploicts militaires, qui ne peuuent estre effectuez par la Cavallerie seule) l'infanterie ou partie d'icelle, montée a cheual, avec ses armes requises, secondast prompte & subitement la Cavallerie. Or en voyci l'equipage.

Pour Drageons tu prendras la moytié de musquettiers, & l'autre moytié de picquiers, chascun armé de ses armes propres, comme il est monstré en l'art militaire de l'Infanterie, desquelles ils vseront aussi a la maniere d'infants: comme aussi ils sont plus dependans de l'Infanterie que de la Cavallerie: mais d'autant qu'ils sont tousiours a cheual, & logez mesme aux quartiers de la Cavallerie, j'en ay voulu faire mention en ce lieu.

Ses armes donc sont le musquet, ou la picqué. Le musquet á, attaché au deux bouts de son fust, au hault & au bas, vne courroye de cuir, a laquelle estant a cheual il le pend au col sur son dos. Fig. 11. Num. 1.

Estant a cheual il tient la mesche brillante, & la bride du cheval en sa main gauche, tenant le bout allumé entre ses doigts.

Il a le moindre cheual qu'on peut auoir, dont aussi n'est de trop grand pris, de sorte que s'il est question de mettre pied a terre & le quitter, la perte n'en est trop grande.

Que le musquettier s'accoustume de tirer de son musquet a cheual, de tous costez & en toutes sortes, ainsi qu'il a esté dit de l'Arquebusier au chapitre precedent.

Il ne se chargera de bottes & esperons, car elles luy feroient plus tost dommageables que profitables, quand il seroit besoing de mettre pied a terre.

Le picquier aura au milieu de sa picque, vne gaine ou fourure de la longueur de deux palmes; ou bien vne petite courroye, pour en pendre la picque asseurement: comme on voit Num. 10.

En son harnois il aura au costé dextre deux petis pertuis, par lesquels il y attacherá vn petit crochet, pour y pendre sa picque en cheminant a

cheual en sorte qu'il l'y puisse porter a l'aise & sans aucun empeschement sous le bras dextre, comme Num 3. le monstre, En l'effect de son exploit, il met gaillardement le pied a terre. Et en tout le reste, il se comporte, comme au liure precedent il a esté dit, des musquetiers & picquiers.

Quand les Drageons vont attaquer l'ennemy apres auoir, comme il est dit, mis pied a terre, ils iettent la bride de leurs cheualx sur col de celui de leur voyfins, ainsi qu'ils demeurent tous ioint de file a file, comme ils auoient marché, de sorte que les cheualx se tiennent ainsi accouplex par les brides ne se pouuants enfuire : entretant que les maistres sont en terre, on y ordonne quelques vns qui les gardent, aultant que possible, de tous inconueniens qui y pourroient suruenir.

Il est propre pour toutes entreprises de quelconq; sorte qu'elles soyent, & principalement quand il est question de subitement escheller ou surprendre quelq; fort, ou de creuer quelq; porte, ou aultres tels exploits, propres de l'Infanterie.

Pour surprendre les quartiers de l'ennemy, il y est aussi fort propre tant pour la Cauallerie que pour l'infanterie.

Les picquiers sont fort conuenables pour faire arrester la Cauallerie ennemye en passages estroicts, des bois & aultres occurrences des passages.

Ceste sorte de Cauallerie vient aussi bien a propos en batailles rangees. Car estant en pleine bataille contre l'ennemy, l'auantgarde se trouuera fort bien, ordonnant que les Drageons s'auancent subitement contre les ordonnances & troupes contraires, soit aux flancq ou a la queue.

En somme cest lourde & informe sorte de Cauallerie peult estre de grand effect, si on l'applique propre & prudemment : comme on verra cy apres es liures suiuant de mon traitté.

Et de fait celui en entend l'usage, vtilité, propriété & effect, ne les mesprisera pas, ains comme d'une Cauallerie & invention vtile en tiendrà gran conte.

N^o 3




Par. 1
Cap. 4


N^o 1



N^o 5



N^o 1




N^o 2



N^o 4



Fig. 11





DECLARATION DE LA FIGVRE ONZIESME.



VM. 1. Monstre premierement la courroye attachée de deuz petis verroulx au musquet: secondement comment le musquettier a cheual a son musquet pendant sur son dos & la mesche avec la bride en la main gauche.

Num. 2. La picque du picquier reuestu au milieu de cuir, en longueur de deux (palmes ayant au deux) bouts de ceste fourrure deux esguillettes aussi de bon cuir, par lesquelles la picque est attachée a l'harnois de l'homme a cheual, qui par ce moyen l'y tient ferme en marchant.

Num. 3. Au costé droict du pectoral vn petit crochet, dont depend la picque des esguillettes susdittes.

Num. 4. Comment il fault tirer a cheual, aussi bien du musquet que de l'arquebus & bandelier.

Num. 5. Monstre que le musquettier ne doit oublier le petit tuyau, dont auons fait mention au premier liure.



L A

SECONDE PARTIE DV GOVERNEMENT ET EXERCICE DE LA CA- VALLERIE EN GENERAL.


JUSQUES a present as tu entendu, amy lecteur, les qualitez & proprietiez de chascune partie de la Cauallerie. Maintenant tu entendras quels sont les exercices, desquels aussi chascune a part soy doit auoir bonne cognoissance & experience, qui sont appelez exercices communs.




Mais deuant d'en entrer en propos, je te monstrey, quelle doit estre l'adresse & constitution de toutes compagnies, & de chascune en son rang & particulier : obseruant l'ordre qu'auons tenu en la premiere partie, selon lequel nous les proposerons l'une apres l'autre.

Et afin que ceste nostre instruction & deduite soit mieulx entendue, il fault que tu saches, que toutes les compagnies de Cauallerie, jusques a ce nostre temps present, ont esté dressées & gouuernées avec grans desordres, & sans aucun regard, ne de la perte de celuy qui les entretient, ne de leur propre interès, qui n'est aussi des moindres.


Lequel desordre est prouenu principalement de ce qu'ils n'ont pas entendu, ou voulu entendre les fondemens principaux de ceste milice : chose que sans longues ambages je te monstrey en toutes les compagnies qui se trouuent a present, entre lesquelles a peine tu en trouueras vne seule (excepté celles de ce Tres-illust. Prince & Preux Cheuallier Maurice de Nassau &c. qui s'approche plus de la perfection que nul des autres) dressée & gouuernée comme il appartient.

Car je te prie, regarde le grand desordre en celles d'Hongrie, remarqué aussi des plus braves, prudents & experimentez Capitaines, comme pour exemple. Ce tant grand Cheuallier, que bon & expert Capitaine George Basta, qui avec grand honneur a manié la Cauallerie par 40. années: dont il en a acquis bonne experience, de laquelle





figu: 11



laquelle mesme les faits heroïques tesmoignent assez : comme defait c'a esté l'un des plus vieulx & vsez en ceste noble & honorable milice, y ayant remarqué sans doubte avec diligence toutes les particularitez & generalitez : ne dit toutesfois vn seul mot des fondaments, en son traicté du Gouvernement de la Cavallerie legiere.

Il a bien veu la grande confusion, mais quand a la source, occasion & commencement d'icelle, pour y donner les remedes conuenables, il n'y a jamais pensé. Il monstre bien les grans & viles effects de ceste milice : mais il ne monstre les fondemens, & moyens par lesquels ils doibuent estre obtenus.

Et afin que tu m'entendes encor mieulx, je dis pour la seconde fois, qu'au dressement des Compagnies a cheual, on n'a pris garde au fondement sur lequel chascun de ces parties se repose : a scavoir le commencement, le moyen & la fin.

Ce sont les trois poincts, sur lesquels toutes les arts & sciences du monde, voyre toutes les choses créées, se fondent & arrestent.

Car venants en consideration de toutes les creatures de ce Grand Dieu, tout bon & seul sage Createur, comme aussi toutes les arts & sciences du monde : nous y trouverons aultant que de Dieu nous est concedé, leur commencement, moyen, & fin parfaictement. Le commencement & origine, le moyen par lequel elles sont conduittes & soutenues, & la fin ou cause finale de leur estre.

Chose qui n'a besoing de plus ample ou plus longue declaracion. Or de ce dont nous pretendons discourrir, on a bien remarqué & trouué le commencement de ceste noble milice : on en a aussi bien recherché & trouué la fin & vtilité : mais quand au moyen, par lequel elle est soutenue & conduite a sa fin, qui est le principal en routes choses ; Il n'y a eu personne qui iusques a present en ait fait quelque mention. De sorte que comme toutes les aultres choses, combien que fondees, ne peuvent paruenir a leur fin desirée par faulte de ce point : ainsi ne peult on auoir trop bon espoir en ceste, de laquelle nous parlons.

Et considere en toy mesme : Ayant le bon commencement d'une chose bonne, & la pretendant conduire a vne bonne & heureuse fin ; il fault necessairement que tu penses aussi aux bons moyens, par lesquels elle y puisse paruenir : & sans ces bons moyens, mesmes les choses tresbonnes, n'atteindront leur fin desirée.

Ainsi en est il aussi de nostre Cavallerie, & de toutes ses parties, descrites en la premiere partie de ce second liure. Le commencement est bon, la fin pretendue vtile : mais la recherche des moyens, par lesquels des son commencement elle seroit conduite a l'utilité de sa fin, est iusques a maintenant embrouillée de plusieurs & grands erreurs. Et d'aultant que les moyens pretendus ne sont trop bons & parfaits : on n'a peu paruenir a la fin bonne & parfaicte.

Et de la est reussi, qu'en ceste milice le commencement, qui est bon &

parfaict, a esté tiré en doubte des plus grans & experimentez personnages : & comme il aduient souuent, que la bonne fin, ne se montrant, ou pretend aussi reietter le commencement : ainsi y en a il eu, qui n'ont trop fauorablement prononcé de ceste milice. Mais la faulte n'a esté qu'en l'ignorance des dits moyens, par lesquels on la pouuoit & debuoit soustenir & conduire, comme auons dit, a sa bonne fin.

Pour meilleure intelligence je te proposeray icy vn exemple, pris non des aultres arts & sciences, mais de celle dont nous discourrons a présent.

La lance est trouuée d'un bon commencement, & a bon droit est estimé bon & parfaict: la fin pour laquelle elle est inventée est aussi bonne & vtile en son lieu. Mais quant au moyen, par lequel elle debuoit estre conduite des le commencement, jusques a la fin pretendue, n'estant bon & parfaict; le commencement aussi est non seulement tiré, comme auons dit, en doubte, mais a aussi esté du tout reiettée & abandonnée comme vne inuention plus laborieuse qu'vtile.

Voyre comme on a procedé de ceste partie tant noble, qui est la lance, comme vn membre des principaulx de la milice, ainsi en a on aussi fait des aultres parties voyre de toute l'art militaire.

Mais afin de venir a nostre propos, nous monstrerons, aultant que faire se peult, les dits moyens, par lesquels elle doit estre soustenue & gouvernée, en sorte qu'elle soit conduite a la perfection de sa fin desitée.

Les commencements doncques de ces parties de la Cauallerie, ont esté de bonne & industrieuse inuencion, tendante aussi a vne bonne fin: mais les moyens par lesquels elle y doit estre conduite, sont de deux sortes.

I. Particuliers.

II. Communs.

Les moyens particuliers sont l'adresse, institution & science de chascun Cheuallier ou membre du corps, en son particulier.

Les moyens communs sont les Compagnies bien armées, bien disciplinees & bien gouvernees: qui s'estendent sur tous regiments & esquadrons du corps entier.

De ces deux sortes des moyens il y a plus de cent ans en ça, qu'on n'en a fait aulcune mention fondamentale, soit en parolles, ou escripts, ou en pratiques.

Le commencement a bien esté trouué bon: la fin estimée bonne & parfaite: mais on n'y a peu paruenir. Pourquoi? Les moyens n'ont esté ni bons, ni parfaits.

Car regarde, je te prie, comment la Cauallerie a esté conduite jusques a présent? en quels desordres elle a esté gouvernée? Pour le deduire, certes il y faudroit vn traitté entier.

Et de fait, quel meslange & confusion, sans aulcun respect ne de qualité ne de quantité, se voit au maniement d'icelle.

Regarde

Regarde si a gran peine tu trouueras vne seule Compagnie entre toute la Cauallerie , en laquelle tu me pourrois monstrier vne consideration fondamentale, de sa qualité, de ses effects, de son debuoir, de ce qu'elle peult faire ou endurer: l'vn pesant la qualité, l'autre la quantité. Car quant a la qualité, tu n'en trouueras pas vne qui des fondaments soit telle, qu'elle debuioit estre: & ainsi en est il aussi de la quantité.

Quant a la qualité, chascune compagnie, esquadron & Regiment doit en commun, & en particulier estre tellement condicionnee, gouuernee & maniee, quelle puisse prester a suffisance tout ce qui est de son debuoir, & qu'on attend d'elle. Quant a la quantité, on n'en doit demander plus de seruice & d'effect, de ce qu'elle peult donner: avec bonne & meure consideration qu'il n'y ayt partie aucune qui soit ou trop chargée, ou trop espargnee, que sa qualité & quantité demande ou requiert.

Et ces condicions n'estants bien & deüement remarquees, gouuernees & dextrement maniees en noz Caualleries, il n'est merueille si ces moyens mis a nonchalloit, on n'est paruenü a la fin qu'on pretendoit.

Et fois aduertü qu'en la conduite & maniemment de la Cauallerie, il y fault plus grande diligence & prudence qu'en l'Infanterie: car ce n'est pas tout vn: (comme sans mon aduertissement tu le peulx entendre) comme aussi on attend plus d'un soldat a cheual, que d'un infant: & cestuicy requiert l'experience & science de manier ses armes: mais l'autre y adioint le gouuernement de son cheual, par la force duquel il obtient la pluspart de ses effects.

En la leuee de l'Infanterie & son gouuernement tu peulx augmenter les compagnies & enseignes, ou diminuer comme il te plaist: Ce qui ne se peult faire aucunement de la Cauallerie.

Chose qui toutesfois, comme vn moyen tresconuenable, bon & parfait, n'a esté trop bien obserué; les compagnies estants dressees sans aucune consideration de la qualité ou quantité requise.

La consideration de la qualité demande, que chascune compagnie a part soy, soit tellement condicionnée, qu'elle ne soit ni trop forte, ni trop foible, desquelles l'une peche en default, l'autre en excès: extremitez communes & dommageables a tous bon succès.

La consideration de la quantité n'estant obseruée, a bien affoibly la Cauallerie en toutes ses parties: car on ne l'a laissée & ses termes, de ce quelle pouuoit prester: mais on luy a imposé beaucoup dauantage: & ce souuent avec telle confusion, que la plus part, mesmes les plus experimentez n'ont pris garde a ce qui estoit de leur debuoir, & ce qu'ils pouuoient effectuer, de sorte qu'ordinairement vn a pris l'un pour l'autre: comme si on venoit vers vn tailleur, luy demandant vn pair de souliers, mais en vain.

Car combien que le tailleur scait comment le soulier est fait, si est ce qu'on l'en tourmente en vain: n'ayant appris le mestier de cordouannier.

De mesme est souuent aduenu a la Cauallerie, qu'on a demandé d'elle ce qu'elle pouuoit bien entendre: mais luy estoit impossible de le mettre en effect.

Orafin qu'avec bonne consideration de la qualité & quantité chascune partie de la Cauallerie dresse ses compagnies, en sorte que le moyen conuenable, bon & parfait, qui conduit a bonne & heureuse fin soit obserué, nous montrerons brefuement ce que chascune d'icelles en doit obseruer & remarquer.

Le Seig: Basta a eu bonne cognoissance du commencement & de la fin de la lance, partie principale de la Cauallerie: & par l'exercice de quarante ans, en a peu recueillir vne suffisante intelligence: mais il s'emble qu'il ne s'est trop enquis des moyens pour y paruenir.

Le commencement & origine de son inuention est procedé de ce qu'on s'enqueroit, comment on pourroit percer & rompre vn grand & puissant esquadron soit de Cauallerie ou d'Infanterie, comme fait necessaire pour la victoire avec quelque petit effort. A cest effect la lance est trouuee propre. Le commencement en est bon. Sur quoy on s'esté enquis par quels moyens on pourroit paruenir a ce bon effect: Chascun en dit son aduis, & en est cestuy ci d'une, cestuy la d'autre opinion, chascun suit sa fantasie, & entre tant tous perdent le vray chemin.

Et de foy, voy la confusion & desordre desquels les compagnies des lanciers ont esté, je ne dis pas gouuernées, mais troubles, sans la moindre consideration de la proportion & condition, ni de la qualité ni de la quantité, contre l'ennemy, tant d'Infanterie que de Cauallerie: & principalement deuant qu'on a eüe l'inuention de la pouldre. Ils ont fait les compagnies de 100. 300. 400. & souuent dauantage, selon leurs fantasies, sans considerer que 60. ou 50. bien ordonnez & disciplinez pouuoient donner plus grand effect.

Et en cest endroict ce preux & louable Cheualier George Basta, par vne longue & quasi cōtinuelle experience a bien remarqué, que la lance pour donner son effect, de rompre & enfoncer les esquadrons ennemis ne demandoit des gros esquadrōs, qui y donnent plus tost empeschement qu'auancement, & sont plus tost dommageables que profitables: mais n'a point montré comment ou pourroit obuier a semblables default ou excess: ains les a quasi du tout reiettees. Dont suis bien esmeruillé quelles en ayent esté les raisons.

Or passons a nostre traitté, auquel je declaireray, en quel nombre il fault constituer les compagnies & esquadrons de chascune partie de la Cauallerie, en sorte que toute confusion y soit euitee.



CHAP. I.

Des Lanciers, en quel nombre s'en doibuent faire
les Compagnies.



CHASCUNE Compagnie doibt estre tellement conditionnee en tous ses poincts, qu'elle puisse donner effect a ce, pour quoy elle est ordonnee & erigee, & paruenir a sa pretention par bons, louables & conuenables moyens.

Et pour ceste cause le nombre ne sera plus grand de chascune compagnie, pour le plus que de 50. ou 64. lances: je dis pour le plus. Car son vray nombre n'est que de 40. sans les Officiers cy pres nommez.

Ces 60. 50. ou 40. feront aultant ou plus que les 200. 300. & 400. du passé.

Les Officiers de chascune Compagnie sont:

Le Chef ou Capitaine.

Le Lieutenant.

Le Port-enseigne ou Cornette.

Le Furier ou maistre des Quartiers.

Deux Corporals.

Trompettes deux avec les tambours a discretion.

La raison que je ne donne que 40. 50. ou 60. lances a vne Compagnie; affermant qu'elles feront aultant que les grandes Compagnies de 200. 300. ou 400. du passé, sont telles:

Il fault que tous me concedent, que l'experience qu'on fait iournellement est le tesmoing plus assure de tout ce que nous pretendons de maintenir.

Or ceste experience nous a monstré & assure, qu' vne Compagnie de 40. ou 50. lanciers fait aultant & plus d' effort, que du passé faisoit vne Compagnie de 2. 3. & 4. cents hommes.

Tesmoing sans plusieurs aultres grans & braves cheualliers le Seig: George Basta, qui ayant assiste enuiron 40. ans au gouuernement & maniemment de la Cauallerie, en a aussi porté les offices & charges principales, avec soing singulier de remarquer tout ce qui sur ce poinct est de plus remarquable.

Or ce bon & experimenté Cheuallier dit, que de longue experience

il a trouué que les lances ne se doibuent ordonner en grans, mais en petis esquadrons, pource qu'on voit manifestement que seulement les deux premieres files peuuent ioindre l'ennemy: & ce encor insuffisamment. De quoy il en adioust des raisons:

La premiere: a cause de la diuersité des carrieres, esquelles ils ne se peuuent tenir esgaulx.

La seconde: d'autant que les suiuaus s'entre-empeschent eulx mesmes en leur desordre: dont pour faire quelque chose, abandonnans leurs lances, desquelles ils ne se peuuent plus seruir, il fault qu'ils se iettent de l'un ou de l'autre costé.

Voyci qu'en dit le Seig: Basta, en estant acertainé par vne longue & industrieuse experience de 40. annees: que mesmes les deux files l'une suiuant l'autre se donnent de l'empeschement: dont trouue a propos & conuenable, qu'on en face des petites troupes.

Et de fait, celuy qui a, tant soit peu, d'intelligence de la milice, comprend facilement, qu'en grans esquadrons de 100. ou 200. lances, de 3. 4. 6. 8. 10. files ou dauantage, que les premiers donnans leur effect, ceulx du milieu, beaucoup moins les derniers y peuuent paruenir pour effectuer quelque chose.

Car la premiere file donnant son effect, & passant parmy l'esquadron de l'ennemy sans perte; cest assez pour vne, ou pour le plus pour deux files. Mais si la premiere default, ou est reietée ou soustenue, ou enfoncée par la resistance; les autres files ne luy peuuent donner aucun secours empeschez des cheuaux qui se iettent sur elles.

C'est l'une des raisons, par lesquelles les Compagnies ne se doibuent faire plus fortes que de 40. 50. ou 60. lances.

La seconde est, que te trouuant en bataille ou escarmouche, ou autre occurrence entre autres esquadrons de Cauallerie: te ne peulx estendre le front de ton esquadron non plus que de 20. ou 25. hommes au large: Car autrement y voulant range & ordonner plusieurs esquadrons diuers, il t'y faudroit auoir vne campagne fort large, pour retenir la bonne proportion requise en vne armee: chose qui se peult bien effectuer a telle front de 20. ou 25.

Ioint que le plus souuent on n'a telle commodité de la Campagne: ains aucunes fois on est contrainct de combattre en lieux estroicts & empeschez, de sorte qu'on ne peult auoir le front que de 4. 5. 6. 8. ou 10. pour le plus: & alors certes les grans esquadrons, comme les experts le scauent, sont plus dommageables que profitables.

Pour le quatriesme, j'ay aussi monsté au premier liure de l'art militaire a pied, pourquoy & comment les petites compagnies de 100. ou 80. hommes peuuent faire autant que 200. ou 300. Ainsi en est il aussi de la Cauallerie, tant plus petites que sont les compagnies, tant meilleur & plus grand en sera l'effect.

Pour le cinquiesme, la mesme experience nous a monstre a l'œil, comme je

me je m'en rapporte au tesmoignage de tous bons & valeureux cheualiers & soldats: qu'il aduient souuent, qu'attaquant l'ennemi avec des grandes troupes de 200. ou 300. hommes ou dauantage, les files du milieu, & beaucoup moins les dernieres, voyre ne la moytié de la Compagnie, n'ont eu aucun effect: Et, qui pis est, voyant que le bain est trop chaud, & qu'on laue leur compagnons de trop forte lessiue, perdent courage, & commencent a chercher quelq; declin ou retraist, & ce assez aysément, par faulte qu'en ses grans esquadrons il n'y a assez d'Officiers aux flancs, pour les retenir en debuoir.

Pour le sixiesme, n'est ce aussi l'une des moindres raisons de la petitesse des Compagnies: qu'estant de 200. 300. 400. ou dauantage: on n'a eu esgard (comme on fait encor pour le presen) qu'au nombre tant des cheualx que des personnes, duquel aussi on s'est, quand vn l'y trouuoit, contenté. Dont est prouenu, qu'a grand peine, on eut trouué vn qui s'y fut présenté au seruice avec vn ou deux cheualx, & principalement la noblesse, & ceulx qui ont quelq; pouuoir, y viennent 6. 8. 10. 12. 16. & souuent 20. cheualx en vne Compagnie. Et pour dire la verité, comme je m'en rapporte a l'experience & tesmoignage de plusieurs braues guerriers, entre aultant de cheualx sous vn maistre, jusques a 20. a grand peine se trouuent deux ou trois, qui se soucient de faire le debuoir, quant il est question d'attaquer ou attendre l'ennemy. Et de fait, l'experience le conferme en campagne, bataille ou aultres lieux de meslee, on ne verra en ces grans esquadrons, que les deux ou trois premieres files de bons soldats & bien montez, le reste ne sont que seruiteurs apostez, ou vn tas de vile canaille amassée de toutes parts pour accomplir le nombre, a bien moindre solde que leurs maistres n'en recoibuent. Et de la procede ceste confusion & perte, que maint bon cheuallier est contraint d'endurer: qu'ayant en charge vne Compagnie de trois ou quatre cents cheualx, & en pretendan attaquer l'ennemy, & gagner honneur & reputation: il a senti qu'entre quatre cents il n'a eu que 50. 40. ou 30. bons soldats faisant leur debuoir; ascauoir ceulx qui sont les maistres d'aultant des cheualx: & quant a ceulx qu'ils y mettent dessus, la plus part (je ne dis pas tous) il y a peu de courage, & voyans que le potage est trop chaudement présenté a leurs maistres, ils s'en degoustent & n'en demandent pas, & ne cherchent mieulx que d'eschapper en vne honteuse fuite.

Pour le septiesme, c'est bien la principale raison de la susditte petitesse des Compagnies. Et ne me fera contredit de ceulx qui l'entendent, que cent hommes bien armez, dressez & experts feront beaucoup plus contre leur ennemy, que trois ou quatre cents mal instruits, mal disciplinez & pis gouuernez: & que la victoire s'incline tousiours deuers ceulx, qui en bon ordre & bonne discipline, & non en vne multitude confuse attaquent l'ennemy. Ce que pour monstrier par exemples, il y faudroit vn grand volume: mais sans en prendre la peine, je n'ay doubte aucune, que les bons soldats feront de mon party.

Et comment est il possible qu'un Capitaine, ayant trois ou quatre cents cheualx en charge, les puisse tous exercer & dresser comme il appartient: ayant assez affaire pour six mois entiers d'en dresser 30. ou 40. selon l'exigence


l'exigence de la necessité? & combien luy faudroit il du temps, omettant la peine, pour quatre cent? Chose qui iusques a present n'a pas esté considerée. Ains cecy est ce a quoy on a visé: que l'homme eust vn bon cheual, le corps bien couuert, le compte des troupes entier: & alors on a dit, que c'estoit vne Compagnie bien équipée & bien montée. Mais des bien exercez, bien dressez & experimentez, nulle memoyre. De sorte qu'en vne si belle Compagnie, si bien montée armée, & equipée, on trouuera bonne quantité d'asnes couverts des peaulx des lions, bien suffisans pour espouuanter les brebis, femmes, enfans, du seul regard de leurs armes, mais a veue de l'ennemy, jetteront le lion a tous les diables. De fait, on y trouuera des grandes brauades de parolles, des grandes monstres, mais de dexterité au fait de leurs armes, de bien manier leur cheual, & aultres points dont l'ennemy peult estre surmonté & abbatu: pas vn mot. Ce que je dis sans aulcun preiudice du bon soldat, amateur de l'art & discipline militaire: seulement pour ceulx qui sont entaschez de ce brouet, & dignes d'estre ainsi lauez. Je demeure doncques sur mon aduis, confirmé par tant des raisons, & asseuré par tant des tesmoignages des grands & valeureux soldats, & duit par l'experience mesme: Ascauoir qu'un bon Capitaine fera plus avec 60. bons soldats, chascun homme se presentant pour soy a cheual, sans le mellange des pages ou seruiteurs, qu'un aultre avec quatre cents: Voyre j'ose dire d'auantage, t'assurant qu'encor que si bien armez, bien mondez (non montez) a l'accoustumée, ils sont facilement & sans grand danger emportez des dits 60. Dont es parties suiuanes tu trouueras plus ample deduction.


Pour la huietiésme, combien des frais seront espargnez pour les bien mesnager ailleurs a l'auantage du Chef General, en accomplissant par cent hommes ce, a quoy on a par cy deuant appliqué quatre cents ou dauantage. Chose qui pouuoit icy estre deduite, mais je m'en reserue au cinquiesme liure de ce mien traicté.

Et concluray ainsi mes raisons sans doubte avec contentement & satisfaction du lecteur: & si en l'un ou en l'autre luy reste encor quelque scrupule, il luy sera osté ou esclaircy plus amplement en aultre endroit.

Toutes fois deuant de finir ce discours de la Noble Lance, & passer auant aux aultres parties, je debuois icy descrire les qualitez & charges des Officiers.

Mais cecy se fera mieulx en vn aultre lieu, & en general Dont m'en deportant a present, je deduiray icy ce, qui est du deuoir des soldats, tant en particulier qu'en commun, & puis adiousteray ce qui est requis de tous Officiers.





DECLARATION DE LA
FIGVRE XII.



est un pourtraict d'une Compagnie de Lanciers, avec tous ses Officiers, de 64. hommes.

Num 1. L'esquadron entier de 8. hommes en file.

Num. 2. Le Capitaine,

Num. 3. Le seruiteur luy portant la lance, avec aultres pages menans deux cheuaulx de change apres luy.

Num. 4. Les Trompetteurs.

Num. 5. Le Lieutenant.

Num. 6. La Cornette, ou Port-en-seigne.

Num. 7. Comment la file de 8. habilement repartie ils marchent a quatre en file.

Num 8. Le Capitaine avec aultres Officiers qui le suuient.

Num. 9. Celuy qui a le soing des charriots & de viandier.

Num. 10. L'Arriere garde des pages & valets, avec vne Petie ou cheual de fourrage.

G

CHAP.



CHAP. II.

De la Corrasse & quantité, ou nombre de la Compagnie.



A Compagnie des Corrasses pour estre de iuste quantité doit, pour le moins, contenir cent hommes.

D'aultant sa propriété est principalement en ce qu'est bien ioint & ferré, comme en vn grand corps & solide il entre en bataille, & son effect consiste pour la plus part au soustenir & arrester la violence ennemye.

Et de fait l'effect principal de ceste sorte de Cauallerie se montre aux batailles, escarmouches en campagne ou en guarnison, au soustien de la charge de l'ennemy, taschant de rompre, dissiper & enfoncer les ordres. Lequel soustien, & mesme la recharge, se fait en vn gran corps & solide, ou de sa fermeté & pesanteur elle arreste la violence tant d'Infanterie que de Cauallerie de l'ennemy. Or ayant en la partie precedente de ce liure descript assez au clair la qualité & propriété de la Corrasse, j'estime n'estre besoing de m'y arrester en ce lieu, & te molester par vne faide repetition des mesmes choses.

Toutesfois en voyci les Officiers.

Le Capitaine.

Le Lieutenant.


Le Port-enseigne.

Le Furier.


2 Corporals.

2 Ou trois Trompetteurs.

Declar



Cap: 2
Par: 2
figu: 13



DECLARATION DE LA
FIGVRE XIII.



EST vn pourtraict d'une Compagnie de
Corrassés de cent hommes.

Num. 1 L'Esquadron ou Compagnie entie-
re de 10. en file & en ligne.

Num. 2 Le Capitaine.

Num. 3 Les cheuaulx de change qui sont
conduits apres luy.

Num. 4 Les trompettes de la Compagnie.

Num. 5 Le Lieutenant.

Num. 6 La Cornette.


Num. 7 Comment a demies files, ascauoir a 5. ils marchent
auec leur bagage.

Num. 8 Les Officiers.

Num. 9 Les Charriots des dits Officiers.

Num. 10 Les Peties ou cheuaulx a fourrage des Corassés,
desquels chascun en doit auoir le sien.

Num. 11 L'Arriere garde qui si trouue.



CHAP. III.

Des Arquebusiers, Carrabins ou Bandeliers a Cheual, & de la quantité de leurs Compagnies.



AVANT que l'Arquebusier produit son effect en batailles, escarmouches & aultres occurrences militaires, en esquadrons larges & ouuerts a peu, & toutesfois assez fortes files : Il n'y faudroit que 50. ou 60. hommes pour le plus pour vne Compagnie, pour faire quelq; chose. De sorte que leur Compagnies ne se doibuent faire plus grandes que celles des lances.

Car en les conduisant contre l'ennemy; ce qui passera de 3. 4. 5. ou six files au plus sera inutile, & plustost dommageable que de profit.

Et la pratique monstre, que la premiere file ayant fait sa charge de l'arquebus contre l'ennemy, se retire pour faire place a la seconde, & ainsi des aultres. De sorte que si tu y as plus de 4. ou 6. files, tu en auras plus d'empeschement que d'avantage. Et voit on par ce moyen, que l'effect principal de ceste armature consiste en peu & fortes files, comme j'en feray plus ample deduite en son lieu.

La Compagnie à les Officiers suiuant.

Le Capitaine.

Le Lieutenant.

La Cornette.

Deux Corporals.

Deux trompetteurs.

L'Escruiain des monstres & aultres Officiers, desquels on se sert aussi en toutes les fortes de la Cauallerie, pouuoient aussi estre descripts icy; mais n'ayants aucun commandement sur les soldats, je ne les mets pas en ce lieu: sans toutesfois prescrire aux Capitaines, de s'en seruir ou non, en leurs Compagnies a leur plaisir, & les faire tenir bons.

Or icy me semble que j'oy les cris & contredits des ces Escruiains des monstres, m'obiestant pourquoy ils ne sont contez entre les Officiers, entre lesquels je conte toutesfois les trompetteurs, qui sont tout desarmez & n'ont quel'espee? A ceulx cy je responds, que, Dieu aydant, je demonstrey ayment comment toutes sciences, arts, pratiques, comme aussi toutes recherches & inuentions militaires tendent a l'offensive & defensiue.

Desquelles

Desquelles chascune, tant la defence, que l'offence, se fait par deux sortes de moyens.

Premierement par moyens essentiels: & puis par quelques moyens adioints ou accidentals.

Ces deux sortes sont les vrayz moyens, par lesquels, comme par cy deuant j'en ay aussi fait quelque mention; tout ce qui en l'art militaire á bon commencement peult parvenir á vne bonne fin. Comme en son lieu il será plus euidemment monstré.

De sorte qu'en l'art militaire de la Cavallerie, tout ce qu'on desire de conduire á sa fin de s'irée, y parvient par ces deux sortes des moyens, á sçavoir les essentiels, & apres par les accidentals.

Les Essentiels, quant aux commandements, offices, sont propres & appartiennent seulement á ceulx que j'ay nommez, á sçavoir Capitaines, Lieutenants &c. Ceulx cy commandent essentiellement aux soldats, premierement par leur voix, & puis par leur fait au gouvernement, au marcher, combattre, guer, sentinelles & aultres occurrences de guerre, le tout en tel ordre qu'il est requis en batailles, sieges, impressions & surprises, & á main armée de les armes conuenables.

Mais les trompeteurs sont des moyens adioints, ou accidentaux, par lesquels & aultres Officiers les soldats reçoibuent quelque commandement.

Pour meilleure intelligence de cecy: & pour nous approcher de plus pres á la chose mesme. Le Trompetteur commande par le son de sa trompette á toute la Compagnie de s'esueiller, se preparer au marcher, entrer & sortir. Il excite au combat, soit á loisir ou en haste: de se tenir prests. Il commande á homme & cheual d'artaquer subitement l'ennemy, ou luy resister constamment. Il commande & sonde la retraite. Il commande aux Compagnies esparées de se reioindre & reprédre leur rangs. En somme il á commandement non pas de petite, mais de tresgrande importance, Comme on verra en son lieu plus ample deduite.

Mais je ne trouue aucune sorte de ces commandements en ces Escrivains des monstres: & ceulx sont contrains de recognoistre ces commandements adioints ou accidentaux des trompeteurs: dont á bon droit ils sont contez & mis au rang des aultres Officiers: ayants toutesfois esgard aux personnes, & aux qualitez & quantitez des charges & offices, qu'ils administrent.

Cependant je prie les Escrivains des monstres, de ne prendre ce que je dis de male part, & comme s'il estoit dit á leur préjudice: comme aussi Mels. les Trompeteurs

ne vous enflez pas de ces louanges, car aultrement me donnerez occasion

de vous monstrer l'occasion d'abbattre vos crestes,

tout ainsi que le paon, quand il voir la laide

deformité & saleté de ses pieds,



Des Dragons.





E debuois icy faire vn chapitre particulier des Dragons: mais d'autant qu'ils font leur exploict non a cheual, mais a pied, j'en renuoye le lecteur desireux, de scauoir leur qualitez, au liure premier, au quel il trouuera ce qui est de leur exercice & dressement. Toutesfois te proposeray icy en la figure 15. vne Compagnie de Dragons avec ses Officiers marchants en campagne: dont tu verras quel est leur equipage & armature.

Et comme j'ay monstré chascune Compagnie apart en sa figure: ainsi les vois tu en la seiziesme figure a toutes les quatre sortes ensemble. Comme. Num 1.


Les Lanciers. Num 2. les Corraissiers. Num. 3. les
Arquebusiers: & Num. 4. les Dragons.


DECLA






Cap: 3
Par: 2
figu: 14





Figur: 15.
Par: 2
Cap: 3





DECLARATION DE LA FIGURE XIV.

Monstre vne Compagnie d'Arque-
busiers, & sa quantité.



VM. 1 La Compagnie ou esquadron de 64
hommes.

Num. 2 Le Capitaine.

Num. 3 Son seruiteur.

Num. 4 Les Trompetteurs.

Num. 5 Le Lieutenant.

Num. 6 La Cornette.

Num. 7 Comment elle marche en Campagne.

Num. 8 Les Officiers qui les precedent.

Num. 9 Leur bagage & arriere garde.

FIGURE XV.

Vne Compagnie de Drageons.

Num. 1 La Compagnie de 200. hommes, cent Picquiers
& cent Musquetiers, les picques de dix en file, & 10. en
rang. Au milieu les Musquetiers es deux costez, a cin-
quante en chascun, sont dix files a cinq en chascune.

Num. 2 Le Capitaine.

Num. 3 Le seruiteur portant la picque & aultres armes.

Num. 4. Aultre seruiteur avec vne partifane.

Num. 5. Vn Sergeant.

Num. 6 Le Premier tambour.

Num. 7 Le Port-enseigne.

Num. 8. Le Lieutenant avec vn tambour, qui conduit les
premiers cinquante musquetiers

Num. 9 Vn Sergeant, conduisant le reste des musquetiers.

Num.

Num. 10. Les aultres Sergeants & Officiers, comme le Capitaine des armes.

Num. 11. Comme en Compagne ils marchét en bon ordre.

Num. 12. Le bagage & arriere garde.

FIGURE XVI.

Les quatre Compagnies des quatre sortes de la Cauallerie.

Num. 1. Esquadron de Lanciers de 64. hommes.


Num. 2. Corasses de cent hommes.

Num. 3. Arquebusier a 64. en l'esquadron.

Num. 4. Drageons, 200. en esquadron.

CHAP





Cap: 3
Par: 2







Figura 16.



CHAP. IV.

Comment il fault exercer vne
Compagnie.

L n'est besoing de monstre de quelle importance il est pour le Capitaine, d'avoir sa Compagnie bien dressée & disciplinée : veu que & corps & vie, & honneur & reputacion en dependent, sans encor, selon le serment auquel il est obligé, le bien & service de son Chef General.

De fait c'est le moyen, par lequel on cognoist l'affection du Capitaine, & le bout principal qu'il s'est proposé en sa charge, savoir ou l'acquisition & auancement de son honneur & reputacion, recommandation de sa personne, avarice, & le bien & service de son chef souverain. Toutes ces effections dis je apparoiſſent en ce poinct de diligence ou negligence, en l'exercice & dressément de ceulx de sa Compagnie.

Car ces deux regles sont infallibles. Le capitaine pourſuiuant l'honneur & la reputacion, auancement & commendation de sa personne, tasche par tous moyens possibles, sur lesquels il songe nuit & iour, d'avoir sa Compagnie bien dressée & disciplinée, pour non seulement auancer le bié de son chef, mais aussi de faire selon son estat & calibre quelq; chose louable. Et tel Capitaine s'y mettant comme il appartient, ne fauldrá de paruenir au bout de ses pretencions.

Mais le Capitaine avaricieux cherchant ses commoditez propres, & ne sert que pour l'amour de sa solde, n'est guere soucieulx de sa Compagnie, pour l'exercer & dresser. Ains iour & nuit il songe sur l'accroist de sa bourse. Et en quelle reputacion on doibue avoir vn tel Capitaine, nous le monstrerons en son lieu es traittez suiuaſſants.

Afin donc que le Capitaine ayt sa Compagnie bié dressée, il exercera diligemment ses soldats es poincts suiuaſſants.

Entrant en Campagne pour se mettre sur l'exercice, il examine premierement ses soldats ou sa Cavallerie, s'ils sont bien fournis de toutes leurs armes requises, si elles sont entieres & bonnes. Il les recherche s'ils sont amateurs de l'art militaire, & de la milice:

H

Chose

Chose qui facilement se voit au gouvernement des dites armes: si elles sont bien nettes & polies. Puis il leur imprime bien l'entendement de ces termes suiuaunts, pour y obeir promptement.

Se tenir en bataille ouuerte ou serrée.

Se tenir en bataille ouuerte, se fait en quatre sortes:

I. En vne distance commune & ordinaire.

II. En vne distance duple.

III. En vne distance triple.

IV. En vne distance quadruple.

Distance commune & ordinaire se dit, quand les soldats estants a cheual, laissent quatre pas de distance a dextre & a fenestre, deuant & derriere. Côme on voit Fig. 17. Num. 1.

Distance duple, quand il y a par tout vne distance de 8. pas. Num. 2.

Distance triple quand il y a 12. pas. Num. 3

Distance quadruple, quand il y a 16. pas.

Se tenir en bataille serrée, se fait en trois manieres.

I. En rangs serrez & files ouuertes. Fig. 18. Num. 1

II. En files serrées & rangs ouuerts Num. 2

III. En rangs & files serrez ensemble. Fig. 19. Num. 1

Le Capitaine enseigne ausi ses soldats que c'est des rangs & files, comment des files on fait des rangs, & au contraire des rangs on fait les files.

Illes enseigne comment il se fault tourner.

Adextre.

A fenestre.

Adextre & fenestre.

Doubler les files a dextre & a fenestre.

Doubler les files pour la premiere, seconde, troiesme fois, ou aultant que tu voudras.

Doubler les rangs.

Serrer les rangs par deuant ou par derriere.

Serrer les rangs a dextre, a fenestre, ou a tous deux costez.

Ouurir les files par deuant ou par derriere.

Ouurir les rangs a dextre, a fenestre, ou a deux costez.

Serrer

Serrer les files & rangs ensemble.

Tourner les files a droicte ou a gauche en marchant.

Tourner les rangs a droicte ou a gauche, au marcher.

Selancer a dextre.

Se lancer a senestre.

Tous ces poincts sont declarez a suffisace au liure precedēt de l'art militaire de l'Infanterie, toutesfois j'en feray ici vn brief raccueil, r'enuoyant du reste le lecteur a ce qui y est dit.

A dextre.

Voulant que ton Esquadron ou Compagnie tourne sa face vers le costé dextre, tu vses seulement de ce mot, a dextre. Et alors il s'y tournera, comme tu vois Num. 5. Fig. 17.

A Senestre.

Quand il se doibt tourner vers la main gauche : Voy Num. 6. Fig. 17.

A dextre & senestre.

C'est quand tu veulx, que tout l'esquadron tourne sa face vers le lieu, vers lequel au parauāt il auoit tourné le dos : qui se fait en deux manieres ; l'vne partie s'y tournant par le costé dextre, & l'autre par le senestre, comme Num. 7. Fig. 7.

Doubler les files a dextre & a senestre.

Je t'en ay monstre la maniere de faire, au premier liure en l'Infanterie : & est vn poinct singulierement notable & necessaire en la Cauallerie : l'occasion s'en presētant es batailles, escarmouches, surprises, meslees, & aultres occurrences militaires : & principalement afin qu'estant en danger d'estre serre ou circonuenu de l'ennemy, tu te puisses promptement defendre : & s'il t'attaquoit trop puissamment, ta front estant trop foible pour le soustenir : tu te r'enforceras par le moyen de ce mot : Et ta Compagnie y estant bien exercée, tu en sentiras singulier auantage. L'Esquadron double se monstre Num. 8. redouble pour la seconde fois Num. 9.

Doubler les rangs a dextre ou senestre.

Cōme les files sont doubles par deuant, ainsi se doublēt & redoublēt les rāgs par les costez. Cōme on voit Nũ.1.Fig.18.

Serrer les files.

Cecy se fait en la Cauallerie, seulement par deuant, mais en l'Infanterie aussi par derriere. Comme Num.2.Fig.18.

Serrer les rangs.

Cecy se fait en deux manieres Premièrement a dextre, rauançant de ce costé. Secondement a senestre, quand tu te r'altreins de ceste part. Comme tu vois Num.3.Fig.18.

Ouurir les files.

Cecy se fait, afin que voulant attaquer l'ennemy, tu eslargis tes files aultant qu'il est de besoing, en sorte que l'une donne lieu a l'autre, pour se pouuoir retirer, ou auancer selon le besoing, ou pour se pouuoir couvrir l'une l'autre. Voy Num.4.Fig.18.

Ouurir les rangs.

C'est vne ayde singulieremēt auantageuse: quād tu veulx tourner le front de ta bataille, tu fais ouurir les rangs, afin qu'elle puisse marcher entre deux vers la queue: ainsi se fait aussi en aultres occasions. Comme tu vois Num 4.Fig.18.

Serrer les rangs.

Cecy est des propritez de corasse, de se tenir a files & rāgs ferrez en bon ordre: mais s'vse aussi aulcunes fois es aultres parties de la Cauallerie. Voy le rang serré Num.1.Fig.19.

Tourner les files a dextre ou a senestre en marchant.

Tu te seruiras de cecy en voulant detourner ta bataille, & se fait en deux manieres: a dextre ou a senestre, ou en files ou en rangs. A files, voy Num.2.Fig.19.

Tourner les rangs a droicte ou a gauche en merchant.

Com,

Côme il a esté dit des files, ainsi en fait on aussi au rangs, les faisant tourner a dextre, ou a senestre ainsi qu'il te plaist. Voy Num.3. Fig.19.

Se lancer a dextre.

Cecy t'a esté monstre au premier liure, avec instruction comment il se fait. Et est vn poinct fort vtile & notable, principalement en la Cauallerie, qui se lance souuent, quand il est question d'investir. Or cecy se fait en deux manieres: Premièrement a pied ferme, & puis en tournant: & toutes deux a dextre ou a senestre. A dextre & pied ferme: quand celuy qui est a l'extremité du costé senestre, demeurât en sa place, le reste de toute l'ordonnance, se tourne du pied droict, vers le costé gauche, comme on voit Num.4. Fig.19. Ainsi doit on aussi proceder au lancer a dextre, a pied mobile & tourné: mais alors tu ne demeures en ta place, ains teournes en la Compagne a ton plaisir.

Se lancer a senestre.

Comme tu as esté aduertuy au lancer a droict, ainsi se fault il aussi comporter icy, en faisant le contraire quant au costé qu'on prend, ascauoir que celuy qui est a l'extremité se tenant coy, tout le reste se tourne du pied gauche vers le costé droict. Comme tu voys Num.5. Fig.19.

Après auoir ainsi exercé tes soldats es poincts susdits, tu les enseigneras aussi a tirer de leurs arquebus par rangs & files: & auras principalement ce soing, ascauoir qu'ils le facent en files bien serrees & esgales, soit au pas, au trot, galop au carriere: & qu'ayant fait leur charge, ils se retirēt en carriere a dextre ou a senestre, vers la queue de leur cornette, pour se preparer a la seconde charge, sous la couuerture & chaleur des files, qui au commencement les suiuioint, mais maintenant sont deuant eulx. Et cecy, ille fault iterer & continuer iusques a ce qu'ils y soyent bien dressez, comme tu voys en vne Compagnie d'arquebusiers en la figure 20. Num.1. Est vn esquadron de Carrabins, chargeāt l'Infanterie ennemie se tenant en bataille Num.2. Icy tu repartiras ta Compagnie en quatre, chascune de 16. cheuaulx. La premiere s'auance enuiron 30. ou 40. pas deuant la seconde, & les autres, premierement au galop, puis en pleine carriere pour donner sa charge, comme Num.3. Et aussi tost qu'elle aura fait son debuoir, elle se tournera a gauche en carriere, l'un suiuant l'autre, & faisant ainsi de leur file vn rang, en leur retraitte. Et se fait en la maniere suiuiante: Ayants tous dechargez leurs arquebus, ils tournent leurs cheuaulx a senestre: Le premier ainsi precede, & les autres suiuent sa piste, chascun en son ordre, faisant ainsi vn

ainsi vn rang, qui se retire vers la queue de l'esquadron, ou des aultres files qui le suiuent en mesme ordre & distance, & se retirent en mesme sorte comme tu vois Num. 4. Et par ainsi toutes les files se font place l'une a l'autre, pour pouuoir iouer de leurs armes: comme on voit Num. 5. Et durant ceste retraite ils se preparent pour retourner a la charge en leur tour. Et cecy s'appelle vne charge par files.

Mais voulant charger l'ennemy par rangs: Tu ordonneras ton esquadron en quatre rangs, Num. 6. contre l'ennemy Num. 7. Et le voulant attaquer au flanc, tu feras semblant de vouloir passer oultre de ce costé: mais estant paruenue a l'endroit, ou tu luy veulx faire la charge, tu les feras passer en carriere, non les cheualx, mais seulement leur corps tourne vers l'ennemy, donnans feu contre luy, comme Num. 8. Ce qu'ayants fait, ils se lancent a gauche, pour faire place a ceulx qui les suiuent, se retirans aussi vers le dos de leur esquadron, comme Num. 9. Iusques a retourner a leur premier lieu, & faire leur seconde charge: Num. 10. Or comme la charge se fait par ce moyen a fenestre, ainsi se fait elle aussi a dextre, changé seulement la maniere de se lancer selon l'opportunité. Et regarde que toutes les trois sortes de Cauallerie soyent bien exercees en ces poincts, estants de tresgrande importance & pour toy & pour tes cheualx: ainsi que verras cy apres.

Tu dresseras aussi tes soldats au carracol, qui est en detour de la place ou tu te tenois, pour laisser passer la furie de l'ennemy, qui t'y pensoit charger: & se fait ou en personnes singulieres, ou en esquadrons entiers. Comme tu vois Fig. 21. Or on s'y met en la maniere suiuanté.

Estant en campagne & prest au combat: tu tiendras ta Compagnie en bon ordre & bien vnue. Et voyant que l'ennemy s'auance pour te charger, tu feras que ta Compagnie se detourne ainsi vnue qu'elle est, a dextre ou a fenestre (selon que de ton ennemy te sera donnée l'occasion) de la place ou elle se tenoit vers vn aultre costé: de sorte que l'ennemy se prenne a la place vuide. Et t'apercebuant de luy auoir donné assez de place au passage, tu te ietteras, faisant tourner ta Compagnie subitement contre le flanc d'iceluy: comme tu vois Num. 21. Fig. 21.

Num. 1. est la premiere place, ou tu attédois l'ennemy: qui te voulant charger. Num. 2. tu te retires, faisant vn carracol de ton esquadron vers la dextre. Et ayant donné lieu au passage, ton esquadron se tourne, le chargeant au costé (voy Num. 3.) Et comme tu fais le carracol a dextre, ainsi fait aussi a fenestre, comme Num. 4. Qui est la place, ou l'ennemy te pretendoit charger en carriere: mais comme tu vois Num. 5. il prend la place vuide cependant. Num. 6. tu tournes ton esquadron vers la fenestre, chargeant l'ennemy au flanc.

On fait aussi le detour d'une aultre maniere, auquel tu peuls prendre l'ennemy au deux flancs, Comme on voit en la figure adiointe. Num. 7. est le lieu auquel tu te tenois contre l'ennemy: mais aussi qu'il se prepare pour te charger, tu ouures ton esquadron, qui se separe a dextre & a fenestre, luy donnant place pour passer par le milieu: & entré qu'il est au milieu, tu le charges des deux moytiez de ton esquadron

8. 8. a tous

8.8. a tous deux costez, le ferrât entre deux. Comme tu vois
Num. 9.

Ceste maniere est la plus propre & facile, moyennant
que les soldats y soyent bien dressez.

Aussi y a il encor vne aultre sorte de carracol, qui se fait des troupes lancees a dextre
ou a fenestre. A dextre, quand l'ennemy te chargeant, tu quittes ta place comme il a esté
dit, & faisant tourner ton esquadron quelq; peu a fenestre, tu le lances derechef a dextre,
te jettant sur luy de ce costé. Comme tu vois Fig. 22. Num. 1. Est ton esquadron cara-
colant premierement a dextre, pour se detourner de l'ennemy Num. 2. puis se lançant a
dextre, & chargeant ainsi l'ennemy, en pleine carriere. Et cecy s'appelle le carracol a dex-
tre. A fenestre se fait, quand declinant de ta place vers la fenestre, l'esquadron de là se
lance vers la dextre. Num. 3. pour se jeter sur l'ennemy Num. 4. Et icy te peulx tu de-
rechef servir de la sorte monstrée en la Fig. 21. L'esquadron repartí, & puis l'une de
parties lancée a dextre l'autre a fenestre Num. 5. & 6. Sur l'ennemy Num. 7. par derriere.

De ces poincts, tes soldats y estant bien dressez & exercez, tu en auras non seulement
des grans avantages, mais aussi declineras maint grand danger. Car, comme on voit bien
clairement, quand vn esquadron de l'ennemy t'attaque en ordonnance serrée, il fait
sa charge ou en galop, ou en carriere: cependant tu ne te bouges, sinon que peu a peu tu
te detournes de ta place a dextre ou a fenestre, & luy fais puis teste au lieu auquel il ne
pensoit. Joint que tu ayant quitté ta place: il fault que l'ennemy y passe sans effect: ou se
voulant tourner vers toy, il perd la force de sa carriere, & par consequent de

sa charge, qu'il te pensoit faire, oultre la defeatte de son ordonnan-

ce: de sorte qu'il te vient ioinde en grand desordre &

confusion: & tu demeures cependant

en bon ordre, pour le recebuoir &

soustenir brauement.

DECLA



DECLARATION DES FIGVRES DV QVATRI- ESME CHAPITRE.



N la Fig. 17. tu vois comment se fait l'exercice de la Cauallerie, par l'exemple d'une Compagnie d'arquebusiers de 64. hommes,

Num. 1 Distance commune.

Num. 2 Distance duple.

Num. 3 Distance triple.

Num. 4 Tour a dextre.

Num. 5 Retour adextre.

Num. 6 Retour a fenestre.

Num. 7 Retour a dextre & a fenestre.

Num. 8 Les files doubles a dextre ou a fenestre.

Num. 9 Redoublees pour la seconde fois.

Figura 18.

Num. 1 Les rangs doublez.

Num. 2 Les files serrees.

Num. 3 Les rangs serrez.

Num. 4 Les files ouuertes.

Num. 5 Les rangs ouuerts.

Figura 19.

Num. 1 Files & rangs serrez.

Num. 2 Files tournees a dextre ou a fenestre au marcher.

Num. 3 Rangs tournez a fenestre ou a dextre au marcher.

Num. 4 Se lancer a dextre.

Num. 5 Se lancer a fenestre.

Figura

Figura 20.

Monstre comment il fault attaquer l'ennemy en files où en rangs.

- Num. 1 Est vne Compagnie de Carrabins, qui doibt combattre enuiron 200. Infants, Num. 2. en pleine campagne.
- Num. 3 La premiere file, qui enuiron a 20. ou 30. pas tire en carriere contre l'ennemy.
- Num. 4 Ayant tiré, ils font de leur file vn rang, se tournants a fenestre pour donner place aux suiuaunts.
- Num. 5 Ayants recharge leurs arquebus en carriere, se remettent a la queüe de leur esquadron.
- Num. 6 Vne Compagnie d'arquebusiers, qui en rangs prennent l'ennemy au coste.
- Num. 7 La troupe ennemie qu'il va attaquer.
- Num. 8 Le premier rang donnant feu sur l'ennemy.
- Num. 9 Le dit rang apres sa decharge se reculant & rechargeant ses arquebus.
- Num. 10 Se remet en sa premiere place.

Figura 21.

Monstre les carracols des Esquadrons en batailles & escarmouches.

- Num. 1 Est ta premiere place.
- Num. 2 Est l'ennemy qui te vient charger.
- Num. 3 Le carracol que tu fais de ta place vers le coste droict, pour de la te lancer contre le flanc de ton ennemy, en carriere.
- Num. 4 La seconde place.
- Num. 5 L'ennemy faissant sa charge.
- Num. 6 Carracol de ton esquadron vers la fenestre.
- Num. 7 La troisieme place.
- Num. 8. 8. Ta troupe diuisee, faisant place a l'ennemy pour entrer entre deux.
- Num. 9 L'attaquent de tous deux costez.

I

Figura 22.

Figura 22.

Les destours ou carracols a troupes lancees a dextre ou a fenestre.

Num.1 Ton Esquadron carracolé a dextre, puis tourné a fenestre, pour de là se lancer a dextre contre l'ennemy

Num.2.

Num.3 Ton Esquadron carracolé a fenestre, puis tourné a dextre, pour de là se lancer a fenestre sur l'ennemy

Num.4 Se lancer a dextere, & prédre l'ennemy par la queue.

Num.5 Comment se lancer a fenestre pour mesme effect.

Num.6 Comment se lancer a fenestre pour mesme effect.

Num.7 L'ennemy, qui charge par derriere d'un esquadron diuise, se veult tourner pour sa defense.

Troi-





Troisiesme partie.

DES BATAILLES, COM-
MENT LES COMPAGNI-
ES Y DOIBVENT ESTRE
ORDONNEES.

POVR faire quelque chose contre l'ennemy,
est singulierement requis, que ta Compagnie
soit bien instruite, comment elle se doit
comporter es batailles & escarmouches, de
faire ses charger, d'attaquer, percer, enfoncer,
& faire sa retraite: poincts qui importent non
seulement de ton honneurs, mais aussi desquelles depend la
vie de toy & de tes soldats.

Dont pour en auoir quelque adresse, j'en deduiray les
moyens de chascune partie de la Cauallerie, en l'ordre au-
quel nous en auons parle par cy deuant.

CHAP. I.

Ordonnance d'une Compagnie
de Lances.

POVR bien ordonner vne Compagnie de lances en bataille, preti garde
que jamais tu ne poses plus de deux files, pour attaquer; assure, que non
seulement la troisieme, quatrieme, &c. te sera plustost dommageable
que profitable: mais aussi mesme la se conde ne parvient a peine au quart
de son effect requis. Et s'il est ainsi qu'en vne bataille la se conde file fault
de la pretencion; que serace de la troisieme, quatrieme, cinquieme, comme on en a vse
I 2 iusques

iusques a present? Et qu'il soit tresueritable je t'en monstrey les raisons & espreuues.

La premiere file chargeant l'ennemy de sa lance, ne prend sa resolution de son fait, ascauoir de la presenter a l'homme ou au cheual, sinon quand elle commence sa carriere. Chose qui n'est concedée a la seconde file, la premiere luy ostant la veüe, tellement qu'elle ne peult veoyr quelle commodité ou occasion luy pourroit estre donnée, de l'homme ou du cheual, desquels ou l'un ou l'autre, selon l'instruction donnée dessus, doit estre cherché.

Pour le second, en est le choc aussi in certain, se faisant en mesme haulteur & par le flanc de la premiere, a l'adventure de toucher ou de faillir.

Pour le troisieme, les cheualx de la premiere file, la retiennent, luy rompent la vigueur de sa course: de sorte qu'elle ne peult ioindre l'ennemy avec la force requise.

Pour le quatriesme, s'il y a quelques cheualx de la premiere file blesez ou autrement tombez par terre: la seconde file aussi en est empeschée de son effect, estant contrainte de passer par dessus: chose qui ne se fait sans danger, comme on voit, pource qu'un cheual tombant, les autres s'en retirent. Et combien que tu passes, s'y pers tu toute la force de ton coup.

Pour le cinquieme, ya il aussi cest inconuenient, que la premiere file ayant rompu la lance sur l'ennemy, sans effect, de percer l'esquadrone d'ice luy, pressé de la seconde qui luy est sur le dos, ne se peult retirer ne a dextre, ne a senestre, beaucoup moins en arriere: De sorte que la seconde file bien souuent est plus dangereuse a ses compagnons, que l'ennemy mesme. Chose remarquée de plusieurs bons Capitaines.

Desquelles raisons on voit a l'oeil, comment la seconde file non seulement perd vne grande partie de son effect pretendu, mais aussi peult reussir au danger de ses compagnons: Et seroit bien le plus seur, de n'y admettre non plus qu'une seule file: Contre l'opinion de Basta, enseignant qu'il faut ordonner les lances en petits esquadrons de 25. hommes, serrez comme en un neud: en laquelle il se contredit soy mesme. Comme de fait, si on regarde les fondemens, c'est vne faulte & contradiction manifeste, selon les espreuues & raisons dessus posees: renuoyant le lecteur a la consideration des absurditez & contrarietez, auxquelles le dit Basta s'enveloppe en son traité.

Car tantost, dit il, qu'il faut ordonner les lances en petites troupes & de peu de files: voyre de non plus de deux, y adioustant les raisons & motifs assez propres & suffisantes: Tantost dit il derechef, qu'il les faut ordonner en petits esquadrons, de cinq files serrees en un neud. Ou je me rapporte au iugement du lecteur, s'il n'y a vne contradiction trop manifeste.

Mais me dira on: Ou trouuera on vne campagne assez spacieuse ou ample pour tel ordre? Car mettant 50. cheualx en vne file, tu trouueras vne grande espace empeschée: A quoy je respons, qu'il se fault tousiours regler selon la commodité du lieu, auquel on doit mettre les lances en oeuvre, & ordonner les esquadrons selon icelle: Et n'y aura lieu, auquel tu ne puisses mettre, 3. 4. 5. 6. 7. 8. 10. 11. 15. 18. 20. &c. en file, selon l'occasion se presentera de batailler: mais a condition, que tu ne serres deux files ensemble, ains y laisses la distance de 20. ou 30. pas entre deux, afin que la premiere faisant faulte, ayt place suffisante pour sa retraite. Qui est vne consideration tresnecessaire, ascauoir que la premiere file, quoy que forte & puissante, pouuant estre repoussée par l'ennemy sans paruenir au bout de son dessein, se puisse commodement retirer: & icelle retirée, la seconde chargera le mesme lieu; & puis la troisieme ou quatriesme, iusques a ce que ton effect soit accomply.

Voy sur cecy la figure 23. Num. 1. Est vn esquadrone de lances a 8. files & rangs serrez:
ou tu

ou tu verras facilement le peu d'effect s'il attaquoit l'ennemy en ceste sorte. Ce qui se cognoist mieulx Num. 2. en deux files, desquelles la seconde ne peult ioindre l'ennemy avec effect de sa lance, a cause des fautes dessus dittes. Num. 3. Est vne Compagnie de lances, qui charge l'Infanterie ennemye : ou tu peulx remarquer aussi le mesme, ascauoir que la premiere file estant repoulsée, la seconde ne peult ioindre l'ennemy, ayant, par ce qu'elle est contrainte de passer par dessus les cheuaulx de ses compagnons, les lances trop haultes. Num. 4. Comment attaquent l'ennemy en bon ordre & distance requise pour la retraitte Num. 1. La premiere file ayant fait sa charge, se retire en carriere, pour se re ioindre a la queue de son esquadron.

I 3

CHAP.





CHAP. II.



'Ay montré es discours precedens , que c'est de la propriété de la lance de combattre en petits esquadrons , & dy produire ses effets.

Or afin que tu entendes mieulx ce que je ueulx dire , & voyes comme en vne experience , que par semblables esquadron ceaulx , assiste toutesfois tant de leurs Officiers , que du reste de la Cōpagnie en la maniere susditte , encor quelle ne soit que de 40. restes , tu feras tout aultant , & plus de ce que du passé , & encor de present on feroit avec 300. ou 400. Le te monstrey (chose qui de plusieurs n'a peu estre remarquée) comment avec vne Compagnie , ou plusieurs tu te defendras de ton ennemy , qui t'est esgal ou qui te deuance en forces.

Et pour ce faire , il te fault auoir esgard a ces poincts suiuaus.

Premierement si tu as affaire a des lances seules , ou bien s'il y a de la Cauallerie & Infanterie ; ioincts ches l'ennemy.

Secondement , en quelle maniere tu doibs ordonner ta bataille ; avec aultres sortes de Cauallerie & Infanterie iointe.

Tiercement , si ton combat est offensif ou defensif : ou si tu vas cherchant l'ennemy , ou bien si l'ennemy te cherche : car en chascun endroit il y fault vne maniere particuliere de bataille.

Si ton ordonnance est defenfive contre aultres lances , qui re sont ou pareilles , ou te surpassent en force : Lors tu y as deux moyens ou manieres de te ranger.

L'vne en ordonnance ouuerte.

L'autre en ordonnance serrée.

La defēce en ordonnance ouuerte se fait , quand bien resolu tu recontres l'ennemy avec petits esquadrons repartis , en pleine carriere : Comme tu en vois deux exemples. Num. 1. Fig 28. & 24. Avec vne Compagnie : & Num. 2. Fig. 24. Avec plusieurs Compagnies.

La defēce en ordonnance serrée , a deux poincts a remarquer.

- I. Si tu peulx estre attaqué en rond ou de toutes parts.
- II. S'il y a quelq; petit auantage , dont tu te puisses seruir.

Craignant

Craignant d'estre chargé en rond ou de toutes parts : lors tu te mettras en bataille ronde ou quarrée, dos contre dos comme tu vois Fig. 24. Num. 3. avec vne Compagnie seule, & Num. 4. avec quatre Compagnies.

Mais si tu n'es en ce danger, tu te renforceras le plus de la part dont tu attens d'estre attaqué.

Si tu es en point de defendre resoluement en ordonnance ouuerte: tu regarderas deuant toutes choses si ton cheual est reposé & bastant, ou s'il est encor las du voyage, dont tu prendras auis de le faire, ou de t'en deporter.

Car si tu estois artaqué, ton cheual estant las & maltraitté: il ne te feroit aucunement a conseiller de te defendre en ordonnance ouuerte, ains bien ferrée: Et y a grande difference de se defendre en carriere, ou en galop, ou en carracol, & a pied ferme : cecy se faisant, quand les cheuaulx sont las & harassés; l'autre quand ils sont refraichis & reposez.

Tu te peulx aussi ayder d'une aultre defence a ordonnances serrees : a sçauoir que te ferrant dos a dos; quand l'ennemy qui aussi est des lanciers te charge, tu le recontres de tes esquadron ceaulx en carriere: comme tu vois Fig. 25. Num. 1. Ton esquadron, qui delaisant sa premiere place, se tourne caracollant en la campagne, pour sa defence contre la charge de l'ennemy, comme tu vois Num. 2. de la ditte figure.

Aye bon esgard que tes esquadrons ne soyent ordonnez l'un derriere l'autre: ains en telle sorte, qu'il y ait tousiour assez de distance entre ceulx de deuant, que ceulx de derriere y puissent passer entre deux: De quoy nous parlerons encor en la quatriesme partie. & se voit Fig. 24. Num. 2.

CHAP.





CHAP. III.



I d'une Compagnie de 60. Lances, tu veulx attaquer vne troupe de 100. Corraffes ou dauantage, tu ordonneras pour les rompre & enfoncer ta bataille en la maniere suiuate. Reparty tes lances en huit parties, comme Fig. 26. Num. 1. desquelles tu ras trouuer les Corraffes vnies & serrées en vn corps: Comme tu vois Num. 2.


Charge d'une file de tes lances le costé droict, de l'autre le gauche, de la troisieme la queue des dittes Corraffes: qui estant ainsi attaquées de ces trois costez, seront contraintes de se mettre en defence: & pour ce faire il leur sera force de dissouldre eulx mesmes, non sans ton grand auantage leur bonne ordonnance.

Car elles se tournent vers les costez assaillis, voila desia, deuant de leur faire aucune force leur corps desuni. Or ayant ainsi enuoyé les dittes trois files a chercher ou essayer l'auenure de leur effect, & y voyant, peult estre l'une ou toutes trois qui non vient a bout, ou aux flancs ou a la queue, tu y enuoyeras, icelle s'estant retirée, trois autres fraisches des cinq que tu auois en reserué, contre les mesmes en droict, esquels le commencement est desia fait, & sera la defaite sans aucune doubte plus facile. Et de fait les chargeant ainsi de tous costez, tu ne peulx faillir de les enfoncer, ou pour le moins de rompre leurs ordres, soit qu'elles résistent, ou non. Car si elles ne font resistance, la nature mesme le monstre qu'il fault qu'elles ployent: & si elles se mettent sur la defence, elles se desfont d'elles mesmes, en se tournant & mouuant vers les costez assaillis.


Or a cecy on pourroit repliquer: Estant attaqué en ceste forte, on pourroit serrer les corraffes en vne ordonnance ronde, dos cōtre dos, de sorte que de quelconque costé qu'on les voulust charger, elles monstraissent vne front. Mais j'y respons: que te voyant serré en vne telle ordonnance ronde, tu ne serois chargé ainsi de tous costez: ains d'un flanc, auquel certes alors tu te trouuerois trop debile pour tenir bon, & serois aussi facilement defait.


Tu vois donc quelle est l'operation de la lance: & comment avec la moytié des gens, tu peulx attaquer, enfoncer, & emporter les corraffes: chose de laquelle les Corraffes ne se peuent aucunement louer sur les lances.

Estant d'autre part contraint de combatre ou te defendre des Corraffes, tu prendras garde a ces deux poincts.






Figur 17.
Par. 2.
Cap. 4.












Figü: 18.
 Par: 2.
 Cap: 4.













Figur: 20
Cap: 4.
Par: 2.











Fig. 22
Par. 2
Cap. 4.



Si elles te viennent attaquer en troupes petites & reparties: ou te chargent en vn grand corps & solide.

Les voyant en un corps serré, tu ordonneras tes lances en six ou huit files, comme nous auons monsté par cy deuant: & ce en telle sorte, que ta Compagnie demeure partie en deux, comme tu vois Fig. 26. Num. 3. Quand doncques elles te viennent charger, regarde que tu ne les attendes a pied ferme, ains ouure tellement les ordonnances de ta Compagnie, que delaisant ta premiere place a dextre & a fenestre a 50. ou 60. pas: & lors verras ton grand auantage. Car les Corraffes te voyants ainsi reparty, ou desisteront, quittant l'entreprise, ou bien se ietteront sur l'une de tes moyties: Et ne crain point qu'elles seront toutes deux attaquées. Car pour ce faire il se faudroit aussi diuiser, qui seroit desia plus que la moytié de leur desfaicte, & chascune de les moyties, sera bastante pour soustenir, voyre reietter les dittes corraffes. Et si elles se iettent contre l'une de tes moyties, comme il est dit: elles trouueront la resistance d'icelle au costé: & cependant qu'elles sont en besogne, elles se trouueront de l'autre moytié battues en queue: & par ainsi desfaictes sans grand labeur.

Et voulant resister aussi a ceste moytié, vers laquelle il fault aussi qu'elles se tournent, tu y verras la grande confusion & desordre, auquel elles se mettent a ton grand auantage.

Lequel auantage, si tu le consideres pour t'en servir dextre & promptement, te sera l'occasion principale de victoire: laquelle aussi sera tresfacile, parce que la corraffe est contrainte de faire son effect au trot, ou au galop: la ou tes lances accompagnées de la bonté des cheualx, se peuuent tourner legierement & en carriere, pour faire tout ce qu'elles desirent.

Mais si les corraffes te viennent attaquer & petites troupes & reparties: tu repartiras aussi les tiennes, comme dessus, en 6. ou 8. esquadron ceaulx, & leur feras teste: ayant bonne memoire des aduertissements suiuiants:

Que voulant resister a chascun trouppette des corraffes, tu ne leur presentes iamais la front directement; ains lançant tes esquadron ceaulx ou a dextre ou a fenestre, pren les par les flancs, les serrant de si pres, qu'elles n'ayent la commodité d'une course droicte on galop sur toy, ains te poursuient d'une ordonnance aussi lancée: qui est vn moyen asseuré de les dissiper & surmonter.

Tu vois aussi en ce poinct la prattique de ce que je t'ay enseigné dessus, ascauoir que par tes petits esquadron ceaulx tu peulx attaquer, ayant la campagne assez spacieuse, toutes les troupes ennemies a demies files, comme Fig. 27. Num. 1. tu vois 64. Lances, Num. 2. contre 100. Corraffes.

Il y a encor vn autre moyen d'attaquer les Corraffes, ascauoir ordonnant tes lances en 8 files, comme Fig. 28. Num. 1. Et en chargeant l'ennemy de tous costez ou comme en rond, ou en octogone, comme Num. 2.

K**DECLA-**



DECLARATION DES FIGVRES SVIVANTES.

Figura 23.



VM.I. Comment les lances par cy deuant se
souloint ordonner, mais mal, & avec plus
de danger que d'avantage.

Num.2. Comment la seconde file des lances
jointe & serrée a la premiere, peut faire
quelq; effect.

Num.3. Comment les lances chargeant l'ennemy en ordon-
nance serre; la premiere file repoussée, les suivantes ont les
lances trop haultes pour endommager l'ennemy.

Num.4. Cōment les lances attaquent l'ennemy en ordon-
nance ouuerte, en laquelle la premiere file ayant faict son
exploict, fait place aux suivantes avec vne bonne retraicte.

Num.5. La premiere file ayant failly de son effect, se peult
aisement retirer.

Figura 24.

Num.1. Comment vne Compagnie des lances se doit te-
nir en bonne distance a l'offensive.


Num.2. Comment 4. Compagnies doibuent estre ordon-
nees a l'offensive.

Num.3. Comment vne seule Compagnie s'ordonne a la
defensive.

Num.4. Comment 4. Compagnies sont bien ordonnees a
la defence.

Figura 25.

Num.1. Quatre Compagnies des lances ordonnees a la de-
fensive,













Figura: 23.
Part: 3.
Cap 1.













Figura: 25
Cap: 2.
Par: 3.












Figura. 26
Cap. 3.
Par. 3.





Figur 27.
Cap: 3.
Par: 3.







Fig: 28
Cap: 3
Par: 3



fenſive , ſont chargees de quatre aultres Compagnies
Num.2 Mais en la récontre, quittant la deſenſive, s'oppo-
ſent a l'ennemy en l'offenſive.

Figura 26.

Num. 1 Vne Compagnie de Corraſſes, ſe tenant en ordon-
nance ferrée.

Num.2 Vne Comp. de 64. Lances diuiſée en 8. eſquadron-
ceaulx , qui chargen les corraſſes aux flancs & en que-
üe.

Num.3 Trois aultres files de la reſerue , qui font la recharge
des precedentes.

Num.4 Sont les trois premieres files , qui ayant failly de
leur effect, ſe retirent.

Figura 27.

Nũ.1 Vne Comp. de 46. Lances ordonnées en eſquadrõ ce-
ceaulx, deſquels chaſcũ rencõtre les corraſſes demies files.

Num.2 Vne Comp. de 100. Corraſſes combatant auſſi en
petits eſquadrons a l'offenſive.

Num.3 La premiere place des lances.

Num 4 La premiere place des Corraſſes, en bataille.

Figura 28.

Num.1. Vne Comp. de 64. Lances en 8. files.

Num 2. Vne Comp. de 100. Corraſſes, ſe tenant ſerrees en
vn corps ſolide.

Num.3. La Comp. des lances, chargeant les Corraſſes de
tous coſtez.



CHAP. IV.

Comment vne Compagnie des Corraffes
est ordonnée en bataille.



N l'ordonnance d'une Compagnie des Corraffes, tu auras oultre la bonne & parfaite cognoissance de sa qualité & quantité, esgarda ces trois poincts.

Pour le premier : Si ton ennemy est tellement condicionné, que tu ayes occasion de l'attendre le front seulement, ou aussi es autres costez.

Pour le second : si tu as affaire a Cauallerie ou Infanterie seule, ou si tous deux sont ioints ensemble.

Pour le troisieme: Si la bataille se liure en campagne large ou estroicte.

Lesques trois poincts, n'estants diligemment considerez, il y aura peu de profit des Corraffes. Car aultre est l'ordonnance, quand on attend l'ennemy en front: aultre est elle quand on l'attend de tous costez: & aultre est l'ordonnance contre Cauallerie ou Infanterie seule: aultre est elle aussi contre Cauallerie & Infanterie ensemble. Et en toutes ces ordonnances fault il aussi prendre garde, si on se doit mettre a l'offensue ou a la defensue.

Or ordonnant vne Compagnie des Corraffes defensue, seulement en front, il te fault scauoir, que comme j'ay dit, la remarque de la quantité & qualité de toutes sortes de Cauallerie y est grandement necessaire, comme sans laquelle on ne peult attendre bonne issue des Corraffes. Et quand a la Corraffe, cecy en est la qualité, ascauoir qu'elle se tient tousiours vnue & serrée en vn corps solide, comme aussi en tel corps elle produit son effect, sans trop grand mouuement. Et ainsi est vne Compagnie de cent Corraffes ordonnée en bataille defensue, en trois diuerses manieres.

- I. En vne ordonnance quarrée comme Nũ.1. Fig. 29
- II. En vne ordonnance large. comme Num. 2.
- III. En vne ordonnance estroicte. comme Num. 3.

En ces ordonnances, comme aussi en toutes aultres tant de Cauallerie qu'infanterie, il fault considerer la racine & commencement ou fondement d'icelles, qui est la quarré, dont toutes les aultres sont produites facilement & sans grande alteration, moyennant qu'il y ait de la dexterité, qui prouient d'un diligent exercice; sans lequel on ne produira rien

ira rien de bon, tant en toutes aultres sciences, qu'en l'art militaire, & principalement ceste cy, de bien ordonner les batailles, comme tu vois Fig. 29. en laquelle Num. 1. est vne batallie quarrée, de 10. a 10. en file & rang: de sorte qu'elle est de tous costez esgale.

Si donc tu veux renforcer ta front au double, a scauoir de vingt, tu ne fais que doubler les files a dextre ou a senestre; qui se fait sans grand labour, & comme en vn moment, comme on voit Num. 2.

Si tu veux auoir la front estroicte: tu feras redoubler les rangs, & tu l'auras amoindrie de la moytié, comme Num. 3.

Des ces trois sortes d'ordonnances se sert on, quand on attend l'ennemy seulement de front.

Mais si tu attens l'ennemy en front & en queue; ou de toutes parts: alors il te fault ordonner ta bataille, en sorte que tu puisses subitement soustenir & empescher tous ses efforts.

Pour donc ordonner vne bataille d'une Compagnie de Corraffes en telle occurrence, tu te comporteras en la maniere suiuant: de ferrer bien ton esquadron, dos contre dos, en vn corps ferme & solide, comme tu vois Fig. 29. Num. 4.

Ceste ordonnance ne se fait en quarré, mais au rond, auquel tu te peulx miculx defendre contre les charges qui se feront de tous costez.

Ces modelles d'ordonnances sont defensives. Mais si tu veulx mettre les Corraffes en oeuvre a l'offensive: alors tu repartiras ta Compagnie en deux, trois ou plusieurs troupes, selon qu'il te plaira, comme Num. 5. Ou en deux, comme Num. 6. ou en dix petites troupes.

Et si tu t'en veulx seruir tant a l'offensive, qu'a la defensive contre aultres Corraffes, alors tu repartiras la moytié de ta Compagnie pour la defensive, & l'autre moytié pour l'offensive: comme Fig. 30. Num. 1. qui sont cinq Comp. de Corraffes, qui doibuent combatre, avec cinq aultres Comp. de mesme. Num. 2. Num. 3. dont L'offensive est de tous deux costez Num. 4. Et la defensive aussi de mesme, & Num. 5. Ils font leurs charges.

En l'ordonnance de telle bataille, pren garde que les aultres deux Compagnies de reserve te puissent promptement secourir, non seulement a la defensive, mais aussi a l'offensive. Et pour cest effect, tu prendras de chascun esquadron l'une file apres l'autre, les poulsant ou auançant au combat là ou bon te semble, ou le besoing le requiert.

CHAP. V.

Des Arquebusiers & Dragons.




VANT a l'ordonnance des arquebusiers, nous l'auons, a mon aduis, assez montrée aux discours precedents, avec les exemples & figures: comment ils sont mis en œuvre, & que leur qualité principale consiste en l'offensive. Aquoy nous adiouterons seulement cecy, ascaoir, qu'il ne les fault point ordonner en grans corps & ferrez: ains a files & rangs bien ouuerts: & en compagnies diuisees, soit en grans ou petits esquadrons. Voy sur cecy Fig. 31. Num. 1. En laquelle je propose trois Compagnies d'arquebusiers, voulants attaquer trois Compagnies ennemyes, de mesme Num. 2. En laquelle observe les ordonnances de tous deux costez: & qu'il ayt assez de place, pour pouoir sans aucun empeschement poulsier les esquadrons, par les flancs de ceulx qui precedent, au combat par les flancs de ceulx qui sont en l'auangarde ou en front: & apres auoir fait leur charge, se retirer sans desordre ou confusion, pour retourner a quelq; nouuelle entreprise: comme tu vois Num. 3.

Quant aux Dragons: d'autant qu'ils font leur exploit a pied & non a cheual, j'en renuoyeray le lecteur au premier liure de l'instruction de l'infanterie: ou il trouuera ce qu'ils peuuent faire, & comment il les fault mettre en œuvre. Mais d'autant, que combien ils sont a cheual, ne sont toutesfois leur œuvre sinon a pied: on peult demander, qu'est ce qu'ils font cependant de leurs cheualx? A quoy je respons, qu'en son lieu, ien ay parlé a suffisance: ascaoir, que quand on les veult mettre, avec aultre Caualerie en œuvre, qu'ils mettent promptement le pied a terre, laissant leurs cheualx en files accouplés par les brides comme Fig. 32. Num. 1. En la garde de celuy qui en a la charge pour tous. Et estants ainsi a pied, chascun se mer gaillardement en debuoir avec ses armes, selon que l'opportunité se presente, & que l'entreprise le requiert, tant pour l'offensive que la defensiue: se trouuants propres pour tous deux, ascaoir l'arquebusier pour l'offensive, & le picquier pour la defensiue. Voy Fig. 32.

Num. 2. deux Compagnies de Dragons, comment elles sont poulsées au combat. L'une Num. 3. L'autre

Num. 4. en son ordonnance. Et Num.

4. le combat.










Fig: 29
Cap: 4.
Par: 3.









Cap. 4
Par. 3

Figu. 30










Fig. 31
Cap. 3
Par 3.









Fig. 32.
Cap. 5.
Par. 3.



DECLARATION
DE QUELQUES
FIGURES.

Figura. 29.



NE Compagnie de cent corraffes.

Num. 1 Ordonnance quarrée de dix a dix en file & en rang.

Num. 2 Ordonnance large & estendue a files doublées.

Num. 3 Ordonnance estroicte ou longue a demies files.

Num. 4 Ordonnance ronde : a dos contre dos, defensiue pour tous costez.

Num. 5 Les cent corraffes reparties en dix petites troupes, moytié offensiue & moytié defensiue.

Figura 30.

Num. 1 Cinq compagnies de corraffes contre.

Num. 2 Aultres cinq en combat, tant a l'offensiue qu'a la defensiue.

Num. 3 Est l'offensiue. } de tous deux costez.

Num. 4 La defensiue. }

Num. 5 Comment elles se chargent l'une l'autre.

Figura 31.

Num. 1 Compagnies d'arquebusiers ordonnez en bataille contre.

Num. 2 Aultres trois compagnies de mesme.

Num. 3.

Num. 3 Comment elles s'inauestent a plus de la moytié, ou a cinq files remettant le reste pour la reserue, pour secourir ceulx qu'on verra ployer.

Figura 32.

Num. 1 Deux Compagnies de Drageons de tous deux costez, lesquelles ayant mis promptement le pied a terre, & laissé leurs cheuaulx accouplez par les brides, s'apprestent pour iouer de leurs armes.

Num. 2 Comment elles sont ordonnees de l'un costé.

Num. 3 L'ordonnance de l'autre costé.

Num. 4 Comment elles entrent en combat.

QV.A.



Quatriesme partie.

BATAILLE DES QVA-
TRE SORTES DE LA
CAVALLERIE.

La esté monstre en la partie precedente, com-
mēt chascune forte & Compagnie doibt estre
ordonnée a part soy. Voyons maintenant les
quatre sortes ensemble, quelle est leur ordon-
nance, & comment elles sont mises en œuvre.

CHAP. I.

DE VANT d'entrer en ce discours des quatre sortes de la Cavallerie,
je debuois parler de ce qui est requis en toutes batailles, & toutes
les particulieritez qui y doibuent estre notées : Mais ayant reserué
ceste matiere pour le troisieme liure, auquel, Dieu aydant, elle sera
traictée selon l'exigence, priant le lecteur de l'attendre en patience:
je diray seulement en ce lieu comment plusieurs esquadrons de
diuerfes sortes doibuent estre ordonnez en vne bataille.

Saches donques qu'en l'ordonnance d'une bataille consistante de la
Cavallerie seule, il te fault remarquer principalement deux poincts:

Le premier, que tu saches dōner le lieu propre a chascune,
pour effectuer en sa quantité, ce qui de sa qualité est requis.

Le second, que tu ayes la science de si dextrement dispo-
ser les Compagnies, que chascune, sans empescher l'autre,
puisse paruenir a son bout desiré.

Quant au premier: Cest pour dire le vray vn poinct de tresgrande importance, & au-
quel on voit la dexterité & bon iugement d'un Chef de guerre, soit General, Capitaine
ou aultre Commandeur & Officier. Et pour en discourrir & le declarer a suffisance, ou
monstrer les grandes & dangereuses fautes de plusieurs grans Cheualiers & Capitaines,
procedees ou de l'ignorance ou nonchailance d'iceluy: il y faudroit certes vn grand vo-
lume. De fait, c'est le premier & principal moyen pour paruenir a la fin desirée de tou-
tes tes entreprises militaires.

L

Et y cognoist

Et y cognoist on, comme j'ay dit, le jugemēt, la prudence & science d'un Chef & Capitaine faisant professe de quelque, soit de grand ou petit, commandemēt sur la Cauallerie: entendant la qualité & quantité de chascune sorte d'icelle, & en quoy cecy consiste.

Mais quelle nonchalance s'y trouue souuentefois, de donnera chascune sorte sa place propre en bataille? mesme aussi de tels qui font profession des plus experts & entendus, pour passer sous silence les nouices, qui sans aucune experience & merite seulement par faueur sont auancez aux charges principales, avec grand danger de ceulx qui leur sont commis: j'auoy certes assez d'occasion, de me complaindre, ou pour le moins de raconter les faultes, desordres, inconueniens & dangers qui en resultent: mais d'autant que c'est la matiere propre du troiesme & cinquiesme liure, jem'y reserueray pour en parler plus proprement en son lieu.

Icy nous monstrerons seulement, en toute rondeur & simplicité, le lieu propre de chascune sorte de Cauallerie en bataille, estant seule & sans Infanterie.

Et saches que d'icy depend non seulement ton honneur & reputation, mais aussi la vie & le corps tant de toy, que de ceulx qui sont sous ton commandement: Voyre qui plus est, le repos & tranquillité de ta conscience. Car ce n'est assez d'auoir un grand tiltre, grande charge pour & tirer grans auantages, & remplir ta boure: ains il en fault aussi rendre compte, & respondre a ce grand Dieu des batailles, si par ton ignorance, negligence & nonchalance, tu te fais meurtrier de tant des bons & vaillants soldats Chrestiens: Ceries les grandes faueurs, les grandeurs de ta personne & aultres semblables recommandacions ne t'y excuseront point.

Maint bon & braue soldat, bien dextre & bien experimenté, est souuent contrainct d'obeir a un chef ignorant & mal auisé (voyre aux commandemens importuns) avec danger de sa vie, sans y contredire aucunement, encor qu'il scait mieulx? Mais de cecy en son lieu, ascauoir au cinquiesme liure plus a propos.

En quelle confusion a esté leuée, conduite & gouuernée la Cauallerie, iusques a l'heure presente? Comment y a on tousiours pris l'un pour l'autre, sans aucune consideration ne de qualité ne de quantité? De la vne telle confusion & meslange, qu'il n'y a partie ou sorte de la Cauallerie qui ayt retenu son estre premier: & en est on venu iusques a cest extreme, que ne le premier, ne le dernier, ne scait ce qui est de son debuoir & a quoy il est obligé, non plus que s'il n'en auoit iamais ouy parler. Et voylà que c'est de nostre milice & discipline militaire, & principalement de ceste partie tant noble, un rustault chargé d'armes & monté a cheual, c'est assez pour la Cauallerie.

Quels aussi en sont les desordres au marcher, & combats, escarmouches, surprises, entreprises, conuoys & aultres tels actes militaires? Nul ne tient son lieu, rang ou place: ains tout a rebours: l'arquebusier sert de Corrasse, la Corrasse d'arquebusier, sans aucune consideration ou de qualité ou de quantité.

Quant au second poinct: ou voit on la correspondance des sortes & parties de la Cauallerie? ou est elle deüemēt pratiquée? tout ainsi qu'en un troupeau des brebis, ou aultres telles bestes, qu'on a de coustume de conduire par troupes: moyennant qu'on ayt un esquadron serré, c'est assez, encor qu'il n'y ayt aucun ordre ne es files ne aux rangs sans regarder s'ils sont triangles, quarres, pentagones &c. ronds, droicts, courbes, estroicts, larges, au long ou au trauiers: c'est tout un, qu'ils soyent drus & pres l'un de l'autre, ou debandez & distants: moyennant qu'ils soyent entassez, comme les hatengs, ce seront toutes bonnes batailles & bien rangees. Et quel en est le fruit? non aultre que grand danger: & mesmes en semblables batailles fainctes, on se trouue souuent en plus grand danger, que si on estoit deuant l'ennemy. Et qui en est la cause? L'ignorance & inaduerterence de ces poincts tant necessairement requis. Mais reseruons, comme auons dit, ceste matiere au cinquiesme liure.

Cependant

Cependant ne laisseray je icy de declarer les poincts susdits, requis pour l'ordonnance d'une bataille, & monstrier le lieu propre & conuenable de chascun.

Au premier (ascavoir qu'il fault scauoir donner le lieu propre a chascune des sortes de la Cauallerie, pour effectuer en sa quantité, ce qui de sa qualité est requis) il te fault remarquer deux choses:

Premierement si tu peulx faire faire la bataille a ta volonté, te trouuant en campagne assez large & spacieuse.

Secondement si ta bataille est forcée, en sorte qu'il te faille raccommoier au lieu auquel tu te trouues, soit large ou estroict.

La premiere, est volontaire & offensive.

La seconde est prouoquée, contraincte, & defensiue de la pluspart: Car elle peult aussi bien estre a la fois offensive.

En l'ordonnance d'une bataille volontaire: il te fault derochef remarquer ces choses: que tu l'ordonnes, combien qu'offensive, en telle maniere, que l'ennemy gaignant le dessus, tu la puisses sans grande alteration appliquer a la defensiue, ce qui se fait par deux moyens:

Premierement, en affermant bien ta bataille, & t'assurant bien du lieu ou de la place que tu t'as choisie: la pourvoyant, tant aux flancs qu'au milieu, de bons & forts esquadrons bien serrez, & a pied ferme.

Secondement, en l'ordonnant en sorte que tu puisses changer, l'occasion se presentant, ta premier place, par vn caracol a dextre ou a fenestre, ou de quelques esquadrons, ou de tout le corps.

En l'ordonnance d'une bataille forcée: remarque diligemment, si tu peulx estre chargé en front seul, ou en flanc, ou en queue: ou bien si on te peult assaillir de toutes parts, afin de te pouoir mettre en defense conuenable, soit en campagne ouuerte ou estroicte.

En ces deux occurrences de batailles, ou volontaire ou forcée, tu auras occasion de monstrier ta science, jugement & dexterité de satisfaire a chascune, & paruenir a ta fin pretendue.

due. Et cecy quant au premier.

Au second, (ascavoir la science de si dextrement disposer les compagnies, que chascune sans empescher l'autre, puisse paruenir a son bout desiré) tu remarqueras aussi deux choses.

Premierement, en quelle forme & sorte ta bataille, soit volontaire & offensive, ou forcée & defensiue, sera les plus commodement ordonnée.

Et pour cest effect pour la volontaire, tu te choisiras la sorte plus conuenable a ton intencion, entre ces six : La lunaire, fallée, estendue, courbée, poinctue, & my-partie ou entrelassée.

Secondement, que tes Compagnies ou esquadrons soyent tellement repartis, qu'un chascun se puisse mouuoir sans empeschement du prochain selon le bout & pretension qu'il a. Or il te fault auoir bon esgard, qu'elle ne soit ou trop ouuerte, ou trop serrée: ains que par tout il y ayt bonne proportion.

Icy deuant de passer oultre a la declaracion de ce second poinct, je te proposeray vne bataille de chascune sorte: comme tu vois Fig. 33. les six diuersitez, desquelles nous parlerons plus amplement au liure suiuant, en monstrant les proprietéz & mouuements plus en particulier.

Or en la ditte Fig. 33. tu vois de Cauallerie seule: Num. 1. Vne ordonnance lunaire. Num. 2. Vne fallée. Num. 3. Vne estendue. Num. 4. Vne courbée. Num. 5. Vne poinctue. Num. 6. Vne mypartie ou entrelassée.

Et pour t'induire a meilleure intelligence de ce que j'ay proposé, je te proposeray vne bataille volontaire de Cauallerie seule: en laquelle je te monstreray l'obseruacion & effect des deux poincts susdits.

Soyent trois Compagnies chascune de 64. lances: trois Compagnies de Corraffes, chascune de cent cheuaulx: trois Compagnies d'arquebusiers, chascune, de 64. & trois Compagnies de Drageons, chascune de cent hommes.

De ceste Cauallerie tu feras vne bataille volontaire. Or icy il est question du premier poinct, que tu donnes a chascune sorte son lieu propre, pour pouuoir effectuer en sa quantité, ce qui de sa qualité est requis.

Pour en venir a bout, & que ta bataille soit ordonnée selon ton dessein & desir: il te fault remarquer & bien diligemment considerer la qualité & quantité de chascune sorte en particulier.

Premierement, qu'elle doibt estre selon sa propiété: secondement, quels effects elle peult produire.

Et examinant chascune sorte de la Cauallerie selon ce modele, tu trouueras vn moyen tresfacile pour paruenir a ton bout pretendu a souhait. Mais il fault regarder chascune espee en particulier, & bien consulter la dessus, ascauoir si avec ces 1284. hommes, tu pourrois attaquer 4000. en campagne, sans trop danger.

I'ay dit dessus, qu'en l'ordonnance d'une bataille volontaire & offensive, il fault auoir esgard qu'on s'en puisse aussi seruir, la necessité le requerant, par la defensiue, pour resister a l'ennemy que te pourroit deuaner en forces.

Trouuant donques trois Compagnies de lances, qui sont offensive, & trois Compagnies d'arquebusiers, aussi offensifs : avec trois Compagnies de Drageons, esquelles il y a trois cents musquetiers, qui sont aussi offensifs : Et d'autre part trois cents Corraffes & aultant des picques, pour defensiues: de sorte que pour l'offensive tu auras 684. hommes, & pour la defensiue 600. testes.

Ayant donc ainsi fait ton compte: & entendant quelle est la force de chascune Compagnie, & qu'est ce qu'elle peut effectuer tant en sa quantite qu'en la qualité, tu en ordonneras ta bataille en la maniere suiuant.

Les trois Compagnies des Corraffes seront comme le pilier & base de toute la bataille, & les logeras comme tu vois Fig. 34. Num. 1. Les picques des Drageons seront reparties en sorte, que l'une Compagnie de cent, te seruent d'ailes : & la troisieme diuisee en deux seront colloquez pour reserue, aux deux costez de la queue des Corraffes. Et ainsi ces trois Compagnies des picques te serviront de defense de ta bataille.

En apres tu ordonneras le reste de ta Cauallerie offensive, entretaillee, comme tu vois Num. 3. des Lanciers. Num. 4. des arquebusiers: Num. 5. Musquetiers. Et voila trois esquadrons : lesquels sont repartis en sorte que la moytie serue d'ailes aux flancs, & le reste s'applique a l'offensive: commençant par les musquetiers, pource que leurs armes sont de portee plus lointaine.

Les dits musquetiers estant auancez ou poussez au combat, tireront file apres file, iusques a ce qu'ils verront venir

l'ennemy cōtre eulx: & lors ils se retireront soubs les picques par les flancs de la bataille, comme on voit Fig. 35 Num. 1.

Ayant ainsi attaqué l'ennemy, tu poulseras aussi tes Compagnies tant lances qu'arquebus contre luy, l'un esquadron apres l'autre, & file apres file: comme tu vois Num. 2. Fig. 35. En sorte que de la moytié de ta bataille tu trauailles le tiers de ton ennemy, iusques a la fin que tu viendras, si tu veulx, le charger de tout ton corps.

Cecy est vne bataille lunaire, offensive, en cāpagne large, de quatre mil hommes, guarnie aussi de sa defense necessaire.

Mais si par les mesmes Compagnies, tu voudrois attaquer resoluement ton ennemy en campagne, en vne ordonnance mypartie & entrelacée: alors tu l'ordonneras en la maniere suiuiante.

Tu colloqueras les Compagnies plus propres a l'offensive, ascauoir les lances & arquebus aux flancs, comme tu vois Fig. 36. Num. 1. Les Corraffes seront logées par dedans aux dits costez, comme Num. 2. Et les Drageons au milieu, comme Num. 3.

Voulant donc par ceste bataille, qui est seulement offensive, attaquer l'ennemy, tu feras que les ailes ascauoir les lanciers & arquebusiers, se lancent pour le charger aux flancs, comme Fig. 37. Num. 1 Et les Corraffes de tous deux costez rencontrēt les angles com. Num. 2. Et que les Drageons chargent le milieu ou le bataillon de l'ennemy com. Num. 3.

Te mettant donc sur la prattique de cecy avec la prudence requise, je n'ay doubte aucune qu'en brief tu verras ton ennemy en desordre & enfoncé.

Mais pour vne bataille de front & seulement defensive, tu rangeras ces mesmes Compagnies en vne ordonnance fallée. En laquelle tu doibs principalement remarquer, que la defense soit tellement rangée, que tu en puisses aussi auoir bonne defense: qui est vn auantage non seulement grand, mais aussi souuent necessaire. Cecy se fait en la maniere suiuiante.

Mets

Mets les picques de toutes trois Compagnies en la front de ta bataille : deux aux costez, & vne au milieu, comme Fig. 38. Num. 1. Aux entre-deux, colloque deux Compagnies de corraffes, comme Num. 2.

Ces cinq Compagnies feront la front: notant cependant qu'il faut laisser, entre les dittes Compagnies de front aultât d'espace, que celles qui sont derriere, puissent sortir entre deux, comme Num. 3 deux Cōpagnies de lances, & Num. 4. deux Compagnies d'arquebus, ordonnez a l'offensue. Num. 5. sont les trois Compagnies restantes, l'une d'arquebus. l'autre de lances, & la troisieme de corraffes, mises en referue pour secourir si quelq; Compagnie des aultres ployoyt, tant pour la defensue que pour l'offensue.

Des trois cens musquets, tu logeras la moytié en chascun flanc de la bataille, avec commandement de donner feu par files, comme Num. 1. Fig 39. Et estants chargez de l'ennemy ils feront leur retraicte, reculant des costez vers la queue de la bataille: ou bien, s'il te semble, les pourras recebuoir sous la chaleur des picques.

Mais si l'ennemy te forçoit par sa bataille. Num. 2. Fig. 39. & y auoit danger que la tienne & fut enfoncée, tu seras les lances & corraffes ensemble, comme Num. 3. tenant les arquebusiers & musquets pour l'escarmouche & offensue, comme Num. 4. pour enuestir l'ennemy Num. 1. de leur coups & arquebusades.

Et voyci en brief ce qui concerne l'ordonnance des batailles tant pour l'offensue que pour la defensue, comment elles sont rangees en la meilleure forme & commodité, en sorte que chascune de ses especes puisse selon sa quantite & qualite reussir a bon effect. Et pourroit on bien monstres quelques aultres manieres & sortes des batailles: mais

ce sera pour le liure troisieme, auquel,

Dieu aydant, nous en discourrons
plus amplement.

DECLA-



DECLARATION DES FIGVRES DE CE PRE- MIER CHAPITRE.

Figura 33.



IX diuerſes ſortes de batailles , de trois Comp. de Lances, trois Comp. de corraſſes, trois d'Arquebuſiers , & trois Comp. de Drageons.

Nũ.1. Eſt vne ordonnance ditte lunaire d'autant qu'elle á la forme d'une demye lune.

Num. 2 Vne ordonnance fallée , ainſi ditte de ce que les troupes, tant de front que de derriere, ſont entre meſſees de diuerſes armes.

Num. 3 Vne bataille eſtendue, en laquelle tous eſquadrons ſont de meſme front.

Num. 4 Vne bataille courbée, ainſi ditte de ſa forme d'arc.



Num. 5 Bataille poinctue: de laquelle il ſe fault ſeruir en paſſages eſtroicts, & Compagnies empeschees.

Nũ. 6 Vne bataille moyennée, ainſi ditte pour ce, qu'elle eſt tellement faicte & my-partie , qu'on en peult faire deux en peu de temps, & attaquer l'ennemy a tous deux coſtez.


Deſquelles, Dieu aydant, nous traicterons plus a plein au troiſieſme liure, en monſtrant tant les membres, que les eſſects de chaſcune par le menu.


Figura 34.


Trois Compagnies de chaſcune ſorte, faiſant enſemble 1284 teſtes. Deſquelles ſe fait vne bataille volontaire & offenſiue. Chaſcune en ſa diſtance requiſe, afin que les files ſe donnent




Figur: 33.
Cap: 1.
Par: 4.











Figur 34
Par: 4. Cap: 1


















Figur 35
Cap 1
Par 4









Cap 1
Par 4

Figu 36














Figu : 38
 Par 4
 Cap: 1







Figu: 39
 Cap: 1.
 Par: 4



donnent place l'une a l'autre, pour pouuoir passer entre deux, & faire sans empeschement son exploict contre l'ennemy.

Nũ. 1 Sont trois Cōpagnies de corraffes colloquees, selonque tu veulx en queüe avec les drageons pour vne reserue.

Num. 2 Trois Compagnies des drageons avec leur picques.

Num. 3 Trois Compagnies de lances offensives, pour attaquer l'ennemy.

Num. 4 Les arquebusiers.

Num. 5 La moytié des musquetiers commēçans le combat.

Figura 35.

Num. 1 Comment aussi tost que les musquets on fait leur salue contre l'ennemy, voyants qu'il leur vient sus, se sauuent en vne retraicte sous les picques.

Num. 2 Comment les Compagnies tant lances qu'arquebus chargent l'ennemy par files.

Cette ordonnance se dit lunaire volontaire offensive, & en peulx faire teste a douze Compagnies ennemyes chascune de trois cents hommes, avec bon espoir de les emporter.

Figura 36.

Vn bataille offēsiue volontaire, en laquelle d'une ordonnance moyēnée ou my-partie, tu peulx attaquer l'ennemy resoluement avec toutes les quatre especes de Cavallerie.

Num. 1 Les arquebusiers & lanciers es flancs, entrelacez.

Num. 2 Les Corraffes my-parties.

Num. 3 Les Drageons musquetiers tenants le milieu de la bataille.

Figura 37.

En laquelle se voyt, en quelle resolution l'ennemy est chargé de toutes les Compagnies de la susditte ordonnance.

Nũ. 1 Les deux costez extremes de la bataille, tenus des lan-

M

ces

ces & arquebus,attaquans l'ennemy aux flancs.

Num. 2 Les corraffes attaquant les angles de l'ordonnance ennemye.

Num. 3 Les musquetiers tourmentants le bataillon de l'ennemy.

Figura 38.

Vne bataille forcee defensiue.

Num. 1 Les trois compagnies des picques dragons.

Num. 2 Deux compagnies de corraffes.

Num. 3 Deux compagnies de lances.

Num. 4 Deux compagnies d'arquebusiers.

Num. 5 Vne compagnie de lances,arquebusiers, & corraffes mises en l'arriere garde pour vne reserve.

Figura 39.

*Comment la ditte bataille s'employe en sa defense
contre l'ennemy.*

Num. 1 Les deux ailes des musquetiers dragons faisant la premiere resiltence.

Num. 2 L'esquadron de l'ennemy qui fait sa charge.

Num. 3 La bataille serree pour meilleure defense.

Num. 4 Les arquebiers & musquetiers escarmouchants a l'offensive,

CHAP. II.

De l'Ordre au marcher.

A PRES t'auoir monstre au Chapitre precedent quelques sortes des batailles : je t'enfeigneray aussi en ce lieu, comment tu te comparteras au marcher, en sorte qu'estant surpris ou assailly, tu puisses subitement ranger tes gens sans aucune confusion Et comme il y a principalement deux especes de batailles, ascauoir offensive & defensiue: ainsi y fault il aussi aduiser au marcher, pour s'y pouuoir accommoder promptement. Et de fait on y cognoist l'experience & habilité d'un bon Capitaine, de repartir ses troupes au marcher avec telle dexterité, qu'elles occurrences de quelconque bataille que ce soit, il en ayt la commodité: comme j'en ay parlé au premier liure de l'Infanterie, & le deduiray plus au clair au liure troisieme. Icy le monstreray seulement par exemples.

Pour donc ordonner la bataille de la Fig. 34. Offensive volontaire en haste, & mesme en marchant: tu ordonneras le train (je ne parle pas des auantcoureurs, pris communement de toutes Compagnies, mais de tout le corps de Compagnies) en sorte que premierement marche vne Comp. de lances, com. Fig. 40. Num. 1. Apres vne Comp. harquebusiers, Num. 2. Apres derechef vne Comp. de lances, Num. 3. Suiue aussi d'une Comp. arqueb. Num. 4. Et Num. 5. Vne Comp. de lances. Num. 6. Vne Comp. d'arquebusiers.

Apres ces six Compagnies, trois de lances, & trois d'arquebusiers, tu feras marcher les musquetiers des trois Comp. des drageons, repartis en six troupes, de 50. hommes chacune, avec ses Officiers: comme Num. 7. 8. 9. 10. 11. 12.

Apres ces six troupes, marchera la premiere Compagnie

M 2

de

de picques des drageons, Num. 13 Suiuie d'une Comp. de corraffes, Num. 14. Puis la seconde Comp. des picques drageons my-partie Num. 15. Puis derechef vne Comp. de corraffes Num. 16. Suiuie de l'autre moytié de la susdite Comp. des picques Num. 17. Et Num. 18. La troisieme Comp. de corraffes, suiuiue finalement de la troisieme Comp. des picques des Drageons Num. 18.

Et voyci le train de tous tes esquadrons, duquel l'occasion se presentant, tu te peulx subitement presenter a ton ennemy en vne bataille lunaire offensiue volontaire, avec toutes les defences, comme tu vois Fig. 34.

Après s'ensuit le bagage des dites Compagnies, ascauoir les valets avec les cheuaulx du fourrage, charriots, & viuandiers & aultres qui s'y trouuent, comme tu vois Num. 20.

Mais pour se mettre en bataille forcée defensiue, comme Fig. 38. Tu feras marcher tes Compagnies selon l'ordre & nombres qui y sont marquez. Nũ. 1. Est la premiere Comp. des picquiers Drageons: Num. 2. vne Comp. de Corraffes. Num. 3. La seconde Comp. des picq. Drageons. Num. 4. Vne Comp. des Corraffes. Num. 5. La troisieme Comp. des picq. Drageons. Num. 6. 7. deux Comp. des Lances. Num. 8. 9. deux Compagnies d'arquebusiers: suiuis Num. 10. d'une Comp. de lances: Num. 11. vne Comp. d'arquebusiers: Num. 12. vne Compagnie de Corraffes.

Après s'ensuiuent les musquetiers Drageons, repartis en six troupes de 50. hommes chascune: Num. 13 14. 15. 16. 17. 18. Et l'arrieregarde ou bagage des dites Compagnies. Num. 19.

De toutes ces Compagnies, en as tu les pourtraicts es figures precedentes, pour t'en pouuoir seruir plus commodement. Or auoys-je bien matiere & occasion d'adiouster encor plusieurs aduertissements pour le marcher, mais estudeux de briefueté jeme reserueray, oultre ce qui en est traicté au premier & ce second, au troisieme liure vne plus ample deduiete.





Fig. 40.
Cap. 2.
Par. 4.





DECLARATION DE LA FIGVRE XL.



N laquelle tu as deux repartiffemens du train
au marcher: dont subitement tu te peulx ran-
ger en bataille soit offensiue ou defensiue. A.
monstre l'ordre de Compagnies pour facile-
ment former vne bataille offensiue.

Num. 1 Vne Compagnie des lances.

Num. 2 Vne Compagnie d'arquebusiers.

Num. 3 Vne Compagnie de lances.

Num. 4 Vne Compagnie d'arquesiers.

Num. 5 Vne Compagnie de lances.

Num. 6 Vne Compagnie d'arquebusiers.

Num. 7.8.9.10.11.12. Six Compagnie de musquetiers Dra-
geons, de 50. hommes chascune.

Num. 13 Vne Compagnie de picquiers drageons.

Num. 14 Vne Compagnie de corraffes.

Num. 15 La moytié de la seconde Compagnie de picquiers
drageons.


Num. 16 Vne Compagnie de corraffes.

Num. 17 L'autre moytié des picques drageones.

Num. 18 Vne Compagnie des corraffes.

Num. 19 Vne Compagnie de picquiers drageons.

Num. 20 Le bagage.



B.



MONSTRE l'ordre du dit train pour vne bataille defensiue proposée en la figure 38.

Num. 1 Vne Comp. des picquiers drageons.

Num. 2 Vne Compagnie de corraffes.

Num. 3 Vne Comp. des picq. drageons.

Num. 4 Vne Comp. de corraffes.

Num. 5 Vne Compagnie des picq. drag.

Num. 6. 7. Deux Compagnie des lances.

Num. 8. 9. Deux Compagnie des arqueb.

Num. 10 Vne Compagnie des lances.

Num. 11 Vne Compagnie d'arquebusiers.

Num. 12 Vne Compagnie des corraffes.

Num. 13. 14. 15. 16. 17. 18. Six troupes des misquetiers drageons de 50. testes.

Num. 19 L'arrieregarde ou bagage.

CHAP.

CHAP. III.

Des guettes & quartiers de la Cauallerie.


 VANT a ce qui concerne les guettes, sentinelles, tant de iour que de nuit : Item les logis soit en campagne ouuerte, ou en villes & villages; comme aussi le rendez vous ou la place des armes : comment on se doit assurer des surprises, ou aussi surprendre l'ennemy aux quartiers: Le Seig: Basta en ayant donné pleine instruction en son traité, du Gouvernement de la Cauallerie legiere, & moy aussi en ayant dit quelque chose en l'instruction de l'Infanterie: mesme en ayant a parler encor es liures suiuaus, je ne m'y arresteray icy dauantage. Seulement adiouteray pour conclusion, deux figures, la 41. & 42. Esquelles le bening lecteur verra, comment les susdittes troupes sont logées en leurs quartiers en vn village, avec ses guettes & sentinelles. Comme Fig. 41. on voit les Compagnies, chascune en son quartier. Num. 1. Sont les Lanciers logez au village pour le guet de nuit. Num. 2. les Corraffes. Num. 3. les Arquebusiers. Num. 4. les Drageons.

Fig. 42. Montre le logis en campagne, & chascune troupe en son quartier, Num. 1. les Lances. Num. 2. les Corraffes. Num. 3. les Arquebusiers. Num. 4. les Drageons.

Finalemēt vois tu en la figure 40. comment en vne campagne ouuerte distituée de toutes aultres commoditez, on fait vne closture ou rampart des charriots,

DECLA:



DECLARATION DE LA FIGVRE XLI.




VM.1.2 3.4. Sont les quatre sortes de Cauallerie, chascune en son quartier & au guet, au village.
 Num. 5 Le corps de garde du quartier.
 Num. 6 La Sentinelle premiere.
 Num. 7 La Sentinelle double.
 Num. 8 La Sentinelle extreme.


Figura 42.


Vn logis en campagne avec les Compagnies entieres.
 Num.1.2 3.4. Les Compagnies, chascune appart soy.
 Num. 5 Le corps de garde.
 Num. 6 La premiere sentinelle.
 Num. 7 La sentinelle double.
 Num. 8 L'extreme sentinelle.


Figura 43.


Num,1.2.3.4. Les quatre sortes de Cauallerie.
 Num. 2 La closture des charriots.
 Num. 3 Les entrees & chemins avec leur barres.
 Num. 4 Les sentinelles & gardes dehors.



















Cinquiesme & derniere partie.

VN DISCOVRS DE DEUX
PERSONNES, MVSAN ET
MARTIN, SUR L'EXCELLENCE DE
L'ART MILITAIRE, SOUSTENANT QV'EX.

cepte la Theologie, elle surmonte toutes les aultres
arts & sciences, tant Liberales que
Mechaniques.



Ms: Ie te loüe, amy Martin, que tu as si bonne souue-
nance de ta promesse, & te presentes selon icelle. Car
toute la nuit je n'ay peu reposer, a cause du discours
que nous commençâmes hier au soir : auquel avec
grandes parades tu promettois, non seulement d'esle-
uer l'estat militaire, mais aussi de demonstrier, qu'ex-
ceptant la Theologie, il n'y auoit art ou science plus
noble & excellëte, que celle cy: l'osant nommer vne
sciëce ou art: Voire telle, qui surmonte toutes les aul-

tres qui sont au monde. Chose qui non seulement me semble estrange,
mais aussi fort absurde, d'un estat tant vil & mesprisé entre tous hommes
de quelq; entendement & raison. Voire tant vil, que le plus pauvre villa-
geois, qui a peine n'a le pain a manger (je me tais des gens de quelq; qualité)
ne voudroit bailler sa fille a vn soldat en mariage. Ioint que c'est non seu-
lement vn estat mesprisé, mais aussi odieux. Car, regarde, je te prie, avec
quelle honte & mespris, sont ils par tout après leur brembes, leur donnant
vn nom quelq; peu plus honorable de piccoree: & cōment ils sont hais de
tous hommes, grans, petits, riches, pauvres, ieunes & vieulx, en sorte qu'a
grande peine, on les endure parmy les chemins communs, tant s'en fault
qu'on leur face quelq; honneur & reuerence: ou que des gens honnora-
bles ils soyent reçeux en leurs maisons; comme on fait par tout aux gens de
lettres. Et pour dire le vray, il me semble, que tu estois quelq; peu transpor-
té du bon vin qui parloit par toy: comme il aduient souuent aux soldats;
qui ayants chassé aux poules, ou acquis quelq; pièce d'argent, il n'y mieulx
que de la despendre incontinent, & auant de dormir: & alors ils se vantent

N

de

de grandes prouesses, combats, desfaictes, escarmouches, des grans butins, & aultres semblables merueilles, & grans faits, qui s'euaporent tous au sommeil, de sorte qu'au matin, quand ils se leuent, ils n'en scauent, non plus que s'ils n'y auoient jamais pensé.

Ce que toutes fois (ne pren de male part le reste) je ne dis point de toy, voyant bien que tu n'es point de ces gens la. Mais afin que ie ne t'entretienne plus longuement, le grand desir que j'ay d'entendre tes raisons m'a trauaillé toute ceste nuit, & me trauaille encor pour entenere comment tu t'acquitteras de ta promesse. Et tant plus que j'y pense, tant plus l'absurdité m'en fait croistre le desir. l'ay trauaillé enuiron 24. ans au camp des Muses, & non sans grande peine, pour m'en parer des sept arts Liberales : & n'en peuls estre trop content, d'ouyr que j'ayrois perdu & ma peine de la quelle le poete dit.

Multa tulit fecitque puer sudauit & alfit:

& le ingement de l'auoir si mal colloqué: & d'estre deuancé d'un estat tant vil & abiect. De faict j'ay trauaillé pour comprendre le fondement de toutes sciences & vertus, qui se trouuë (comme tout le monde, remply des liures d'icelles, en rend resmoignage) seulement en ces sept arts liberales. Dont encor je te prie, que selon ta promesse, & maintenant qu'il n'y a subçon de vin, tu me deduises tes raisons, inuité aussi mesme de la plaïssance de ce lieu, t'aduertissant aussi de le faire, comme personnage aussi lettré, en bon ordre & methode conuenable.

Mart. Quant a nostre discours d'hier, amy Musan, je t'assure que je ne m'y suis auancé par orgueil ou ambition, ains j'y ay esté poulsé par toy & tes compagnons. Car vous ayant (auec vn long & pénible silence de ma part (ouy debattre vn chascun sur la preeminence & dignité de la faculté, sans vous pouuoir accorder, si non de vous resouldre a la fin, que vous estiez tous esgualmente instruits des plus nobles, viles & nécessaires sciences qui pourroint estre au monde : j'ay esté comme forcé de m'opposer soustenant que sans la Theologie, l'art militaire surmontoit toutes les aultres arts. Ou je fus receu de ton brocard, qui me demandois, si j'estois en bon sens, ou scauois ce que je disois? Mais j'y fis response, que je n'estoy pas yure, & combien que par bonne Compagnie j'auoy pris quelque peu plus de vin de ma coustume, je scauois toutesfois me maintenir es limites de l'honnesteté. Et quant a vous aultres, voyant que vous estiez quelq; peu plus eschauffez, qu'il me sembloit raisonnable je vous promis d'en faire la deduite a jeun; & ne se pouuant faire en si peu de parolles, comme vous m'interpelliez de le faire sur le champ, j'ay demandé ce temps plus commode, choisissant mesme ce verd & plaïssant bocage. Sur quoy maintenant je me presente, selon ma parolle & promesse. Mais quant a ta proposition presente, en laquelle tu dis l'estat de la milice estre si vil & abiect, voire tel, quæ plusieurs aymeront mieulx de veoyr vn racleur de cheminee qu'un malotru soldat: c'est vn aultre theme ou proposition, dont n'auons point eu de mention. Toutesfois je te diray en son lieu, d'ou ce mespris duquel tu nous fais reproche, luy prouient. Demeurons a present sur nostre premiere proposition: ascauoir si l'art militaire est telle, qu'a bon droit elle doibue estre preferée aux sept arts liberales. Mais d'en parler en telle forme & tels termes, que

que tu desires & comme on fait es Academies : sachez, mon amy, que j'en ay perdu toute la memoire. Car ayant accomplis seize annees es armes, entre plusieurs bleffeurs, maladies, chaleurs, froides, faim, soif, grans espouventemens, dangers de corps & de vie, je n'ay peu retenir ces fatras scholastiques. De sorte qu'il faudrà que tu te contentes de ma ronde simplicité, en la deduite de ceste matiere : & en estant venu au bout, tu le mettras, comme bon pedant, en meilleur ordre : afin que ces grands Maîtres en reçoivent aussi quelque delectation.

Mus : j'en suis content, Martin, & puis que tu as oublié toutes ces pedanteries, je te pardonneray si aucunesfois tu t'aheurtas contre la logique. Seulement passe outre, afin que nous voyons ce que tu veulx dire.

Mart. *ARS MILITARIS* est constitutio reuolutorum certorum præceptorum, vtilitatem habens ad vitam humanam recte gubernandam. C'est à dire ; L'art militaire est vne constitution de certains preceptes reuelez, ayant l'vtilité, de bien gouverner la vie humaine.

Mus. D'ou te vient ceste disnicion attribuée d'Aristote aux arts liberales ?

Mart. Je le scay tresbien, & que par icelle il veult maintenir, que les arts liberales peuuent estre honorées de ce nom d'arts : mais sache, qu'il l'empruntée de l'eschole militaire, des maîtres de campagne ou de camp des Lacedemoniens, Macedoniens, Romains : & en fait comme vn certain bourgeois, qui ayant emprunté vn certain gage de son voisin, pour s'en seruir quelque temps : & celuy dont il l'auoit emprunté, commençant a resuer, & venant a mourir finalement sans hoirs, qui le sceussent demander, ille retient comme chose propre, & en fit son profit. Ainsi en est il de vostre Aristote & de vous autres messieurs, qui ont emprunté de Mars vne bonne quantité de regles & præceptes, & inceluy commençant a resuer de vieillesse, & ses enfans ne s'en soucians, beaucoup, vous les retenez comme propriétaires, & vous en seruez comme de chose qui vous appartient. Mais, peultestre, le temps viendra, que vous en rendrez compte. Mais de cecy ailleurs.

Mus. Cest bien vn propos estrange, que j'oy de toy : bien digne d'en parler plus clairement.

Mart. Mais ne le temps, ne nostre matiere, ne nous permettent d'y insister a present, & de beaucoup disputer pro & contra. Dont nous en discourons succinctement, & s'il y reste quelque scrupule, je tascheray de tel'oster a la fin.

Mus. Sus donques, oyants quelle est ta science ou Art militaire.

Mart. Cest vne Art ou science de bien guerroyer, ou si tu l'aymes mieulx en Latin *Ars militaris est scientia bene bellandi.*

Mus. Ita, ha, ha, y a il art ou science en la guerre ? Donques les rustauts, hommes, femmes, riches, pauvres, ieunes & vieulx, grans & petits, qui souuent n'ont que trop des guerres & desbats, y seront grans maîtres, en la science de se battre & arracher les cheueulx les vns aux autres. Et quand ou les villageois & bourgeois guerroyent ainsi, ils sont mis ou a l'amende ou en prison, pour les destourner de la prattiq; de ceste tienne art ou science.

Mart. Ne ris, je te prie, trop hault, deuant d'entendre ce mot de guerre, lequel

quel je prens en ceste definition, en sa signification propre, en non abusive, comme tu l'entends. Et de fait selon le sens que tu luy donnes, les chiens & les chats, les souris & les chats, voyre toutes sortes de bestes, menent des guerres irreconciliables : qui plus tost sont des dissensions, desbats, inimitiez, haynes, ou aultres telles affections mauuaises, bien cloignees de la propriete, en laquelle j'vse de se mot. Dont comme au liure premier je t'ay propose la propre signification du mot latin B E L L V M, ainsi te proposeray-je icy la propriete du mot G V E R R E. Or ce mot signifie l'effort de deux parties, desquelles chascune voulant auoir sa raison, ou son droit en quelque cause ou aultre chose, & ne se pouuant accorder, sont vn amas de gens & armes pour obtenir par force leur droit pretendu. Dont celuy qui a la victoire, obtient avec icelle la chose qu'il preendoit, & l'autre en a la perte & dommage. Et afin que tu l'entendes bien : en guerre il y a tousiours deux parties. Pour exemple : Vn grand Seig: fait amas de beaucoup des gens & des munitions. Cely n'est pas encor vne guerre, mais bien vne preparacion : mais luy donnant vn ennemy ou party contraire, qui par force pretende quelque chose sur luy: voila alors vne guerre. De sorte que ce mot s'entend, de deux parties debattantes & combattantes sur quelque pretension, l'une desquelles emporte la victoire, & l'autre la perte. Et sans telles parties ne peut estre aucune guerre : mais icelles se trouuant : voila la guerre : & toutes deux guerroyent ou a gain ou a perte, ou a honneur ou a honte : Et sont tous deux guerroyants en mesme degre, mais en effect diuers, l'un en recebant du bien, & l'autre du mal.

Mus. Mais n'est ce pas tout vn, de quelle maniere on guerroye?

Mart. Non. Car on guerroye en deux manieres : Par terre, & par eaux. Par terre on guerroye a pied ou a cheual, avec aultres munitions requises, & propres pour en vser en terre, & a pied ferme. Par eaux on guerroye a pied seulement & en bateaux.

Mus. Quelle difference fais tu dauantage aux guerres?

Mart. En l'entree de mon premier liure, ou j'ay deduit en general la signification du mot B E L L V M j'ay fait deux sortes des guerres; vne Ouverte, legitime & publique: l'autre Illegitime & intestine. Et sont ces deux especes ou offensives, ou defensives.

Mus. Ces distinctions me contentent quelquelement : mais puis qu'en ta definition de ton art militaire, tu dis, que c'est vne science de bien guerroyer : qu'entends tu par ce mot bien ? Et me semble, que tu veulx aussi faire vne difference de bien a mal guerroyer?

Mart. Tu dis vray, car ce mot n'est mis pour neant : & de fait tout y est compris, ascauoir le commencement, le moyen & la fin de tous exploits militaires. Et recherchant toutes les histoires & antiques & modernes, tant sacrees que prophanes, tu verras que tous ceulx qui ont guerroye, se sont tousiours euertue de bien guerroyer, encor que souuent ils ont failly de leur dessein, recherche comme les histoires en tesmoignent, par tant des labeurs & dangers. Mais aucuns, tant de ceulx qui ignorent Dieu, que de ceulx qui en ont eu bonne cognoissance, en sont venus a bonne & heureuse fin. Toutesfois ceste maniere de bien guerroyer, combien que souuent pratiquée, & descript par plusieurs n'a peu estre

estre, iusques a l'heure presente, produict a son entiere perfection : & en voulant recercher curieusement toutes les causes, on ne trouuera aultre que celle cy, qui est comme la premiere & derniere, ascauior que Dieu n'a voulu, qu'elle fuit entierement manifestée.

Si tu consideres toutes les aultres arts & sciences, tu les trouueras quasi toutes au plus hault de leur perfection, & qu'a grande peine elles pourront monter dauantage. Mais quant a l'art militaire & la maniere de bien guerroyer, elle en est encor assez esloignée, combien que, comme nous nous faisons a croire, elle n'ayt esté jamais en telle haulteur & excellence, comme elle est maintenant; qui n'est qu'une fole persuasion des simples & qui ne s'y entendent, se trouuant tousiours (comme Dieu aydant je le demonstreray en aultres traictez suiuaus) le contraire.

Mus : Cecy sont des poincts, qui me semblent encor aucunement estranges. Aussi ay je souuentefois leu que les arts liberales sont nommées A R T S : mais de ton art militaire, si tu ne me le monstres par exemples, je ne le peulx croire, qu'il y ait aucun, qui iamais les ait orné de ce tiltre tant honorable.

Mart. Afin donques de t'oster ceste lourde incredulité, je t'en proposeray, non pas vn, mais plusieurs exemples, esquels elle n'est seulement appelée art, mais telle, sans laquelle les aultres arts ne peuuent subsister. Et pour t'en tant plus asseurer, je reciteray de mot a mot les Auteurs, lesquels tu ne de buois ignorer. Et en premier lieu te proposeray Flaue Vegece, qui est bien l'un des plus briefs, qui ont escript de ceste matiere, mais aussi des plus diligent; lequel bien souuent & en diuers endroiçs la nomme A R T Et premierement au liu. 1. cap. 1. de re militari, ou de la milice il faict l'exorde suiuant.

In omni pralio, non tam multitudo & virtus indocta, quam A R S & EXERCITIVM solent præstare victoriam. C'est ad dire: En toutes batailles la victoire est coustumierement obtenue, non tant par vne multitude & puissance inconsiderée que par art & exercice. Item SCIENTIA rei bellicæ, dimicandi nutrit audaciam. C'est a dire, La science des choses militaires, ou de la milice, engendre vne audace au combat.

Lib. 1. cap. 20. Instruendos ac protegendos esse tyrones omni A R T E pugnandi.

Au prologue du second liure, il en parle bien proprement. Instituta maiorum (dit il) in A R T E armorum, plenissime Clementiam vestram, peritissimeque retinere, continuis declaratur victorijs & triumphis. Si quidem indubitata approbatio A R T IS sit; verus semper effectus. C'est a dire : Il appert par les continuelles victoires & triumphes que Vostre Clemence retient trespleinement & tresciemment les constitutions des ancestres en l'A R T de l'armature, ou de la milice: Car le seur & vray effect y est vne espreuue indubitable de l'A R T.

Lib. 2. cap. 4. Necessè est inuictam esse Remp. cuius Imperator militari arte præcepta, quantos voluerit, faciet exercitus bellicosos. C'est a dire : Necessairement est la republique inuincible; en laquelle le Chef ayant cognoissance de l'art militaire, scait refonçer ses armes aultant qu'il vult.

Lib. 2. cap. 12. Huic Tribunus præerat armorum **SCIENTIA** : & peu apres : sed etiam armorum **ARTE** perfecti, &c.

Cap. 14. Qui omnem **ARTEM** didicerit armaturæ. Item Qui con-
tubernaless ad **DISCIPLINAM** retineat.

Cap. 15. Pilum arte & virtute directum.

Cap. 18. Omni armorum **DISCIPLINA** vel **ARTE** bellandi.

Cap. 23. neque enim longitudo ætatis, aut armorum numerus **ARTEM BELLICAM** tradit. Item : Vt & **ARS** dirigendi, & dextræ **VIRTUS** possit accrescere. Item : Si **DOCTRINA** cesset armorum, nihil paganus distat a milite.

Cap. 24. Studiosius oportet **SCIENTIAM** dimicandi. Item : au prologue du liu. 3. **Artem** præliorum scripsisse firmantur vsque eo. Item : **VIROS** summa admiratione laudandos, qui eam præcipuè **ARTEM** ediscere volunt, sine qua aliæ artes esse non possunt. Item : Qui secundos optat euentus, dimicet **ARTE** non casu.

Lib. 3. cap. 2. Ex quo intelligatur quanto studiosius armorum **ARTEM** docendus sit exercitus.

Cap. 4. Qui fiduciam de **ARTE** vel viribus gerit.

Cap. 9. Quisque hos **ARTIS** bellicæ commentarios. Item scientes **ARTEM** bellicam.

Cap. 10. Quis autem dubitat **ARTEM** bellicam omnibus rebus esse potio-
riorem. Item : Cætera omnia in hac **ARTE** consistere. Et sur la fin du
chapitre : Ita erudiuit scientia & **ARTE** pugnandi.

Cap. 11. Præmissis leuioribus **ARTIBVS** belli.

Cap. 19. Tamen **ARS** belli.

Cap. 20. Ne **ARTE** pellaris.

Cap. 22. Quæ ratio militaris experimentis & **ARTE** seruauit Item :
Nam **DISCIPLINÆ** bellicæ. Item : sed credant **ARTE** aliqua id-
eo se reuocari. Item : licet tibi **ARS** plurimum profuit.

Lib. 4. Cap. 30. Quæ ad oppugnandas & defendendas vrbes autores bel-
licarum **ARTIVM** prodiderunt.

Cap. 31. De cuius **ARTIBVS** ideo pauciora dicenda sunt.

Cap. ultimo : Quæ **ARTIS** amplius in his frequentior vsus inuenit.

Insques icy les propres termes de Vegece : oyants aussi des aultres.

Sexte Iule Frontin en la preface sur son liure premier : Eorum pro-
prie vis in **ARTE** plerunque posita proficit.

In præf. lib. 3. Nullam video vltra **ARTEM** materiam.

Lib. 3. cap. 13. Et nauticæ **ARTIS** peritum.

Ælian en la preface de instituendis aciebus : **SCIENTIAM** Græ-
cis acierum instruendarum. Item : Et quidem de Homericæ **DISCI-
PLINA** armorum. Item : Etiam **ARTEM** instruendarum acierum
scripsere.

Æneas, genus bellicæ **ARTIS** in instruendis aciebus dicit esse **SCI-
ENTIAM** bellicæ motionis.

L'espere que tu te contenteras de ces tesmoignages, voyant que l'art
militaire est estimée des plus grans personnages estre VNE **ART** des plus
grandes & signalees.

Mus. J'ay bien ouy les propres termes d'un auteur où deux, que tu as alleguez : mais tu te souviendras encor de ce qu'on dit aux escholes :
Una hirundo non facit ver, vne seule arondelle ne fait ou assure le printemps.

Mart. Pour te proposer tous les tesmoignages, de ceulx qui ont escript en ceste sorte de l'art militaire, il y faudroit perdre beaucoup de temps, avec soupçon de t'ennuyer. Mais quant aux tesmoignages de ces trois principaulx, ascauoir de Vegece, Frontin & Ælian, je les ay ainsi alleguez, pour ce que ce qu'ils en ont escripts, ils l'ont recueilly selon leur propre confession des plus fameux & veritables historiens, qu'on auoit de leur temps: de sorte qu'ils peuuent seruir en lieu de plusieurs aultres.

Vegece en la preface sur son premier liure dit : *Licet in hoc opusculo, nec verborum concinnitas sit necessaria, nec acumen ingenii, sed labor diligens ac fidelis : ut ea quæ apud diuersos historicos vel armorum disciplinam docentes, dispersa & inuoluta celantur pro utilitate Romana proferantur.* Cest a dire : Combien qu'en ce traicté il n'est question de grande parade de parolles, ne d'esprit trop subtil, ains de bon & fidele labeur, pour recueillir ce qui en diuers historiens ou aultres, enseignants la discipline des armes, est espars & comme caché, & le produire en lumiere a l'utilité de la ville de Rome.

Le mesme au prologue du troisieme liure. *Horum sequentes instituta Romani, Martij operis præcepta & vsus retinuerunt. & literis prodiderunt, quæ per diuersos Authores librosque dispersa, Imperator inuicté, mediocritatem meam abbreviare iussisti, ne vel fastidium nasceretur EXPLVRIMIS, vel plenitudo fidei deesset in paruis.* Cest a dire : Les Romains ensuiuant l'institution de ceulx cy, ont retenu & mis par escript les preceptes militaires, lesquels espars par diuers auteurs & liures, Il vous a pleu, Empereur Inuincible, me recommander de les abbreger, afin de ne causer vn degoust par vne trop grande longueur : & que de trop grande briefuete je ne donne occasion de mesconyance.

Idem in prologo lib. 4. *Ad complementum ergo operis Maiestatis vestræ præceptione suscepti, rationes, quibus vel nostræ civitates defendendæ, vel hostium subruendæ, ex diuersis Authoribus in ordinem redigam.* Cest a dire : Dont pour l'accomplissement de l'œuvre, entreprise par le commandement de vostre Maiesté, je reduiray, par ordre les raisons recueillies de diuers auteurs, par lesquelles noz villes doibuent estre defendues, & celles des ennemis subuerties ou ruinees.

Sextus Iulius Frontin en sa preface dit : *Illud neque ignoro, neque inficior, etiam rerum gestarum Scriptores indagine operis sui, hanc quoque partem fuisse complexos : & ab AVTHORIBVS traditum, sed (vt opinor) occupatis velocitati consuli debet. Longum est enim singula & sparsa per immensum corpus historiarum prosequi : & hi qui notabilia excerpserunt, ipso velut aceruo rerum, confuderunt legentem.* Et peu apres : *Huic labori non iniuste veniam paciscar, ne me pro in-curioso reprehendat, qui præteritum aliquod à nobis reperit exemplum.*

plum. Quis enim ad percensenda omnia monumenta, quæ utraque lingua tradita sunt, sufficiat? vnde multa transire mihi ipse permisi, quod me non sine causa fecisse scient, qui aliorum libros eadem promittentium legerint. C'est a dire : le n'ignore & ne nie pas, que les historiens, ont aussi compris ceste partie en la recherche de leurs œuvres, comme observée d'autres Auteurs : mais aussi croy-je, que comme empeschez, on les devoit secourir, par vne deüe briefueté. Car c'est vne chose trop longue & fascheuse, de poursuivre toutes les particulieritez esparées çà & là es tresgrans corps des histoires. Et mesmes ceulx qui en ont racueilly les choses plus notables, ont confondu le lecteur par vne trop grande multitude. Et peu apres : Et quanta moy, je ne feray mal de demander pardon, & prier que je ne sois tenu pour peu curieux, si en ceste mienne œuvre je passe beaucoup de choses. Car qui sera suffisant pour feuilleter & deschiffrer tous les monuments, qu'on en trouue es deux langues principales. C'est pourquoy j'ay trouué bon d'omettre plusieurs choses : & ceulx qui auront leu d'autres escripts de ceulx qui promettent la mesme chose, trouueront que je ne le fais sans grande raison.

Ælian aussi dit en son traité, de Instituendis aciebus : Verum enumerare OMNES, qui aliquid de re militari scriptum reliquerunt, longum & superuacaneum est : omnium tamen opera legi, & quid de ijs iudicem, dicam : Omnes fere ita vnanimiter scripserunt, quasi docere homines vellent, non ignaros, sed satis earum rerum peritos, quas explicare statuerunt. C'est a dire. Ce seroit vne chose trop longue & superflue de raccompter tous les auteurs, qui ont laissé par escript quelque chose de la milice. Toutesfois aj'y leu les œuvres de tous, & en diray librement mon aduis : A scauoir que tous d'un accord, en ont escript comme voulants enseigner de gens, non du tout ignorants des matieres qu'il auoient a deduire ou expliquer.

Et quant a ces auteurs, ils ne sont contents de dire qu'ils ont appris par longue experience, ce qu'ils ont escript de ceste noble ART MILITAIRE : mais ils confessent aussi rondement, qu'ils en ont racueilly vne parte d'autres auteurs, lesquels ils alleguent sans aucun scrupule : Et entre autres principalement Ælian, qui recite par ordre les auteurs, desquels il s'est seruy : A scauoir HOMERE, qui est le plus ancié de ceulx qui ont escript de l'art militaire : Et entre autres, de la maniere d'ordonner les batailles, & dit le mesme Ælian, qu'il a leu les œuvres de Stratoncle, Hernie & Frontin, de la discipline militaire Homerique, Item qu'il a aussi leu d'autres auteurs de rebus bellicis, comme vn Æneas, Cineas, Theffalus, Pyrrhus, Epirota, & son fils Alexandre, Clearchus, Pausanias, Euangelus, Polybius, Megapolitanus, Eupolemus, Iphicrates, Posidonius Stoicus, Bryon, & autres tels quasi innumerables.

De sorte que j'espere que tu te contenteras, de ce que pour ce printemps je t'ay allegué, non vne mais plusieurs hirondelles, tenants vn mesme vol & mesme ronde sur l'excellence de nostre art militaire : & en pourrois alleguer encor dauantage, si le temps le permettoit.

Muf. Ayant ainsi les propres termes deuant moy, j'en croyray quelque chose, pour l'amour de toy, & concederay ton ART MILITAIRE estre vne

vne ART, mais en son lieu & rang, & comme on pourroit dire des arts mechaniques, entre lesquelles il y a aussi aucunes assez subtiles, & de bon esprit & de dexterité de la main. Et de fait la militaire s'exerce aussi en mesme sorte, frappant sus a force des bras, comme les villageois battent le bled. Mais de la comparer aux sept arts liberales, & les soldats aux gens de lettres, je ne le peulx comprendre, & beaucoup moins qu'elle les devance. Il faudra doncques que tu m'en monstres des raisons plus solides; sans lesquelles elle demeurera beaucoup en arriere, entre les mechaniques, comme je t'ay dit.

Mart. l'entens bien ce que tu veuls dire: Et pour te respondre selon l'exigence, il y faudroit & traité appart: toutesfois pour m'acquitter en peu des parolles, puis que tu dis que nostre art militaire doit estre rangée entre les arts mechaniques; si tu me monstres que tant des renommez auteurs ayent pris la peine, de descrire les arts mechaniques, je t'en concederay quelque chose. Mais je suis bien asseuré que tu n'en trouueras aucun de quelque renom, qui jamais s'y soit employé.

Mus. Cest cela que je voulois: & te sera facilement monstre. N'as tu jamais leu Virgile, ou Ciceron, ou Ouide, qui ont escript beaucoup des arts tant rustiques que ciuiles. Et de semblables il y en a tant, qu'il seroit quasi impossible de les raccompter tous.

Mart. le voy bien, amy Musan, que par force tu me veulx ranger entre les mechaniques: Lieu qui te seroit beaucoup plus conuenable. L'Arithmetiq, la Geometrie, L'Astronomie, & la Musique, sont de tes arts liberales. Or n'ignorest tu pas qu'on trouue beaucoup d'Arithmeticiens entre les idiots, marchants, mereiers & attifans, surpassants en science, dexterité & habilité de ceste science, tous vos grans Maistres qui ont consumé la meilleure part & de leurs ans, & de leurs biens es Academies. Et quant aux Geometres, ou les trouue on meilleurs qu'entre les Ingenieurs, ordinairement telles gens, qui ne scauent encor que cest de vos sept arts liberales. Astronomes, les plus dextres, & veritables se trouuent entre les nautonniers, hommes presque barbares, & ressemblants quant au reste, & en aultres choses, les poissons, avec lesquels ils voltigent le plus du temps, qui se mocqueront de ces opereuses demonstrations de vos docteurs. La Musique, si tu t'en vas en Angleterre, Italie, Espagne & aultres semblables lieux, tu la trouueras en les batteurs & joueurs des farces ou badins, qui onques n'ouyrēt le nom des arts liberales plus douce & harmonieuse qu'entre vos Magistros artium, qui la plus part en scauent autant qu'un asne. Que dirois tu de la Mathematique, comment elle fleurit mesme entre gens qui ne scauent que c'est, & desquels tu ne voudrois estre, cependant combien que simples Mechaniques, ils surmontent de beaucoup, mesme les plus doctes professeurs de ceste art: & te conseillerois que pour cacher ton ignorance es arts, desquelles tu fais si braue profession, tu t'allois toy mesme mettre en leur rang, & apprendre mesme encor de ceulx la. Et d'aultre part, en quel labyrinthe me mettrois je, si je te voudroy raccompter tous les auteurs de grand renom, qui ont escript de la noblesse, excellence & vtilité de l'art militaire, l'esleuant au plus hault degre d'honneur que possible: & ce par des raisons tresiustes & tresueritables.

Mus. je suis content ; que ton art militaire soit Art ou science : car voyant tant des auteurs , je suis comme contrainct de conceder , qu'elle soit vne art singuliere. Mais souuie nne roy qu'en ta definition tu disois, quelle est vtile pour le Gouuernement de la vie humaine. Chose tout contraire à ton art militaire : ne voyant aucunement que la vie, estat de l'homme, en soit aucunement melioré : ains plustost tant des Royaumes, villes & territoires destroits & ruinez du tout: Ioinct que c'est vn estat esloigné & de pieté & d'honesteté, dont la vie humaine n'est aucunement gouvernée, ains destruite.

Mart. Cecy est vne aultre question, a la deduite de la quelle il faudroit auoir plus de temps. Toutesfois pour te respondre en peu des mots, sçache, que comme en l'instruction de l'Infanterie, j'ay monstré qu'il y a deux sortes des guerres, Legitimes & Illegitimes ; ainsi en ceste question le nom de guerre est pris en deux sortes. Car toutes les guerres, qui des le commencement du monde jusques a present ont esté & sont encores, sont ou permises de Dieu comme necessaires pour auancer, ou enuoyees pour punir. Comme pour exemple. Quand Abraham deliure son cousin Loth: Moyse fait combattre le peuple contre les Ammonites. Les guerres de Iosue, Daud, & aultres: Et au Nouveau Testament les guerres des Chrestiens contre les Sarrazins, Turcs & aultres infideles : ce sont guerres, voyre mesmes souuentesfois commandees de Dieu expressement, comme quand Saul reçoit commandement de destruire Amaleck, & aultres tels exemples, trop longs a raccompter icy. Mais enuoyees de Dieu pour punir, sont celles que Dieu enuoye aucunesfois sur les reuefches & impoenitens, en faisant destruire leurs Royaulmes, prouinces, territoires & villes par sa Iustice, comme au Vieu Testament on voit le peuple, pechant contre son Dieu, assailly de ses ennemis enuoyez de luy pour chastier la desobeissance. Et semblables guerres enuoyees de Dieu estoient souuent esmeux, non seulement par des infideles, mais aussi par aucunes du propre peuple. Comme on voit au liure des Iuges, que les onze tribus d'Israel sont esmeues par punition de Dieu contre la tribu de Benjamin, iusques a quasi l'extreme desfaicte. Ainsi en est il encor pour le present, y a il des guerres immisiues ou enuoyees de Dieu, comme des fleaux pour punir les pechez des hommes. Ainsi te faut il noter la difference entre guerres necessaires, & immisiues. La premiere sorte est bonne, comme par laquelle, comme on voit au Vieu Testament, L'Eglise de Dieu a esté beaucoup auancée. L'autre est vne punition de Dieu, qui tend a la destruction des meschants.

Mus. je ne suis encor passé si auant en l'estude des guerres, que pour donner mon aduis sur tant des diuersitez par toy alleguees, ie ne m'ose fier de moy mesme & faudra que je consulte avec mes Docteurs Academiques, jusques ou je te doibs croire. Cependant il me souuient auoir leu en dedication de ton instruction de l'Infanterie, que les arts liberales ont pris leur delineaments & perfection de l'art militaire. Propos tant hors de propos & raison. Car seroit il bien possible, qu'il y eut entre nous amateurs des arts liberales Baccalaures, Maistres, Candidats, Licentiats, Docteurs, & entre vous aultres quelque accointance? le voudrois bien que tu m'ostasses ce scrupule, qui m'est de trop dure digestion. Et quant a moy,

moy, je pensois estre instruit en telles arts, que vous aultres, gens de guerre & farouches debuiez adorer, tant s'en fault que vous les pourriez aucunement mespriser, comme estans empruntees de vous.

Mart. Je t'en diray la verité tant ronde & simplement. L'eschole, dont la discipline & art militaire est issue, est bien plus ancienne, voire iusques a l'environ de mil ans, que celle de vos arts liberales. On list Gen: 27. Que Esau est institué de son pere, le Patriarche Iacob, pour estre homme de guerre, quand il luy dit, qu'il viura de son glaive. De sorte que mesme des ce temps, les enfans de Patriarches se sont addonnez a l'eschole & discipline des armes. Comme aussi il est dit du mesme, qu'il estoit bon archer. Et de fait, il y a plusieurs coniectures de sa dexterité es armes, esquelles ayant douze fils, douze Princes, il les a aussi sans aucune doubte diligemment exercez : & depuis ce temps la, la ieunesse y a esté tousiours instruite avec grand soing : dont sont reussis de tels archers, qui tiroient vn poil sans faillir. Entre les gentils, l'art militaire estoit enseignée publiquement es escholes, comme pour le present vos arts liberales; ayant leurs professeurs & precepteurs pour instruire & exercez les Tyrons. Et Homere, combien de temps a il employé pour descrire ceste discipline ou art en faisant profession publique, comme ses escripts en rendent bon tesmoignage.

De Themistocle dit Plutarque en sa vie, qu'il fut disciple de Phrearius, qui en estoit ny Orateur ny Philosophe, ains Professeur de l'art militaire. Platon aussi estoit Professeur de ceste art : & ces deux nobles & preux jeunes hommes Chion & Leonides, qui ouirent le tyran Clearche, sont fortis de son eschole. Entre les Romains : Vegece liu : 1. ch: 4. dit, que le jeun homme se doit exercez en toutes armes, pour tenir bon ordre & garder son rang, pour lancer sa picque ou jaucelot avec force requise, gouverner son escu ou rondage avec dexterité, que les coups de l'ennemy en soyent detournez &c. Theodore en Cassiod: L. L. dit: que l'art militaire doit estre apprise & exercée en temps, afin qu'elles ne defaille au besoing. Caton a luy mesme exercé son fils es armes avec grande diligence. Voire en Rome il y auoit de lieux propres, esquels on faisoit profession publique de l'art militaire : & tant a Rome qu'en aultres endroits on n'enuoyoit la jeunesse a aultres escholes, qu'a celles la. De sorte que les plus nobles enuoyoint leurs enfans aussi tost qu'ils auoient atteint les 7. 8 ou 9 ans, aux champs & au labeur, pour pouuoir en aprestant mieulx supporter les labeurs de l'exercice militaire, Et de fait, les enfans n'ont point estez enuoyez aux escholes comme on fait aujour-d'huy, pour y apprendre la langue ou grecque ou latine, qu'estoient langues naturelles & maternelles de ces peuples, ains seulement pour estre duits aux armes : & de la les escholes des arts liberales, comme tu les nommes, ont pris & le nom & le commencement. Et comme ces ieunes escholiers estoient nommez soldats de Mars : comme ceulx qui s'exercoient au ieu Martial avec grande diligence, zele & hazard : les professeurs de vos arts en ayant pris vn patron, & imitant la diligence & labeur en vne aultre maniere, ont appelé leurs escholiers Milites Musarum, des soldats des Muses. Et de la le commencement de vos escholes & arts, dites liberales, non pas qu'elles soyent telles, mais pource que ceulx qui y estudient se persuadent

dent, mais a tort, exempts de toute peine & labeur. Et voit on qu'au commencement, vos arts n'estoient en telle estime & reputation, que l'art militaire, qui estoit beaucoup plus penible & laborieuse, dont on en disoit en commun:

Multa tulit fecitque puer, sudavit & alfit. Et comme vos arts florissent aujourdhuy es escholes, ainsi florissoient du passé les exercices militaires entre les Greqs & Romains; Voire aussi entre plusieurs aultres peuples & nations.

Et combien que l'art militaire ayt commencé a decliner, es villes particulieres, qui desiruses de nouveauté vouloient estre estimées nourrices des arts liberales & pacifiques, si est ce, on en a chassé les professeurs de plusieurs & villes & terres, pource qu'on voyoit que sous beaux tiltres la jeunesse s'accoustumoit a l'aise de l'oysiveté, & se rendoit inhabile aux armes. De quoy je pourrois alleguer plusieurs exemples. Mais estudeux de briefveté, je n'en raccompteray que cestuy-cy. Comment en print il aux Carthaginois instruisants selon la persuasion de quelques pretendus Philosophes leur ieunesse, avec omission de la discipline militaire, aux arts liberales? Ascauoir, que Marcus Attilius Regulus, bon soldat & Capitaine, qui auoit aussi vaincu les Samnites, corrompus aussi par mesmes moyens, les surmonta en vne bataille nauale, leur osta en la mer 64. vaisseaux, & mettant pied en l'Afrique, gaigna sur eulx 300. villes & chasteaux les abbattant en sorte qu'ils ne peuuent reprendre haleine. Car leur ieunesse accoustumée a l'aise de ses arts liberales, ne pouuoit manier les armes pour luy faire resistance: Dont avec leur confusion ils furent contraints, de chercher ayde chez Xantippe Roy des Lacedemoniens, afin que comme bon maistre de l'art militaire, il y enseignast aussi leurs gens. Et leur reussit cecy si heureusement, que le dit Xantippe, mettant leur milice en bon ordre, & les enseignant en l'art militaire, non seulement ils firent en apres teste audit Regulus, mais le vainquirent aussi finalement.

Semblables exemples se pouuoient estre racontées de plusieurs aultres villes. Et t'assure que la methode des arts liberales est empruntée de l'art militaire: & si maintenant elles fleurissent, si ne viendront elles iamais a telle fleur & reputation, comme a esté celle de la milice.

Mus. Il me semble que tu vueilles du tout mespriser voire reietter les études des bonnes lettres, leur attribuant la cause de la ruine de plusieurs republiques. Mais ie t'en monstreray tout le contraire: Ascauoir que les plus grans & renommez Capitaines, comme ce Grand Alexandre, Iule César & aultres se sont fait estimer par estude & scauoir des bonnes lettres.

Mart. Tu dis bien; & je le confesse aussi, que les plus grans ont esté amateurs des arts liberales, & des bonnes lettres. Mais en quelle sorte & maniere? Seulement pour leur plaisir, & pour pouuoir mettre par escript les beaux Stratagemes & aultres succés, qu'ils ont eu. Puis il n'ont fait estime, que de ceulx qui ont escript, de l'art militaire, sans se soucier de lire quelques aultres. Alexandre ne fit estat que d'Homere, lequel il aymoit tant, que se mettant au liçt. il le logea sous son oreillier. Mais quant aux arts liberales, iamais ils n'y ont vacqué, comme on fait maintenant: ne se seruant
des

des estudes, que pour vne recreation ou delectation : La ou la milice estoit leur principale occupation, comme le seul moyen pour paruenir aux vrayz honneurs, & l'acquerir vne renommee eternelle. Et tandis que l'art militaire florissoit, estant preferée aux arts liberales, les choses alloint mieulx au monde. Bien consideray-je, que celuy qui a bonne cognoissance des art liberales, sera tant meilleur Capitaine : mais cependant suis-je tousiours de cest aduis, que ces deux soyent conioincts, & que l'art militaire soit aussi proposée ala ieunesse, que les arts liberales. Ce qui ne se faisant pour le present en l'Allemagne, j'en prens vn presage d'une ruine infaillible, cōme il sera deduict ailleurs. A laquelle toutesfois on pourroit obuier, si de bon heure on changeast d'opinion, afin que les complaints n'en viennent trop tard. Et principalement aurions nous l'occasion en ce temps de fleurir cette art plus hault, que iamais elle ne fut au monde, avec grande vtilité & auantage de toute la Chrestienté.

Mus. Qu'entends tu par les soldats de Mars & des Muses, dont n'a gueres tu fis mention? Car ils ont le mesme nom de soldats, avec la seule difference de Mars & des Muses.

Mars. Tu as entendu donc & les vns & les aultres ont eu leur origine, tant entre les Greqs que Latins ou Romains. Car les escholes, esquelles l'art militaire estoit enseignée, contenoit les escholiers ou soldats de Mars: & celles ou on enseignoit la doctrine des bonnes meurs, auoit les soldats des Muses. Or estoit la ieunesse premierement enseignée en l'art militaire, & es meurs ensemble, de sorte qu'il n'y auoit qu'une sorte de soldats, alcauoir de Mars. Mais aussi tost que ces Philosophes diuers se sont monstrez, avec leur sophisteries & piperies, se presentans avec si beaux pretextes des lettres & arts liberales a la ieunesse qui ne vouloit toutesfois perdre le nom des soldats, ils en ont fait des soldats des Muses. Sans toutesfois avoir si grande necessité de changer de nom; estants les soldats de Mars aussi bien exercez es aultres lettres, vertus & sciences, que ceulx cy. Comme nous voyons en Plutarque, que ce grand Caton, grand Philosophe exerceoit son fils au maniement de toutes sortes d'armes, montrant par son exemple, que ceulx de son estat auoient l'art militaire en tresgrande recommandation : ce qui sans l'institution reçue en la ieunesse, ne pouuoit estre aucunement. Et alors les camps de Mars & des Muses n'estoient separez, comme ils sont aujourd'huy : ains ont tousiours estez conioincts; iusque a la venue de ces Philosophes nouveaux, qui voyants qu'au camp de Mars ils estoient peu estimez, pource qu'ils ne traittoient que des choses pueriles, les ont separez : & ce avec la persuasion que par le moyen des lettres, on pouoit acquerir honneur, reputation & immortalité, ont attiré vne bonne partie de la ieunesse, qui volontiers fuit le labeur a leur party.

Il est bien vray que ces instituteurs des Soldats des Muses, ont fleuri au commencement, mais c'a esté avec la corruption de la ieunesse, ruine & destruction de plusieurs grandes republiques. Estant les ieunes gens detournez des armes & de l'art militaire, pour se iouer à l'aise de comedies Tragedies, ou pour mieulx dire des farces telles, que nous voyants des badins Anglois qui se mocquēt mesmes de ceulx qui y despēdēt l'argēt, L'art donc militaire, venant ainsi a s'amoindrir, avec l'accroissement des

lettres : en est aussi peu a peu defailly la force (chose assez deplorable) avec l'issue d'une ruine generale, comme on le peult demonstrier par plusieurs milliers d'exemples. Par semblables professeurs & professions sont ruinez les Lacedemoniens, les Romains, voire quasi toutes les provinces, villes & republiques, qui ont cherché la vertu, noblesse, & immortalité. Considere le seul exemple de la Monarchie Romaine : quelle est la cause de sa decadence ? Non aultre que celle-cy : Que les Philosophes & languarts Orateurs, comme Ciceron & aultres ont voulu gouverner la republique de leurs plumes, la remplissants de liures avec l'abolissement des armes, & de l'art militaire. Dont la ieunesse trouuant l'exercice plus aisé, deposant les armes, commença iouer des plumes, & fantasstiquer sur les arts liberales, iusques a enseuelir l'art militaire d'un honteux & pernicious oubly. Quelle est la cause de ceste debilité de la Chrestienté, tant trauaillée pour le present du Turc ? & d'où vient a niché si auant en nostre Europe ? Non aultre que celle-cy, ascauoir que ces Philosophastres Academiques, appellant la ieunesse au camp des Muses, a si bon marché ont desolé celuy de Mars : & en lieu des armes tant honorables, que viles & necessaires luy ont mis des plumes, & des caiers remplis de leur foles & inutiles resueries entre les mains. Et voy iusques ou ces pedants se sont auancez : Ascauoir que les plus beaux & plus nobles esprits se sont rendus semblables a eulx : & en lieu des braues soldats, nous ont remply le monde de faineants de noble langue. Considere ie te prie, Amy Musan, le mespris, auquel pour aujour-d'huy se trouue la noblesse ; que plusieurs personnes d'estat des Princes, Contes & plusieurs Nobles Cheualiers croupissent es escholes, pour apprendre & enseigner l'A.B.C ? Voy l'Ecclesiastique remply de plusieurs milliers de grans & nobles personnages, qui ayants oublié leur estat, & l'honneur de leur ancestres, & lieu de la cuirasse, se vestent d'un malheureux frocq, en lieu de la discipline militaire, en laquelle leurs peres ont vescu honorablement, se vaultrent comme pourceaux en toute immondice, seduits seulement en leur ieunesse par les tromperies de ces clamants, & persuadez, que la vertu & l'honneur s'acquierr a l'ombre en la chaleur du four, en tel aise ? Mais quel en est le fruit ? Nous l'auons veu passé quelques centaines d'armees, ascauoir que la Chrestienté en est quasi toute corrompue : & est merueille (si nous n'y recognoissons la Prouidence admirable de ce bon Dieu, qui nous entretient & soustient, sans aucun nostre merite) qu'il nous reste encor un seul pied de terre pour la demeure & repos des Chrestiens. Et de fait non sans grande raison. Car regarde les guerres passées d'Hongrie ; comment ont elles esté menées ? Certes en telle maniere qu'il a bien de quoy se plaindre. Les plus nobles & vaillants esprits, ont esté enuoyez & entretenus es escholes, cloistres & prelatures, & en lieu d'iceulx on s'est contenté d'un grand nombre de lourds rustauts & villageois ignorants & sans aucune cognoissance de vertu & integrité : qui opposez a ces barbares, ne pensent la plus part a aultre chose que leur solde au butin, ou a vne honteuse fuite, s'il y a du danger. Combien penstes tu qu'on trouuerait des personnages nobles, reclus es cloistres ? & au contraire quel petit nombre en trouuera on en campagne ? Et quelles pertes s'en sont ensuiuies ? De tout ce cy, ces pedants & recommandeurs des arts & Muses, en sont la cause,

la cause. Et se pallient encor cauteleusement, que la parole & honneur de Dieu en est auancé : mais plustost, pour dire le vray, empesché : veu que ces bons & nobles esprits plus propres aux armes qu'aux plumes, enyures d'oyssièreté & de paresse, commencent ordinairement (je m'en rapporte a l'expérience) a songer & resuer sur des questions & disputes curieuses & inutiles, par lesquelles l'Eglise de Dieu est troublée, la parole tirée en doubte, & plusieurs simples scandalizez. Certes le nombre de semblables est si grand, que je ne doute nullement, que les ayant tous assemblez, on en feroit vne armée bastante, non seulement pour resister au Turcq, mais aussi pour l'en chasser de son propre territoire : comme je te le monstreray plus au cler en vn aultre & plus propre endroit.

Musf. Certes amy Martin je t'oy avec singulier plaisir : & vouldrois que tu passasses auant en ce discours : mais sur ta promesse, j'en auray la patience, iusques a la fin de nostre propos. Or as tu demonstté aulcunement, que les sept art liberales, ont leur origine de l'art militaire ; qu'au commencement elles estoient ioinctes ensemble, mais qu'a la fin la paresse en a fait le diuorce : Montstre moy aussi si l'art militaire a tels principes, parties regles & preceptes, comme nous auons en nos escholes, & de nos arts liberales.

Mart. Je le feray volontiers, avec ceste assurance, qu'en toutes arts, sciences & facultez, tu n'auras (excepté la Theologie) iamais veu ne ouy des principes, regles & preceptes plus veritables & assurez & parfaits (sans tant des exceptions & appendices ou arriere boutiques) comme elles sont en l'art militaire. Comme, Dieu aydant, tu le verras, quand au quatriesme liure je mettray en auant toute l'art, avec les regles & preceptes de chascune de ses parties, pour satisfaire aux esprits amateurs de ceste tant noble science. Cependant tu feuilletteras quelque peu les auteurs, qui en ont escript, pour veoir s'ils ne font mention des principes, parties, regles & preceptes aussi bien ceulx qui ont escript des arts liberales.

En l'art de l'Infanterie, tu as vne partition ; en laquelle premierement tu vois les principes ou elements pour l'exercice d'icelle, ascauoir le maniemment de l'arquebus & musquet. Puis, comment on tire par files & rangs. Tiercement, le maniemment de la picque. Pour le quatriesme l'exercice de toutes deux armures. La cinquieme partie montre la bataille ordonnée d'une enseigne. La sixiesme, la bataille d'un regiment entier. Et ainsi des autres parties desquelles chascune a ses regles & preceptes, par lesquels elle est produicte a sa perfection.

Au second liure de la Cavallerie, tu as aussi ses parties, & les regles & preceptes de chascune.

Au troisieme & cinquieme, tu verras aussi les parties avec leur principes regles & preceptes, mises aussi par ordre, & expliquees au liure quatriesme.

De sorte, que pour retourner a nostre propos, les arts liberales sont issues des escholes militaires, dont avec le temps les Philosophes ont emprunté les regles & preceptes, comme ils auoyent veues en icelles. Or n'y traittoit on au commencement que des moeurs, & en estoient proposez les preceptes tant en Grece qu'en l'Italie, & langues naturelles des pais : la ou maintenant pour estre instruits en ces arts, il y fault tant de tēps & de

& de labeur, sans les despens, que cest vne pitié d'y veoyr fner la jeunesse en ces deux langues; & ce sans aucune necessité. Car toutes ces arts, & les facultez mesmes se pouuoient enseigner & apprendre en nostre langue Allemande & materielle, comme on voyt en France, qui á toutes les arts & facultez, & toute la Philosophie avec louange en sa propre langue, & y sont enseignées publiquement. Et nous Allemans nous amusons & tourmentons tant apres la Grecque & Latine, comme si nous n'auions vne langue si entiere & parfaicte pour y pouuoir expliquer ces arts, que les aultres nations: & singes que nous sommes, trauaillants apres icelles, nous oublions la nostre, & ce qui nous estoit plus vtile & necessaire.

Certes nous en aurions plus d'honneur & de louange, que les arts & sciences, puis que nous les estimons necessaires, se vissent & peussent entendre en nostre langue materielle, pour y gagner pour le moins la meilleure partie du temps, & l'appliquer a la milice, qui n'est de moindre, ains de plus grande vtilité & necessité.

Ioint qu'en ce siecle tant heureux on nous fait, ne scay quelle esperance d'une Inuention, pour pouuoir apprendre toutes sortes de langues en six mois de temps. Mais j'ay belle peur que ce ne seroit au profit de nos Academiques. Mais aussi il me semble que s'ils commençoint a proposer en langue materielle, les choses qu'avec si grande apparence & labeur ils traictent en langues estrangieres, eulx mesmes en auroient honte. Et de fait si vn idiot, non toutes fois despourueu de bon sens, montoit auourd'huy en leur cathedres pour expliquer vn Terence ou Virgile, ou Ouide avec si grand soing & solennitez, que sont ces docteurs de nostre jeunesse, en langue Allemande; je n'ay aucune doute, que tous ceulx qui l'oreroient, voire ces bachilliers & Maistres mesmes, l'estimeront estre fol. Ioint que non sans raison je demande si ces auteurs, qui sont tant machez & remachez a nostre jeunesse & avec telle perte de temps & despens, sont dignes d'estre leus & estimez entre les Chrestiens: certes je dis qu'il vaudroit miculx qu'ils fussent tous abolis & jettez au feu. Car quels sont les fruits de crainte de Dieu, de vertu & d'honesteté qu'on en peut racueillir? Je n'en diray dauantage, m'espargnant, Dieu aydant, pour quelque aultre occasion. Seulement r'assure, que si vn de ces auteurs resuscité des morts, vid & entendit avec quelles solennitez, labeurs & sueurs nos Academiques traictent & proposent leurs Muses, cest a dire leur fables & folies, desquelles ils se sont seruis, comme de quelque recreation; laissant cependant & ne se souciant de ce qui estoit de leur plus serieuse occupation, ascauoir l'art militaire, comme nous auons monstre cy deuant, que les plus grans Philosophes s'y sont occupez, sans doute aucune, il se plaindroit de la trop grande folie, voire vilaine ingratitude de nostre siecle. Et non á tort: car du plomb de leur folie; nous voulons puiser sagesse, de leurs fables & inuentions d'esbat, nous voulons distiler comme bons Alchymistes l'or de la verité: & quant a ce qui nous debuioit estre plus precieux que l'or mesme, nous n'y penson pas vne fois.

Et si quelque Allemand, ou d'aultre nation, eust presenté á ces sages du passé quelque poeme, comedie ou tragedie, ou aultre semblable escript en la langue materielle, le recommandant de telle dignité & vtilité, pour estre expliqué en leurs escholes: que penses tu qu'ils en eussent dit?

Voyla

Voyla Amy Musan, iusques ou nous sommes transportez par la fraude & astuce du diable, qui a basti ses escholes entre nous; que delaissons la verité celeste, & nostre bien, nous nous amusons es fables, inuentions, poesies & folies des payens, & les proposons a nostre ieunesse avec si grands labours, & solennitez & parades, comme si c'estoient des saintes reliques. Ne diroit on pas que nous sommes plus grans fols & idolatres que les gentils mesmes?

Car je te prie encor, encor vne fois, regarde avec quelle admiration, louange & honneur semblables farras sont traictez (aussi mesme des Theologiens) en nos Academies. Les auteurs sont appelez Lumieres, Dieux, & leurs escripts esleuez iusques aux cieulx, & ce avec telle impudence, que celuy qui scait mieulx priser les auteurs payens de sa faculté, voire iusques a leur donner place entre les esleux de Dieu (ce qu'on oyt d'aucuns Theologiens) est estimé plus docte & lettré, que les aultres, qui retenus peult estre par quelque sentiment de conscience, y sont aucunement moderez. Si cecy n'est vne bien lourde Idolatrie, je confesse ne scauoir que c'est d'Idolatrie.

Certes c'est vne Idolatrie bien grande & lourde, que le diable par ses ruses & cautelles tant auancé, qu'il l'a aussi fait glisser en nos escholes, afin que la rendre ieunesse, de son naturel encline aussi a ce peché, ne faillit d'en estre embeüe de bon'heure. Chose bien deplorable: mais aussi digne d'admiration, quand on voudroit rechercher pourquoy ce Grand & Bon Dieu donne tant de permission au diable, de tromper ainsi & seduire tant des milliers d'ames. Et d'ou est ce, je te prie, qu'on voit auourd'huy le Royaume du diable tant auancé & accru entre les Chrestiens? dont sont prouenus tant des schismes & heresies, tant de debats en l'Eglise de Dieu, si non (pour le moins en bonne partie) de ces arts liberales, & de la Philosophie, de laquelle l'Apostre S. Paul nous aduertit, tant instamment de nous en donner garde. Et certes depuis la cheute de nos premiers parens, il n'y a plus propre moyen & pratique, pour auancer la perdition du reste de leur posterité, que celle cy, ascauoir l'inuention, & recommandation de quelques arts pretendues liberales.

Car comme esprit tresmalicieux & fraudulent, sachant que les Chrestiens du Nouveau Testament, gouvernans leur escholes & synagogues, a la façon du peuple de Dieu en l'Ancien, selon la parolle receüe des Prophetes, & les loix tant Ecclesiastiques que politiques donnees par Moÿse, qu'il y auroit tresgrand auancement du Royaulme de Dieu, & destruction du sien: il s'est incessamment trauillé pour y introduire ses arts liberales, afin que par icelles ils fussent detournez de l'ordre ancien & tant salutaire. Et ce contre la tant serieuse & diligente ordonnance de Dieu. Car Dieu mesme ayant proposé des ordonnances & statuts tant Ecclesiastiques que Politiques, meilleurs & plus propres, que nous n'aurons iamais, & si parfaits & accomplis, que parmy tous les peuples de la terre, il n'y a des semblables: a visé non seulement a ce bout, qu'ils en soyent distinguez de toutes aultres nations; mais aussi que son peuple n'eust occasion, d'en chercher & apprendre des gentils, de peur des entascher aussi de l'Idolatrie d'iceulx, l'aduertissant mesme des'en garder.

Laquelle ordonnance & aduertissement debuoir bien estre remarquée

des premiers Docteurs du Nouveau testament, tout au commencement, pour se garder des loix & ordres & ceremonies des gentils, aultant comme de l'Idolatrie mesme. Entre lesquelles choses les sept arts liberales inuentees d'eulx ne sont du moindre danger: introduictes toutesfois avec si grande apparence, & receues avec si grand zele; sans toutes fois aulcune necessité. Car encor qu'on mettroit tous les Sages, Legistes, Docteurs, Philosophes, avec toutes leurs arts & sciences ensemble, si ne pourroient ils, iout aultant qu'ils sont, trouuer & donner des loix & statuts plus simples, propres, conuenables, viles & parfaicts, que celles qui sont proposees au Vieu & Nouveau Testament. Et croy moy, que si ce Grand Dieu, seul sage, Legislatteur tresparfaict, & fidele auteur & fondateur de toute bonne ordonnance, y eust desiré plus d'artifice & apparence mondaine il l'y pouuoit aussi monstrier, & n'y feroit defence si diligente du contraire: de peur que son peuple y trouuant quelque goust, n'en fut si dange-reusement corrompu.

Mais le diable, ne pouuant par ses ruses & fineses, induire ceulx de l'Ancien Testament a courrir apres la sagesse, loix, statuts, meurs, & disciplines (entre lesquelles choses je conte a bon droit vos arts liberales, lesquelles aussi bien en ce temps la) des gentils: il en est venu avec grande ruine des Chrestiens (Dieu ayt pitie de ceulx qui y sont surpris en leur simplicité) a bour au Nouveau Testament, nous faisant payer bien cher nostre curieusité, ascauoir a perte des armes. De sorte qu'a bon droit on pourroit exercer & mauldire, celuy qui suiuant le malheureux dessein du diable, a esté le premier a les enseigner & recommander entre les Chrestiens.

Et de faict, ce serpent cauteleux scauoit bien, que les Chrestiens du Nouveau Testament se contentants des loix, statuts, ordonnances, voire de la sagesse Diuine, qui leur estoit suffisante pour toutes arts & sciences, comme on fit au Vieu Testament; son regne n'en prendroit aucun accroissement: Les a assailly tant plus instamment, leur proposant ces choses nouvelles, pour se maintenir & soy & son regne. C'est pourquoy l'Apostre nous aduertit tant instamment, qu'en ce dernier temps nous nous donnions de garde, non seulement de son gran corroux, mais aussi de ses rutes & fineses: desquelles, ne pouuant par force du glaue des tyrans & persecuteurs raser les fideles du tout de la terre, & mesme que par la persecution raffinez, comme l'or en la fournaise ils alloint tousiours croissant; il les a assailly par la Philosophie, laquelle par ses prattiques & si subtiles menées, il a en fin introduit en l'Eglise, & recommandée iusques a l'esgaler a la parole de Dieu mesme, sans estre ou a gran peine apperceu: comme je te le demonstreray plus au cler en son endroit. Mais d'aultant que ceste matiere est hors de nostre propos, duquel je me suis, & le confesse, esloigné quelque peu plus que de raison, sans esgard de regles & de la dialectique & Rhetorique, je te prie de ne le prendre de male part, y estant transporté par la consideration de la malice & peruersité de nostre siecle.

Mus. Et que serace a la fin? Et enchasseroit on a ton aduis, les arts liberales tant mesprisées & mauldites aussi de toy avec leurs inuenteurs & Professeurs, des escholes & Academies? Quel desordre? quelle ignorance plus que barbare en ensuiuroit?

Mat.

Mart. Je ne dis pas, mon amy, que les sept arts liberales cessent es Academies : Aussi ne les veulx je mespriser : je ne parle que de l'abus & prophanation des dites ars, & de ceulx, qui en sont trompez & seduits. C'est pourquoy j'y adiouste ce mot en partie. Et dis que ces arts, & sciences ascauoir Grammatica, Dialectica, Rhetorica, Ethica & Physica, doibuent estre enseignees es escholes, ainsi qu'on les y enseignoit deuant enuiron 4000. ans, & deuant la venue de Christ es Synagogues, & comme aussi Christ mesme, comme grand Professeur de la sagesse Diuine & celeste, les y a traitées : Lequel quand il vouloit enseigner le peuple, n' vsoit de la Dialectique ou d' Aristote, ou de Rame, ne de la Rhetorique de quelque aultre renommé de cest art : aussi ne mettoit en auant Virgile, Ouide, Ciceron, Platon, Caton, ou aultres semblables saints canonizez en nos escholes : mais il mettoit en auant les escripts des Prophetes, & l'explication simple d'iceulx il monstroit son art & science plus fidele qu'opereuse, & apparente ; comme on auoit de coustume de faire au Vieu Testament : auquel nonobstant ceste simplicité, le diable auoit fait glisser les schismes & sectes des Phariseens, Saduceens & Esséens, par le moyen de la Philosophie & arts liberales.

Si doncq tu demandes d' auoir en ton eschole les arts liberales, y desiers tu d' auoir grandes sciences, grans & haults mysteres, tu les y peulx auoir, les prenant du Vieu & Nouveau Testament, ausquels tu trouueras assez de la besoigne, & plus qu'entre tous les Philosophes qui ont esté des le commencement du monde iusques a present. Et si tu ne scais, ou elles sont proposees avec leur regles & preceptes particuliers au Nouveau Testament, je suis content de te les demonstrier, mais en aultre temps.

Mais de ce que tu dis, que ce seroit l' occasion d' vne ignorance plus que barbare en la Chrestienté : j' en dis tout le contraire : voire t' assure que par ce moyen, la barbarie introduicte en la Chrestienté par des inuentions, arts & dogmes friuoles, en seroit ostée & chassée. On y auroit au lieu de tant des problemes Sophistiques, tant d' apparence de sagesse, la sapience de Salomon, des Prophetes, de Christ, & de ses Apostres, en place de la Dialectique d' Aristote, celle de l' Apostre S. Paul. En lieu des Loix ciuiles & Canoniques, de tant des Commentaires d' vn Bartholus, & Baldus, & aultres. La loy de Dieu donnée par Moysse, les commentaires des Prophetes & Apostres, esquels tous les droicts & ciuils & Ecclesiastiques sont traités & expliques a suffisance. Et n' auôs besoing de Bartholus ou Baldus qui ne sont Legislatours de l' Eglise de Dieu, prouuée par Dieu mesme des loix plus sages & saintes, que tous les Legistes du monde ne pourroint trouuer ou donner.

Mus. Les escripts des Philosophes Greqs & Latins sôt proposees es escholes a la ieunesse, d' autant qu' ils sont plus purs en ces langues, & afin que la dite ieunesse les y puisse tant mieulx apprendre, en puisant la cognoissance des fontaines plus pures & saines, avec les sciences mesmes qui y sont cōprises. De sorte que celuy qui á quelque iugement, ne peult mespriser ceste maniere d' enseigner & arts, & langues ensemble, comme singulierement propre & profitable, Mais qu' en dis tu Martin ?

Mart. Ce n'est qu'un manteau & couverture des Academiques. Et ne sçais tu que la parole de Dieu, tant riche en toutes doctrines, arts & sciences, se trouue en tous languages qui sont au monde ? Car depuis que Ptolomée Philadelphie, Roy d'Égypte la fit translater par septante & deux interpretes en langue Grecque, tout le monde en est venu à la cognoissance. Et comme le Vieu Testament a esté escript en Hebrieu pour les Iuifs, le Nouveau en Grecq pour les Gentils, ainsi par la grace de Dieu, & le soing de nos ancestres, les auons nous tous deux, chascune nation, & mesme nous Allemans, en sa langue naturelle ; de sorte que pour en auoir l'intelligence, nous n'auons pas besoing de ces langues estrangieres.

Comme fait on pour le present en France, en laquelle on ne se soulcie de la langue Latine, y ayant les arts liberales avec toutes aultres sciences & facultez, & y estant proposees, traittees & expliquees publiquement en sa langue naturelle ? Et pourquoy ne pourrions nous faire le mesme en nostre langue, aussi riche & parfaite qu'aucune des aultres qui sont au monde. Ou bien puis qu'on veult entretenir les langues, il faudroit mieulx d'employer le temps en l'Hebraique & Grecque, principalement pour les estudians de la Theologie, esquelles le Vieu & Nouveau Testament sont escript originellement.

Mus. J'entens bien ce que tu veulx dire : a sçauoir qu'es Academies avec les aultres arts & sciences, on fit aussi profession de l'art militaire. Ce qui ne se fera iamais. Et quelle confusion, de proposer tantost les bonnes lettres, tantost les armes ? De ceste façon, il faudroit que tous les Professeurs fussent premierement soldats : qui est vne chose absurde & ridicule. Fais en l'esprouue, & tu verras comment tu y seras receu.

Mart. Vrayement tu m'as bien entendu. Qu'il se face, ou non, je ne m'en soulcie, moyennant que de bon coeur & conscience, j'en aye dit mon aduis. Mais de la confusion, dont tu as si grande peur, il n'y a a craindre. Car combien que les Professeurs demeurent chascun en son estat & condition, si ni auroit il aucune difficulté de cōioindre des deux camps, de Mars & des Muses, comme ils estoient du temps de la fleur des Monarchies : & sans doute de ceste heureuse & agreable coniunction, comme de Mary & de femme separez a tort si long temps, la vieille milice en seroit remise sus, avec vne generation de plusieurs preux & nobles Esprits & Cheualiers.

Musan. Voire : Mais par ce moyen, les armes & les lettres estants traittees ensemble es Academies, on y trouueroit plus des soldats que des estudiens : & plusieurs parens trompez, qui attendants des Docteurs ou politiques ou Ecclesiastiques, en receburoient des soldats. Chose qui sans cela n'aduient que trop souuent.

Mart. C'est cela que je pretens. Car quant aux Docteurs & gens de lettres il y en a que trop au monde, qui se mangent l'un l'autre, en sorte, que maint grand Docteur & sçauant personnage est contraint de se sustenter de si pauvre solde, que mesme vn valet d'estable ne s'en voudroit contenter. Et quel profit pour le reste ? Certes s'il n'y en auoit tant, il n'y auroit autant des disputants, clamants, guerriers a l'ombre &c. se persecutans les vns les aultres avec plus grande cruaulté, que ne font les plus barbares en

en leur guerres : & au contraire il y auroit des bons & preux soldats a suffisance, pour s'opposer a tous ennemis : accoustumez selon la discipline Grecque & Romaine, au manient des armes, & esleuez en icelles des leur jeunesse. Ioint que les parens, se trouuants, comme tu dis, trompez, n'auroint de quoy se plaindre, s'estimants, singulierement heureux d'estre peres des Esprits si nobles, genereux & heroiques. Cependant je concederay aussi cecy, ascauoir, que les guerres deburoint aussi estre gouvernees & menees autrement, qu'elles ne sont pour le present : car autrement il n'y auroit ne ordre ne honneur.

Musan. Je voy bien, qu'aussi en ce poinct, tu voudrois aussi introduire vne nouveauté, comme vn certain Ratichius, pretendait vne nouvelle didactique, ou maniere d'enseigner. Et me semble, qu'il y a bonne correspondance entre vous.

Mart. Tu me charges a tort, de vouloir introduire quelque nouveauté. Car ce que je dis & pretens n'est poinct nouveau, ains tres ancien, & pratiqué depuis le temps des Lacedemoniens & des Romains, avec grande vtilité. Dont je voudrois le pouuoir reduire & mettre sus entre nous, & par toute la Chrestienté. Et quant au susdit Ratichius, je confesse d'estre desireux de sa familiarité, ou amitié, comme d'vn personnage tressage, qui ne cherche autre chose que d'auancer les bones lettres & toutes autres sciences, sans ce penible, laborieux & trop precieux detour, auquel & peres & enfans, sont trauallez a present avec grande perte du meilleur temps de la jeunesse, & l'argent qui y est despendu. Et combien qu'il soit chargé de l'enuie de plusieurs, si est ce que la verité demeurera tousiours verité, & son dessein treslouable. Et il dit, comme vn personnage singulierement scauant (pleut à Dieu que son dire fut receu avec telle foy & zeile, qu'il le propose & auance deuement de tous Princes & Seigneurs & autres qui en ont le pouuoir) que les arts liberales & toutes sciences, & facultez se peuuent traicter & enseigner en nostre langue maternelle, aussi bien & mieulx qu'en la Latine ou Grecque. Et dit verité. Ces langues ont esté originelles & maternelles a ces peuples la, aussi bien qu'a nous l'Allemande : de sorte qu'ce n'est qu'une maniere de rage, ou pour le moins, default de bon sens, qu'on se laisse tant trainer des Academiques, avec si gran labour & despens, apres ces langues estrangieres, pouuant auoir tout ce qu'ils pretendent, en nostre propre langue. C'est le desordre & fole perte & de temps & despens, que le dit Ratichius a remarqué es escholes & Academies, y cherchant le remede.

Je te prie, pourquoy ne pourrions nous aussi bien traicter les arts & disciplines en nostre langue, que les Gentils en les ont traictées en leurs langues maternelles? Et regarde comment ces Academiques nous ont pris sous le ioug des gentils, pour apprendre d'eulx les arts pretendues liberales, mais non liberales, ains captiues en leur langue? Et quelle fraude ou enuie, de nous promettre des arts & sciences tant vtils, mais en langue estrangiere, en laquelle ils ne peuuent estre entendus si bien, que commettans quelque faulte, ils ne trouuent tousiours quelque trou d'ambiguité, par lequel ils eschappent, & nous suspés en disputes? & n'est ce poinct vne malice & enuie damnable, qu'on entretient la Chrestienté par des sciē-

ces tant vtilles, mais cachees, en vne langue incognue : la ou les propofant en la propre langue de chascune nation, tout le monde s'en pouuoit feruir?

Musan. Tout bellement, tout bellement Martin. Car si tu cries trop hault, & que nos Academiques oyent ceste tant lourde & malgracieuse chanson: tu sentiras plus des plumes contre toy dressees, que tu n'as des cheueulx sur ta teste.

Mart. Ha, Ha. Je me ris de moy mesme, j'estoy si attentif, attendant la menace de quelque grand combat, duquel je serois assailly, de sorte que j'en commençoy sentir quelque apprehension. Et a bon droit me ris, dece que je m'espouuantois si facilement, attendant d'estre menacé de coups de canon, musquet, picque, lance, ou d'autres semblables armes : mais va bien que ce ne sont que plumes. Tu parles certes comme vn soldat (tels que vous estes tous) des plumes. L'encre est vostre pouldre, la plume est le Canon, musquet & picque. Armes bien ridicules. Mais vien vn peu au camp Mars, je t'en monstrey des autres manieres des vrais soldats & non faincts, comme vous autres.

Mus. Je ne veulx plus estriuer sur ta milice : Soit A R T ou non, je ne m'enfoulcie trop, estimant plus nostre camp auquel nous deuenons vieulx : la ou au vostre la plus part meurent en leur ieunesse, & sur l'apprentissage. De nostre part n'y a si grand danger. Toutesfois poursuy ton propos commencé, de demonstrier que l'art militaire surmonte les arts liberales, & toutes autres sciences qui sont au monde.

Mart. Je le feray simple & rondement a la soldatesque, & comme je l'ay appris sans beaucoup des paroles & ambages, & sans les argutations & sophistries vsitees en vos Academies. Mais quant a toy, si tu ne trouues ma maniere de discourir trop au goust des Academiques, comme bõ Philoſophe & vsité & semblables choses, tu les mettras par meilleur ordre, afin qu'ils ne s'en degoustent, deuant que de m'auoir ouï & entendu.

Et pour le premier. Je dis : Que toute art & science, qui pour estre bien comprise & pratiquée, requiert plusieurs autres sciences particulieres, est plus haulte & estimée, que les dites arts ou sciences dont elle se sert.

L'Art militaire requiert plusieurs autres arts & sciences,

Ergo L'Art militaire surmonte de beaucoup les autres arts & sciences.

Or est ce vne chose claire, que l'art militaire, se sert de plusieurs autres arts. Car pour la biẽ pratiquer, il fault estre bon & parfait Arithmeticien pour repartir vne armee en ses esquadrons, troupes, files & rangs. Et s'il n'est bien iuste en sa calculation; iamais il n'en vindra a bout. Et voyla l'Arithmetique Pour exemple: Ayant vne armée d'un, 2. 3. ou plusieurs mille soldats, desquels il faudroit en haste faire vne bataille, quarrée, ou longue, ou large, ou estroite, ou poinctue, ou ronde, ou de quelconque sorte que l'occurrence la demande, il se seruira de l'Arithmetique, qu'elle en monstre le repartissement.

La Geo-

La Geometrie luy sert aussi de guide en l'art de fortification, sans laquelle il ne s'y peult entendre, ou employer avec quelque profit.

Ainsi en est il aussi des autres arts & sciences. Car le soldat se sert de toutes. La Rhetorique luy sert grandement, & souvent luy est d'importance singuliere, comme j'en pourrois alleguer plus de mil exemples. Et de fait il y a maint brave Capitaine, qui par vne oraison ou harangue bien ordonnée & proposée en temps fera plus envers ses soldats, voire aussi envers les ennemis, qu'un autre par le grand effort de ses armes.

La Jurisprudence est aussi grandement estimée en la milice, & pratiquée avec grande sincerité. Car en vne si grande diversité des accidens qui se presentent en guerre, nous y avons tousiours la iustice assuré, mieulx qu'es villes & cours, sans aucun fard: ne aussi danger de la bonne cause. Comme je te le monstreray en son lieu.

Je ne me veulx icy amuser aux particularitez des autres arts liberales. Et pour alleguer toutes les Mechaniques, & monstrer comment le soldat s'en sert, il y faudroit bien du temps, & a gran peine en troueroit on vne seule, qui ne soit seruice, sans celles qui sont propre & vniquement occupees a la forge de ses armes. Et voyci le premier argument pour l'excellence de l'art militaire, par dessus toutes les autres.

Pour le second: Toute science qui engendre les plus grands honneurs & dignitez par laquelle on est avancé aux offices plus honorables, & on acquiert grand accroissement de reputation (excepte tousiours la Theologie) est la plus excellente & plus haulte, & de tous a bon droit plus estimée.

L'art militaire engendre les plus grans honneurs &c.

--Ergo.

Et qu'ainsi soit, c'est vne chose claire & assurée de tout le monde. Car tous Empereurs, Rois, Princes, Contes, Barons, Cheualiers, nobles, villes, Gouverneurs & tous officiers, ont leur origine de la milice.

Ce que jamais tu ne me direz de tes arts liberales. Car combien que tu prendrois & employerois toutes tes Grammaires, Dialectiques, Rhetoriques, & tout le de quelconque nom, tu n'en feras jamais un roy, ne autre telle personne d'estat. Bien en feras tu un bon Bachillier, Maistre &c. bon pedant pour tourmenter la jeunesse, mais au reste inutile a toute autre charge.

Musan. Quel profit y a il doncq au monde des soldats. Voire je te monstreray, que ceulx qui ont esté esleuez aux plus grandes dignitez, y sont parvenus par le moyen des arts liberales, & que sans icelles jamais ils n'y eussent aspirer.

Mart. Ne scais tu, amy Musan, comment il fault distinguer entre les moyens, par lesquels on acquiert quelq; chose, & la chose mesme? Les arts liberales & les sciences sont bien des moyens assez propres & conuenables pour paruenir aux honneurs, & cependant ne sont les honneurs mesmes. Voire je te dis aussi que les arts liberales ne sont seules les moyens, ne moyens suffisans: Et te pourroy alleguer plusieurs Rois, Princes, Seigneurs & autres

autres accrus de grande reputation par l'Art militaire seulement, sans auoir aucune cognoissance de tels arts liberales.

Pour le troisieme, Toute art ou science qui requiert plus de peine & labeur, frais, diligence, & soing, pour la comprendre, est a bon droit preferée aux autres.

L'Art Militaire requiert plus de peine &c.

--Ergo.

Et qu'il y fault plus de peine & labeur, frais, diligence & soing a la pratique de l'art militaire, qu'es arts liberales: il est tout asseuré. Car considere, je te prie, de combien de diuersitez le soldat est occupé, tant en hyuer qu'en esté, soit en Campagne, ou en guarnison.

S'il fait profession de bon soldat, il fault, qu'il sache des le moindre poinct jusques au plus grand, tout ce qui est de sa charge. Il fault qu'il sache tous les elements, & ce qui est du maniement du musquet. Il fault qu'il soit bien iuste au tirer. Il fault qu'il sache proprement vser de ses armes, soit contre la Caualerie ou Infanterie. Il fault qu'il sache avec grande prudence ordonner ses batailles & se maintenir avec grande dextérité tousiours sur ses auantages au combat. Il fault qu'il sache bien ordonner son train au marcher. Il fault qu'il sache bien ranger ses files & rangs, pour les serrer & ouurir a propos & selon l'opportunité, les tourner a dextre, fenestre, ou de quelconque sorte que la necessité le requiert. Il fault qu'il sache proprement accommoder ses armes, soit a la defenſiue ou a l'offensiue. Il fault qu'il sache comment il doit gouuerner toutes ses guettes, gardes, corps des gardes, sentinelles simples, doubles, de nuit, de iour ordinaires, extraordinaires &c. soit a cheual ou a pied. De iour il est chargé de ses armes, de nuit il veille, en la pluye, au vent, en froid, en neige, en tempestes, & autres incommoditez, auxquels tousiours il s'accommode avec grande prudence & patience.

Il fault aussi qu'il soit accoustumé au travail. Car souuent il fault prendre la pale, hoyau, pic, serpe, hache ou coignée en main. Il y a des fosses a faire, de ramparts a demolir en haste; il y a des tranchez, retranchements, des mines & des galeries, a faire ou a destruire par contremines. Il a des forts, bouleuarts & des aproches a faire, ou pour ruiner le camp ennemy, ou pour sauuer & garder le sien. Il y a aussi aucunes fois des surprises & entreprises, esquelles ils y doit mettre ou par force, ou par subtilité & prudence militaire.

Il scait comment bastir ses tentes, cabanes, maisons, eschelles, ponts, & autres semblables oeuvres de charpenterie.

Il a l'intelligence de l'artillerie; comment on en vse en bataille, siege, defense & offense. Il en scait les mesures & proportions requises; il cognoist la force de sa portee, de balles chaudes ou froides.

Il a la science des feux artificiels pour en assaillir & tourmenter son ennemy, soit es villes & forts, ou en campagne. Tous lesquels exploits, ne sont sans grande science & artifice. En somme pour raccompter toutes les diuersitez des faits & occupations militaires, accompagnez de grande subtilité, prudence, science & dextérité, il en faudroit faire vn traité a part.

Et

Ercecy quant aux labeurs. Quant aux frais: Ne fault il pas qu'il soit pourueu d'un bon harnois, & armé de toutes pièces, d'un bon cheual, & de toutes aultres necessitez. Combien des pertes y a il aussi, de sorte que plusieurs milliers des grans personnages, y employēt s'tous leurs bien, avec le hazard de les perdre tout au commencement. Ioinct que pour mettre en compte les despens de l'apprentissage de cest art, il y faudroit aussi plus de papier. Mais le bon soldat est si noble, qu'il ne se soulcie de tout cecy ayant pour le bout de tous ses labeurs, dangers & pertes, insques a la vie mesme, son honneur & reputation. Il y a tel, qui sort de sa maison bien monté & équipé, & retourne a la maison tout nud & harassé, y ayant souuent laissé un bras, main, iambe ou pied pour les gages; soulagé seulement de l'honneur acquis par sa prouesse. Il y a tel, qui y employe tout son patrimoine, non point en banquetter, jouer, ou aultres excès, comme tu disois tantost: mais l'achept d'aultres cheuaux & armes, ou bien, estant pris, en la rançon de son corps & de sa vie: n'en attendant aultre salaire, que la bonne & honorable memoire de sa vaillantise, qui s'entend mesme sur la posterité.

Et pour te raccompter par le menu, tout ce qui se passe en la milice, tant terrestre que maritime, quels traualx, artifices & stratagemes s'y exercent: ce seroit iamaïs acheuer.

Pour le quatriesme: Les arts qui ne s'apprennent, sinon par grand labour & frais, voire avec le hazard de corps & de vie, sont de plus grande estime (exceptée derechef la Theologie, receüe, approuvée, & auancée par beaucoup plus de peine & dangers que nul l'autre) que toutes les aultres arts & sciences du monde.

L'Art militaire ne s'apprend &c.

--Ergo.

Des frais & labeurs nous en auons dit quelque chose au precedent, & en seroit la repetition odieuse. Mais quant aux dangers & hazards, il y en a des exemples en gran nombre, qui sont tres euidents. Et aduient aucunesfois, en moins qu'une heure ou deux, il y en quelque milliers, a l'espreuue de leur vie, tendus en la campagne, & montrants qu'on n'y ioue point de plumes, mais des armes plus fines & penetrantes: & n'en doute point qu'en ayant ouy les nouvelles, tu en auras senty (comme vous aultres homes amolis par la liberalité de vos arts) quelque apprehension.

Je ne diray mot icy du grand danger des ryrons & amateurs de cest art, es sentinelles, soit de nuict ou de iour. Combien y a il des sentinelles perdues, aux approches de l'ennemy, soit en campagne, ou en un siege de quelque place: ou aucunesfois ils ne se peuent tenir droicts & en pied, ains font leur office, couchez tout plat en terre sur leur face, en la pluye, neige, gresle, tempeste, sans oser bouger de leur place: attendants tousiours le coup de quelque balle de canon, ou d'un musquet, ou de quelque aultre arme violente, qui les despeche & oste du pain. Et qui scait si l'ennemy les suit en secret, pour leur couper la gorge, quant moins ils y pensent. Combien te pourrois-je conter des sentinelles, voire mesmes plusieurs milliers du corps, mesme de l'armée, gelées en leur place?

Q

Ily

Il y a eu telle sentinelle, de mon temps, qui debuant estre retirée, a esté aussi dure & roide qu'une pierre, ne s'osant mouuoir contre le froid de peur de contreuenir aux loix militaires, ou en courrir en quelque danger de l'ennemy. As tu bien senty semblable danger? ouy bien a l'ombre du four, chauffant les mains, ou les bruslant aucunesfois en vne pomme rostie: ou bien a table, sustenant le chocq de quelque grand verre de vin: mais il y en a bien peu qui en semblable combat demeurent sur la place: & ceulx qui y demeurent, en demeurent aussi notez de turpitude: mais nos tyrons y demeurent avec l'honneur de leur fidelité, qui leur demeure a iamais.

Masan. He mon amy Martyn, jamais ie n'ouys discourrir soldat en la sorte que tu fais. Tu dis que les arts liberales ont leur lineaments tirez de l'art militaire: mais cependant tu dis mesme, quil n'y a tels labeurs & dangers de nostre part. Toutesfois il me souuient encor, & n'y a trop long temps, que nous auons rencontré en nostre camp des labeurs quasi semblables aux vostres. Car aussi y a il tel au camp des Muses qui faisant ses pourmenades nocturnes, ou en nopces ou en aultres festes & compaignies se trouue en escarmouches assez estranges, & si bien traicté ou de ses compagnons mesmes, ou des guettes de la ville, qu'a grand peine il peult sortir du liét en trois ou quatre sepmaines: & apres auoir deuoré ce bon traictement, a attendu vn aultre salaire, ascauoir la prison par le Recteur Mag. Qui est tout l'honneur qu'on en rapporte: Et s'il n'y a d'aultre en vostre camp de Mars, jamais je ne m'y voudrois approcher. Et de faict j'y voys peu d'apparence, & peu de delineaments d'aultres honneurs chez vous.

Mart. Va bien Masan qu'entre les Muses, aultrement, comme femmes, tant delicates, il y a encor des courages soldatesques: & m'assure que s'ils passent de nostre costé, ils y prendroint plus de plaisir & de courage. Car prenans plaisir aux escarmouches, ils y trouueroient tousiours de l'occasion; & tant plus qu'ils s'y exerceroient, tant plus en rapporteroient ils d'honneur, & comme par degrez iroint tousiours montant & s'accroissant de reputation & de prouesse: sans aucune peur d'estre enuoyez en prison, encor qu'ils auroient en vn iour occis plusieurs de leurs ennemis: ains en seroient plus aymez & honorez.

Mus. Tu me parles tousiours des escarmouches, grâs labeurs & dangers: mais quant a ce qui y est quasi de plus commun ascauoir d'yurogner, gourmander, jouer &c. tempester, oultrager desrobber &c. pas vn mot. Et comme j'entens, quant vous marchez, il n'y a hoste ou aultre qui puisse retenir sa cuisiniere, tant sont elles allechees de vos festins & grandes promesses qu'elles oyent. Tu me racomptes des grans traualx, des dangers de corps & de vie, mais de la bonne chere, avec Ceres Bachus & Venus, je n'en oy rien. Peult estre que tu n'es de ce conuent.

Mart. Je voy bien que tu en fais ton passe temps dem'ouyr ainsi de (ce qui toutesfois est du moindre) nos grans labeurs, traualx & dangers, esquels nostre art s'apprend & s'exerce, mais ne scais tu pas, que l'arc tousiours bandé se rompt a la fin, & post nubila Phœbus, & qu'ayant eschappé quelq; grand danger, on se refaict d'un bon morceau & d'un bon traict.

est. Car qui voudroit estre soldat s'il n'y auoit quelque refectiō apres le labeur.

Mus. Mais tu me disois n'a gueres, que tu demonstrerois, tous tes propositions par autoritez & exēples des Grecqs & des Latins. Et trouues tu entre tes auteurs, que ces peuples la se sont ainsi refaits apres leur labeurs & dangers ? Certes j'oserois bien dire que ton Vegece, Frontin & Ælian n'en font aucune mention.

Mart. Tu es sophiste, & me pretens detourner de mon propos, par semblables questions, auxquelles je te respondray en son lieu : mais maintenant, pour retourner au propos commence, je dis pour le cinquiesme :

L'art qui de tous historiens & auteurs plus renommez, est estimée estre la plus noble, vtile & necessaire, est sans doubte a preferer aux arts Liberales.

L'Art militaire est estimée telle des historiens & Auteurs &c.

--Ergo.

Or qu'ainsi en soit, & que l'art militaire soit tant estimée entre les auteurs anciens & plus renommez : Voy Vegece en son prologue sur le liure premier : In hoc paruo libello, quicquid de MAXIMIS SEMPER NECESSARIIS requirendum credis, inuenies. Cest a dire : Tu trouueras en ce petit liure, tout ce que crois estre remarquable, des choses plus grandes & necessaires.

Et chap. 4. liu. 1. Neque enim PARVA AVT LEVIS ARS VIDETUR ARMORVM, siue equitem siue peditem sagittarium velis imbuere. C'est a dire : Ce n'est art petite ou legiere de la milice, soit que tu vœilles enseigner vn cheualier ou vn archer a pied.

Au prologue sur le liu. 3. Athenienses & Lacedæmonios ante Macedonas rerum potitos prisce testantur annales. Verum apud Athenienses, non solum REI BELLICÆ, sed etiam diuersarum artium viguit industria. Lacedæmonijs autem PRÆCIPUA FVIT BELLORVM CVRA. Præminamque experimento pugnarum de euentibus colligentes ARTEM PRAELIORVM, firmarunt vsque eo, vt REM MILITAREM, quæ virtute sola, vel certe felicitate creditur contineri, ad disciplinam pueritiæque studia reuocarent, ac magistros armorum, quos *TACTIKOS* appellarunt, iuventutem suam vsum varietatemque pugnandi præciperent edocere. O Viros summa admiratione laudandos, qui eam præcipue artem edificare voluerunt, sine qua aliæ artes esse non possunt. Cest a dire : Les vieilles annales tesmoignent, que les Atheniens & Lacedæmoniens, ont eu le gouvernement de la Grece deuant les Macedoniens. Et chez les Atheniens on auoit soing, non seulement de la milice

mais aussi d'autres arts & diuerses sciences : mais les Lacedemoniens estoient principalement occupez du soing des guerres. Car estants les premiers qui de l'experience des soldats iugerent des euenemens des batailles, ils ont tellement recherché & confirmé l'art des batailles, que la milice, (qui s'estime soustenir de la seule vertu, ou bien du bon heur & felicité,) en fut remise a la discipline & estude de la jeunesse, ordonnans des Maistres des armes, lesquels ils appelloient *Tactiques* qui auoient la charge de luy monstrier & enseigner la diuersité des combats & de l'usage & maniement des armes, O gens dignes & de louange & admiration, voulans principalement apprendre ceite art, sans laquelle les autres ne peuuent estre ou subsister. Assez pour n'exceder la briefuete promise: j'espere que tu t'en contenteras.

Pour le Sixiesme : L'Art qui est la plus estimée des plus grands personnages qui sont au monde, comme Empereurs, Rois, Princes, Sages & Philosophes, tant Ecclesiastiques que Politiques, voire monstree & enseignée de ce grand Dieu mesme qui se nomme Le Dieu des batailles, est a bon droit preferée a toutes autres arts & sciences,

L'Art militaire est telle.

--Ergo.

Or que l'Art militaire ayt esté de tout temps en telle estime entre les plus grands & scauans personnages du monde, se voit par diuers exemples. Ce grand Empereur Iules Cesar ne s'est il pas luy mesme employé pour la descrire? Auguste n'en donna il pas luy mesme la charge expresse a Vegece?

En quelle reputation estoit l'art militaire chez ce grand Roy Philippe de Macedoine? Son fils, le grand Alexandre, combien la cherist il? voire tant, qui ayant remonsté vn poete ancien qui l'auoit descripte, il ne se voulut reposer, qu'il n'en eust les escripts sous son cheuet.

Ces grands & Saints personnages du peuple de Dieu, Iosue, Dauid, Les Machabees, ne l'ont certes eue a nonchaloir. Combien instamment prie ce grand Prophete Royal son Dieu, qu'il le vueille dresser au combat, & renforcer son arc: ce n'est autre chose qu'il demande, que la vraye & solide cognoissance de l'art militaire, desirant de l'apprendre de son Dieu: & non la Dialectique, Rhetorique, ou autres semblables fatrats. Et regarde les histoires anciennes, & Chroniques Bibliques, si ce grand Dieu des batailles ne s'est soulié de l'art militaire, des munitions & autres choses requises. Voyre ce grand Roy des Rois, le Seig: des Cieulx & de la Terre, ce Dieu & de paix & des armées, ne s'est il pas luy mesme mis en bataille avec ses exercites celestes, pour la defense & le secours de son peuple? Na il point luy mesme monsté comment il fault ordonner vne bataille? demandez en a Moysé, Iosue, Gedeon, Dauid & autres personnages semblables.

Et

Et afin que sur ce point, comme assez clair, nous ne nous amusions trop longuement : que diras tu des plus grands, anciens, & scavants entre tels Philosophes? Orateurs, Legislaturs & aultres Professeurs de tels arts liberales? Certes ils en ont eu leur part, & ont tousiours conioinct l'art militaire avec les lettres.

Caton, combien est il diligent en la deduiete de l'art militaire, ioincte avec ses Mnses, auxquelles il la prefere aussi? Et regarde avec quelle diligence il instruit & exerce son fils en icelle.

Socrates, le plus sage de la Grece, par le tesmoignage de l'Oracle, n'estoit il pas bon soldat, & exercé en ceste art a suffisance? Certes il a conduit trois armées avec grande louange.

Les Tarentins, ne se sont ils servis d'Architas, pour estre leur Chef?

Melisse, ne fut il vn heureux Chef, de son armée maritime?

Platon, n'estoit il vn brauc soldat au siege de deux villes Iamagre & Corinthe?

Xenophon, n'estoit il vn preux guerrier chez Cyre? Voire iusques a aymer vniquement ses armes mesmes.

Dion ne vainquit il pas Dionyse. Epaminonde, quel guerrier estoit il? Certes estant le chef des Beotiens, il a vaincu les Lacedemoniens tant estimez en l'art militaire : & de fait il fut le premier & des Grecqs & Romains, qui monstra, qu'ils n'estoient invincibles.

Zenon, esleu pour chef des Atheniens ne fist il bon debvoir contre Anrigone?

Solon aussi n'a reiecté la charge de Capitaine en la guerre de Salamine: Et voy le stratageme du quel il circonuint les Megarois.

Phryniche, s'est il excusé quand il fut esleu chef de son armée?

Aristote, a debité & vendu tout le reste de son patrimoine, pour s'en aller en guerre.

Homere, n'estoit il bon soldat? Certes ses escripts en rendent tesmoignage suffisant.

Ouide, auoit aussi sa solde militaire sous l'Empereur Auguste.

Virgile : *Arma virumque cano.* Oy quel est son dessein & occupation. Le poete Timee, fut enuoyé d'Athenes pour estre le chef & conducteur de l'armée Spartaine.

Lycurge ce grand Legislatteur, avec quelle diligence recommande il l'art militaire a ses bourgeois. Vois en Iustin au liure troisieme.

De mesme en fit Mago ce grand chef des Carthaginois, les aduertissant tousiours qu'entre aultres vertus & disciplines, ils eussent l'art militaire en tresgrande recommandation.

Pythagoras, ne fit il pas retourner les Cratoniens a la discipline militaire, laquelle ils auoient desia abandonnée? comme on voit en Iustin liu. 20.

Ciceron aussi estoit assez bon soldat & gendarme.

Fabius aussi n'en estoit pas des moindres entendus en l'art militaire.

En somme ce ne seroit que perte de temps, de nommer par ordre tous les Philosophes & gens des lettres, dont vous vous vantez, qui ont aussi fait profession de l'art militaire.

Pour le septiesme : L'Art, par laquelle toutes les Monarchies et Royaumes du monde sont gaignees, establies & soustenues, est a preferer (excepte la Theologie) a toutes aultres arts & sciences.

L'Art militaire est celle la &c.

--Ergo.

Or que par l'art militaire les Monarchies & Royaumes soyent establis, gaignez & soustenus, se peult demonstrier premierement par la S. Escripiture. Car par quel moyen est ce, que ce Dieu grand & tout puissant, introduist son peuple en la terre promise? Par quel moyen est ce, que le Patriarche Abraham deliure son cousin Loth? Par quel moyen est ce, que le peuple de Dieu a soustenu ses royaumes tant d'années? Par que l'art est-ce, que ce grand Alexandre reduit en si peu de temps, quasi tout le monde sous sa puissance? Par quel artifice est-ce, que les Lacedemoniens ont regné si longuement? Par quelles arts est ce, que les Romains ont abaissé la plus part du monde sous leur ioug? En somme, pour dire aussi vn mot de nostre temps, par quel art est-ce, que les Prouinces vnies du Pais-bas, se sont opposez a vn Roy si puissant? Certes ce n'a esté des plumes, par Philosophie, par Dialectique, Rhetorique, ou force d'arguments sophistiques: non Musan: mais ç'a esté l'art militaire par laquelle, non sans grande admiration, ils ont osé faire teste a vn Roy, assez fort comme sembloit de faire ployer tout le monde sous sa puissance. I'ay bien leu quelques histoires, mais peu d'exemples des prouesses de la plume, & qu'avec force d'encre ou de papier vn ayt gaigné ou deliuré quelque ville ou place de la tyrannie de nostre ennemy commun le Turcq: peu de ces barbares occis en campagne, par le moyen des arts liberales: aussi n'y ay je veu guere de ces Academiques plumatiques en campagne ou en bataille: mais biē les ay je ouy gronder & se vanter de loing, comme les renards en leur tannes, en lieux asseurez & hors des coups. La milice qui emporte la teste avec la barbe &c. leur est trop suspecte, ils se garderont bien d'y approcher. Ainsi aussi quant a toy Musan, derriere le four, & au coups des pommes rosties ou des balles de buerre, tu te ferois bien soldat, & au loysir de farces & fables des Muses tu te montrerois grand maistre: mais au camp de Mars: nihil.

De sorte que vous nommants soldats, vous n'estes toutesfois des vrayz & nobles, mais des soldats feincts & imaginatoires.

Mais il ne fault aller trop loing. Qu'est-ce, que les plus anciens histoires disent au sur plus de nostre art militaire.

Vegece en la preface du quatriesme liure dit: *Ad complementum ergo operis Maiestatis vestræ præceptione suscepti, rationes, quibus vel nostræ ciuitates defendendæ sunt, vel hostium subruendæ, ex diuersis authoribus in ordinem digeram, nec laboris pigebit, cum omnibus profutura condantur.* C'est a dire: Donques pour l'accomplissement de l'œuvre entreprise par le commandement de Vostre Maesté, ie deduiray par ordre les moyens par

par lesquels nos villes peuuent estre guaranties, & celles des ennemis subuerties. Et ne me sera ce labeur facheux, d'autant que les choses qui en seront produictes, seront profitables a tous.

Lib. 1. chap. 1. Nulla alia re videmus populum Romanum orbem terrarum subegisse, nisi armorum exercitio, disciplina castrorum, vsuque militiæ. Cest a dire: Il n'y a aultre moyen, par lequel le peuple Romain a subiugé le monde, si non par l'exercice des armes, la discipline du camp, & l'accoustumance a la milice.

Chap. 13. Liu. 1. Nihil enim neque firmitus, neque felicitus, neque laudabilius est Republ. in qua abundant milites periti. Non enim vestium nitor, vel auri vel argenti, vel gemmarum copiar hostes aut ad reuerentiam nostram, aut ad gratiam inclinant: sed solo terrore subiguntur armorum. Cest a dire: Il n'y a chose plus ferme, ne plus heureuse, ne plus louable, qu'une republique abondante de soldats bien dressez. Car ne la beaute des habits, ne l'abondance d'or, d'argent ou de pierres precieuses, ne peult fleschir les ennemis a nostre obeissance & deuotion: ainsil les fault assuiettir par la terreur des armes.

Liu. 2. chap. 24. Militem, cuius est manibus seruanda Respublica, studiosius oportet scientiam dimicandi, vsunque rei bellicæ iugibus exercitiis custodire. Cest a dire: Il fault que le soldat, par la main duquel la republique doit estre conseruée, entretiene avec grande diligence, & exercice continuel, la science de combattre & l'vsage de la milice.

Liu. 3. chap. 13. Neque enim diuitiarum secura possessio est, nisi armorum defensione seruetur. La possession des richesses ne peult estre assurée, si elle n'est conseruée par la defense des armes.

Liu. 3 chap. 10. Omnes artes, operaque omnia, quotidiano vsu & iugi exercitatione proficiunt. Quod si in paruis verum est, quanto magis decet in maximis custodiri? Quis autem dubitat artem bellicam rebus omnibus esse potiore, per quam libertas retinetur, & dignitas prouinciæ propagatur, & conseruatur imperium. Hanc quondam relictis doctrinis omnibus Lacedemonij, postea coluere Romani. Hanc solam hodieque barbari putant esse seruandam. Cætera omnia aut in hac arte consistere, aut per hanc assequi se posse confidunt. Cest a dire: Toutes les arts, de toutes œuures sont auancees par l'vsage quotidien & continuel exercice. Ce qui estant trouué veritable en choses petites, debuoit estre plus soigneusement remarqué en celles qui sont de plus grande importance. Or
qui

qui est ce qui doubtera, que l'art militaire soit la plus importante que toutes, comme par laquelle la liberté est maintenue, la dignité de la Prouince propagée, & l'Empire conserué. Les Lacedemoniens abandonnans toutes les aultres s'y adonnerent du passé : Les Romains en apres s'y exercerent. Les barbares aussi mesmes l'estiment digne par dessus toutes aultres d'estre conseruée, estimants que tout le reste y est compris, ou qu'on se peult acquerir le tout par icelle.

I'ay reserué ces passages en leurs propres termes, iusques en ce lieu les debuant alleguer dessus : mais cest pour te monstrier icy a l'oeil, en quelle estime ceste nostre art tant noble & digne a esté estimée des anciens Lacedemoniens, Romains, & mesme des Barbares, la preferant a toutes aultres arts & sciences, qui sont au monde. Et espere que tu seras content de ces sept tesmoignages si clers & magnifiques. Et si tu en demandes dauantage, j'y pourrois adioster encor plusieurs : mais ce sera pour vne aultre & meilleure commodité : m'estant icy obligé a briefueté.

Musan. Tu vas recerchant tout ce qui est de ta boutique : mais quand ces Philosophes disent quelque chose, qui ne te soit trop auantageuse, ou bien du tout contraire, alors tu scais bien dissimuler, comme si tu n'en auois rien ouy ou remarqué. Mais as tu aussi leu ce que Platon en dit?

Martin. Je ne scay : & poutroit bien estre : mais dis le pour m'en rafraischir la memoire.

Musan. Bien volontiers. Il dit donques : *Beatas fore Respublicas, si aut imperent Philosophi, aut Philosophentur Imperatores.* Cesta dire : Que les republics seroient heurieuses si les Philosophes y commandoient, ou si les Commandeurs philosophoient. Comment te plaist ceste sentence? qu'en dis tu? Il ne dit point : *Ubi bellicæ artes aut milites imperant*, quand les soldats y gouuernent, ains : *Ubi Philosophi imperant*, ou les Philosophes commandent.

Mart. Helas amy Musan, que ta proposition est fade & froide, & mal entendue, si tu y entens ses fols Philosophastres, qui ignorans de la vraye Philosophie, qui conioinct tousiours Mars & les Muses ensemble, s'enyurent de leur foles & fantastiques speculations, & du reste sont inutiles a toutes aultres choses. Et de fait, je te monstreray tout le contraire par les histoires, a scauoir qu'il n'y a eu des republics plus malheureuses, que celles qui ont esté si simples, de recommander le Gouuernement a des gens semblables. Et comment regiront le gouuernail ou timon, les gens ombratiles & ignorants de ceste nauigation? Regarde l'exemple des deux Catons bien louables en leur endroit, comme aussi je les reuere volontiers : mais quels sont ils, quand ils se fieschissent trop vers le costé de la pretendue, & non vraye Philosophie? l'un par ses fols preceptes & loix pris de la Philosophie, trouble le repos & l'estat de la republique : L'autre par sa trop grande sagesse la subuertit quasi du tout. Et quoy d'autres semblables?

bles? Examine les Brutes, les Cassies, les Graches, vn Ciceron, & aultres: tu trouueras qu'ils n'ont esté que des pestes tresdommageables de la Re- publique Romaine, tout ainsi qu'un Demosthene de celle d'Athenes. Marc Antonin ne fut il pas suspect, voire odieux au commencement, a cause qu'il auoit le nom de Philosophe? Et tels exemples pouuoient estre alleguez en grand nombre.

Musan. Je voy bien qu'il y auroit peu de gaing sur toy, si on vouloit esplucher le tout par le menu: mais d'autant que tu t'es obligé a briefuete, je ne t'en tourmenteray d'auantage, ains laisseray ton art militaire estre art telle qu'elle est, concedant pour te contenter tout ce que tu en demandes. Mais deuant de partir, souuienne toy que tu as promis de monstrier que les arts liberales ont pris leurs delineaments de l'art militaire, dont j'en voudrois bien ouyr la deduite, & veoyr en quoy elles se ressemblent.

Mart. I'en suis content, & pour conclusion de ce second liure, te le monstrieray succinctement. Et pour le premier; c'est vne chose tresasseurée, que vos arts liberales ne sont qu'une pourtraicture des arts militaires. Car n'est ce pas de la que vous auez transferé ces mots a nostre vsage, de Basilicæ, Scholæ, Classes, Decuriæ, Declinatio, Coniugatio, Coniunctio, Præpositio, Suppositio, Constructio, Ascensio, Degradatio, & aultres quasi innumerables? Car comme en vos escholes, vous auez ces ordres & repartissements, en classes & decuries, ainsi l'aueons nous eu es nostres au parauant. La on prend singulier esgard aux ascensions & degradations des Tyrons. Et n'avez vous aussi emprunté ceulx cy de nous? Tyro, Miles, Ludimagister, Doctor, Candidatus. Baccalaureus? D'ou est-ce que vous auez vos promotions des Maistres & Docteurs, sinon de l'imitation de nos procedures, lesquelles vous contrefaictes comme singes? Et qui est-ce qui vous eust monstrier comment vous debuiez creer vn Docteur, si vous ne l'eussies veu en nos escholes militaires? Chose tant claire, qu'il n'y a besoing de tesmoignages. Mais d'autant que tu en pourrois encor doubter; lis seulement les Autheurs qui ont escript de l'art militaire, & tu y trouueras beaucoup plus de ce que ie t'ay dit.

Pour le second, du commencement de ces delineaments, tu comprendras aussi sans beaucoup des longs propos, quelle conionction & parentage il y a entre vos arts liberales, & l'art militaire. Laquelle a bon droit s'accompare a la conionction du mary & de la femme, dont s'engendrent tant des esprits heroiques. Et tandis que Mars a esté en telle & bonne conionction avec les Muses, tout le monde en a iouy de prosperité. Et de faict, je te monstrieray, qu'entre les Romains, tous les soldats, & petits & grands, ont esté lettrez & doctes, mais enseignez en leur langue naturelle. De la est ce que Vegece dit liu. 2. chap. 13. Ita vt ex cohorte, vel quota esset centuria in vexillo litteris esset ascriptum, quod intuentes vel legentes milites, in quantouis tumultu a contubernalibus suis aberrare non possent. Cest a dire: Les compagnies estoient tellement reparties, que chascune troupe auoit son nombre, marque en l'enseigne: de sorte que les soldats le voyants ne pou-

uoient faillir, combien que la meslée fut grande, de reconnoistre son enseigne, & s'y joindre promptement.

Liu. 2. chap. 6. Sed prima cohors reliquas & numero dignitate militum præcedit. Nam genere & institutione litterarum viros lectissimos quærit. Cest a dire : La premiere troupe deuance tousiours les aultres tant en nombre, qu'en dignité des soldats. Car elle demande les hommes plus exquis, & en noblesse & en la cognoissance des bonnes lettres.

Liu. 3. chap. 7. Et hoc est in quo totius R E I P U B L I C Æ salus vertitur, vt tyrones non saltem corporibus sed etiam A N I M I S P R Æ S T A N T I S S I M I deligantur. Vires Regni, & Romani nominis fundamentum, in prima delectorum examinatione consistunt. Nec leue hoc officium putetur, aut passim quibuscunque mandandum, quod apud veteres inter tam varia genera virtutum, in Sertorio præcipue constat esse laudatum. Iuuentus enim, cui defensio prouinciarum, cui bellorum fortuna committenda est, & genere, si copia superpetat, & moribus debet excellere. Honestas enim idoneum militem reddit. Cest a dire : Et c'est en cecy, que le bien de la republique consiste, a scauoir, que les tyrons soyent choisis non seulement selon la force du corps, mais aussi selon l'excellence de l'Esprit. Car la puissance du Royaulme, & le fondement du nom Romain gist, en vn diligent examen de ceulx, qui doibuent estre d'eslite. Et ne fault penser que ce soit peu de chose, ou vne charge, qui se puisse recommander a chascun, laquelle entre vne si grande varieté des vertus a esté louée des anciens en Sertorius. Car il fault que la ieunesse, a laquelle la defense des prouinces, & la fortune de la guerre doit estre commise, soit remarquée & de noblesse, & s'il y a moyen, des bonnes meurs. Car l'honnesteté recommande le soldat.

Voyla vne vraye description de la milice Romaine, en laquelle on taschoit, aultant que possible, de faire l'eslite des gens de lettres, estimans ne pouuoir estre bons soldats ceulx qui n'en estoient aucunement embeus. Alors il y auoit meilleure correspondance entre Mars & les Muses: il y auoit vn amiable mariage, accompagne d'vne loyauté tresconstante. Mais aussi tost que Ciceron, Pompee, & aultres se sont presentez, attentants & parfaizans la dissolution de ce lien de mariage, detournans les Muses de leur fidele mary, a scauoir de Mars (qui en auoit ingendré des Esprits vrayement heroiques, des vainqueurs & triumpheurs de leurs ennemis) fayzans acroyre a leur generation, qu'il falloit quitter les honneurs dangereux de leur pere, se retirer des playes sanglantes, grands labours d'endurer sans intermission, faim, soif, chaleur & froidure, voire attendre a chascun moment la mort en la fleur de leur aage; & suivre leurs meres, les Muses, doulces & reposees, qui les esleueroient a grandes dignitez, & aux Gouuernements des empires, royaulmes, prouinces, & villes: tous

tout s'est changé. La generation de ceste race valeureuse a cessé : La grandeur Romaine a decline, & les victoires ont prises fin. Voire Mars degousté & courroucé d'un si malheureux oultrage, de ceulx auxquels il avoit seruy, & quil avoit avancé, d'une si vilaine desloyauté de ses espouses les Muses; les laissant faire la court a ces paillardes, s'est retourné vers leurs ennemis, & avec soy y a transporté toutes les victoires, & les succez heureux, desquels il estoit ornez, complez & avancez au paravant. De la le discord de leurs Chefs; de la les guerres civiles, esquelles ils se sont deuorez eulx mesmes, de là l'amoindrissement de leur puissance, de la décroissement de leurs territoires & provinces; de la les rebellions, de la en somme tout leur malheur & mespris, en sorte que ceulx qui mesmes-trembloient a la memoire de leur nom, leur osoient faire teste. Et quant a Mars mesme, il semble estre tellement esmeu & despité de ce lasche tour de ses espouses des Muses, que jamais il ne se pourra reconcilier, & les reprendre a soy. Dont nous voyons encor pour le present le default, de ces genereux esprits.

Et est-ce vne chose assez deplorable, que depuis le commencement de la decadence de l'empire Romain iusques a present, mesme entre les Chrestiens, qui eust le soing, & print la peine de concilier ce mariage de Mars & des Muses. C'estoit bien du debvoir de leurs propres enfants, ascavoir de Empereurs. Rois, Princes, Contes, Barons, Cheualiers & aultres semblables, issus de ceste couche coniugale, voire de retenir quelque peu leurs meres, qu'elles ne s'abandonnassent ainsi du tout a ces viles ames de leurs pretendus amateurs, dont ne reussissent que des bastards execrables; & les importuner de retourner avec la deüe reuerence vers leur propre mary, pour abolir la honte receüe : mais aussi de ceste part il y a grande difficulté. Toutesfois je ne doute aucunement s'ils en faisoient l'essay, ils en auroient toutesfois l'honneur de la bonne volonté : & qui scait, si Mars qui n'est si farouche, ne se laisseroit quelquelement adoucir, & se remettant de leur costé les releueroit aussi en la vieille dignité, & felicité passée.

Musan. He mon amy Martin, que tu m'as esmeu vn grand amour vers L'Art militaire, & desir de l'apprendre, pour veoir, si par aventure ie pouuois paruenir a tel degre d'honneur & de noblesse, comme je m'en estois persuadé de arts liberales, les estimant le seul moyen d'y paruenir. Et pourtant dis moy quelle diuersité y à il, ou quelles especes. Car j'ay remarqué en ton discours quelque diuersité, oultre ce que tantost, tu en parles comme singulier art militaire, tantost tu en parles comme de plusieurs arts militaires?

Mart. Si tu parles a bon escient, amy Musan, je suis certain, que tu ne t'en repentiras iamais. Et comme on dit au proverbe de celuy, qui retient vn chariot d'or, s'il ne se s'approprie du tout, pour le moins il en tirera & retiendra vn clou; ainsi en sera aussi de toy: si t'exerceant deüement en l'art militaire, tu ne viens au plus hault degre de Generalissime, ou Chef souverain de l'armée, Marechal de camp, ou aultre tel, comme les plus haults se situent l'un l'autre; tu parviendras peult estre a celuy de General, qui est desia vn degre Principal & de Prince: Si non de Prince, ce sera

de conte, tel qu'est celuy du Lieutenant General : s'il n'est de Conte, il sera de Baron & Cheualier; tel qu'est celuy de Capitaine d'autant des soldats. S'il n'est de Baron, il sera de Gentilhomme, comme est celuy du Lieutenant ou Port-enseigne. En somme, si tu n'attains le plus hault; tu ne failliras toutesfois de paruenir a quelque moindre, par lequel (comme tu en verras l'experience) tu iras tousiours montant iusques au plus hault de ta portée. Et pour te dire, combien il y a des diuersitez & especes en l'art Militaire ou en la milice, qui est le Genus, comme on le nomme es escolles; sçache qu'il y a six diuersitez comme especes.

La premiere l'Art militaire ou milice a pied, ou de l'Infanterie.

La seconde, L'Art de la Cauallerie.

La troisieme, La science ou art des batailles.

La quatrieme, L'art de l'Artillerie.

La cinquieme, L'art de fortification.

La sixieme, L'art de combattre a batteau.

Cecy sont six especes, de sciences esquelles toute l'art militaire consiste. Lesquelles ie comprendray ensemble (Dieu aydant) en vn traité au liure quatrieme, pour y monstrier comme en vn compende ou abbrege les regles particulieres de chascune.

Mais le chemin pour paruenir a vraye noblesse, est cestuy cy, ascauoir, qu'ayant bonne cognoissance de toutes ensemble, ou d'une aussi en particulier, tu l'exerces fidele & constamment contre ton ennemy.

Mus. Mais comment sera il possible, qu'un homme puisse exercer & pratiquer toutes ces sciences? Certes il y fault plusieurs armées pour vne seule pour la bien apprendre. Et combien y en a il qui demeurent sus l'apprentissage? & suis bien asseuré, que de plusieurs milliers il y aura a gran peine vn ou deux, qui en viennent a bout.

Mart. Tu dis bien Musan. Et c'est de cecy que ie me plains principalement, ascauoir qu'il fault que le soldat apprenne premierement, quand on le veut mettre en œuvre contre l'ennemy. Apprentissage bien cher & dangereux: car l'ennemy n'y ioue pas: & debuoir il auoir appris, deuant d'en venir ainsi a l'espreuue. De fait, c'est de la que de quelque cents années en çà il y a eu si grands desastres & mal encentres aux guerres, ascauoir, faulte de discipline, & institution militaire, & mesme on ne scait la maniere de bien guerroyer, ou s'il y en a quelques vns qui en ont quelque intelligence, ils n'y sont ouys. Et voila comment tout va par vn malheureux desordre: Le soldat est pris de la charrue ou d'autre labeur, chargé plustost que garde de ses armes: est enuoyé vers l'ennemy pour apprendre a en iouer ou vser; qui souuentefois luy coupe la gorge a la premiere rencontre, & le fait payer, non vn Minerual, mais vn Martiel bien cher pour la premiere & derniere fois. Les anciens en faisoient bien autrement, ne recebant pour soldat, sinon celuy qui estoit bien instruit en l'art militaire, ou a l'espece a laquelle on le vouloit appliquer. Aussi ont ils esté plus heureux en leurs entreprises. C'est par cemoien que les Lacedemoniens se sont tant esleuez en puissance. C'est de la que ce grand Alexandre subiuga en peu de

de temps avec si peu des gens, de sorte que le nombre des terres, provinces, villes & forteresses surmôtoit quasi celui de ses soldats. mais veterains & bien versez es armes, & exercez en l'art militaire. C'est ainsi que les Romains se sont acquis & conserué si longtemps, la Seigneurie de quasi tout le monde. C'est ainsi qu'encor pour le present le Turcq va accroissant de plus en plus sa puissance. Combien que cestuy cy n'en a pas encor la cognoissance si parfaite que les aultres, n'en approchant a peine de la centiesme partie. Qui est l'une des œuvres de la Prouidence Diuine, pour la conseruation d'une petite partie de son peuple. Car c'est luy qui la luy tient encor cachée; la ou s'il en venoit a quelque perfection, cest vne chose asseurée, qu'il en auroit bien tost trouué la fin de toute la Chrestienté.

Musan. Tu me dis beaucoup de la maniere de bien guerroyer, que toutes les Monarchies, Royaulmes & Seigneuries en sont acquises & soutenues, & se maintiennent aussi long temps, que la discipline & art militaire, dont ceste maniere de bien guerroyer prouient est maintenue. Mais di moy aussi, que c'est de la ditte maniere de bien guerroyer, & qu'est ce que tu entends par ce mot.

Mart. l'en ay parlé souuent en ce discours; mais pour t'expliquer icy tout par le menu, le temps ne le permet, & nostre propos en seroit trop long: ioint que ce seroit vn labour inutile, la chose estant encor trop haulte, en sorte que tu ne la pourrois comprendre. Mais, s'il plait a Dieu, apres t'y auoir encor quelque mieulx preparées deux liures suiuant, je le te declareray au cinquiesme liure, tout rond & ouuertement.

Musan. Sus donques, je me contenteray de ce que tu m'en as dit, & cependant m'exerceray es elements de ces arts militaires. Mais quelle grace y auray-je? Il y a desia vingt & quatre ans que j'ay appris l'A. B. C. es escholes, & m'en suis tellement auancé, que je pourrois acquerir le degré de Docteur: & me mettray ie maintenant derechef a apprendre des elements, comme vn petit enfant.

Mart. Mon amy, tu as iusques a present traité des choses pueriles: Mais maintenant tu t'achemineras aux choses viriles, desquelles tu ne peulx ny ne dois auoir honte. Je les appelle elements: mais ce sont les premieres degrez a la virilité; dont aussi dit Virgile, *Arma virumque cano*. Ce ne sont choses pueriles, ni des jeux des enfans, qui y sont traittez, mais les moyens d'acquerir vray honneur & reputation.

Mus. Mais qu'en diront mes Academiques? Je crain certes qu'ils ne seront trop contents, que ie m'ay ainsi laissé persuader, de quitter le camp des Muses, & me faire soldat. Quant a eulx, ils en eussent mieulx aymé d'en faire vn Chanoine ou aultre telle creature de robbe longue. Et de toy penses tu qu'ils en seront trop contents, que tu les traittes si lourde & inciuilement.

Mart. Qu'ils facent ce qu'ils voudront. De toy ils diront bien, que tu t'es enfuy de leur eschole, & t'es adonné a aultres arts. Et de moy; d'en auoir gran gre & d'en attendre gran salaire, ie scay bien que non. Toutes fois je proteste, qu'en ce mien discours je ne pretens rien qui soit contre l'honneur & reputation des vrayes & bons Academiques: ains que ie parle de ces Philosophastres qui se fourrent parmy eux, pour auancer leurs abuz, & entretenir la ieunesse a tort par leur subtilitez ou sophisteries.

Car je scay bien, par la grace de Dieu, quelle est l'vtilité des Academies, & quels frui&ts en sortent au profit de tout le monde. Toutesfois, s'il y auoit quelqu'un qui auoit enuie de quereller contre moy, je le remarqueray pour tel, qui prend plaisir es excez taxez, & les voudroit maintenir avec le dommage du public pour son propre intere&ts : & de faict j'y verray, que j'ay touché ou ataint : car selon le commun prouerbe, quand on iette vne pierre entre les chiens, celuy qui en est touché est le premier a crier. Cependant je voudroy bien souhaiter aux Academiques, que ce bon Dieu leur fit la grace, de leur ouurir les yeulx, en sorte que regardants les temps & les manieres anciennes d'enseigner la ieunesse, ils entendissent quel profit & auantage ils eussent fait par toute la Chrestienté, s'ils eussent proposé les arts militaires, ioin&tes aux liberales, avec mesme zele & instance, ainsi qu'on faisoit entre le peuple de Dieu, mesme en l'Ancien Testament. Ou que pour le moins ils y eussent obserué la distinction naturelle, de tous estats : En sorte qu'à la Noblesse, comme ordonnée de Dieu a cela, ils eussent recommandé la milice avec les lettres : avec meure consideration de ce vers ancien Tu supplex ora : Tu proteges : Tu que labora. C'est l'office des trois estats. L'Ecclesiastique a soing de la priere & du seruice Diuin : celuy de la noblesse, de la defense : Le commun de traualier, pour l'entretien & de soy, & des aultres. En vn chascun faisant ainsi, ce qui est de sa charge, sans doubte tout le monde deliuré de la confusion qui le traualle a present, iouyroit d'une amiable paix & prosperité.

Musan. Par ta vie, Martin, que le commun, au quel tu comprends les villageois, les marchans, artisans & aultres semblables gēs, n'oye cela de toy, que tu leur impose : la charge de traualier pour l'entretien des aultres deux, estats, de peur qu'ils ne commencent vn nouveau procez contre toy.

Mart. Mais qu'est ce qu'ils pourroient faire. Vn procez ? Mais ne scais tu que la sentence y est desia donnée par ce grand Roy des Rois, & juge des juges ? Donnez a Cæsar les choses qui appartiennent a Cæsar & : a Dieu les choses qui appartiennent a Dieu. Laquelle tu scais bien iusques ou elle s'estend.

Musan. Je le scais bien. Mais garde toy de te mesler entre les Theologiens. Car j'entens que tu les respectes encor, voire iusques a preferer leur science a ton art militaire, intitulant de plus haulte & plus noble, que toute les aultres. Et espere que tu les laisseras en ceste grandeur.

Mart. Ouy deã. Et ne scais tu que c'est a dire, qui vous toudra, il toudra la prunelle de mes yeulx. Ioint que bons fideles & syn-ceres pasteurs, sont aussi des maistres d'une milice Spirituelle, nous enseignant comment nous debuons defendre nos ames, & combattre contre des ennemis inuisibles, qui avec grandes forces & ruses pretendent nous priuer de nostre salut. De sorte qu'ils ont aussi grande conformité avec nous qui sommes soldats corporels. Et de faict ils sont aussi soldats, & en guerres, batailles, & combats & escarmouches beaucoup plus dangereuses que nous. Voire l'Apostre S. Paul estoit aussi vrayement soldat, quand il s'acheminoit armé avec sa troupe vers Damas. Certes il y auoit son harnois & l'espee ceinte au costé, & le reste, sans doubte bien a la soldatesque

tesque. Et de la est ce que pour armer le soldat spirituel, il a les termes si propres, pris du soldat corporel, l'equippant de toutes pieces, d'haler, de la ceinture, le heaulme, bouclier & glaive, & luy en monstrant l'usage contre son ennemy. Ce bon Dieu face la grace, que comme nous triomphons aulcunes fois de nos ennemis corporels, ainsi aussi en ceste guerre tousiours vigilants & sur nos gardes, emportant finalement la victoire, & gardans foy & bonne conscience, nous receuions la couronne promise de paix & de repos eternal. Amen. Amen. Amen.


Summo militi, pro genere humano militanti,
fit laus & gloria


Per omnem perennitatem. Amen.


Fin

Du second livre de l'art militaire a Cheval.











Walhausen

ART
MILITAIRE
A
CHEVAL

